

古文辭類纂

六

古文辭類纂 箴銘類

揚子雲州箴十二首

無按子雲本傳云箴莫善於漢 漢文志以州箴列於儒家此本錄從漢文類聚別

元封五年初置刺史部十三州晉書地志以冀幽并兗徐揚荆豫益涼及朔方交此是為十三領而田仁於天漢太始之間嘗刺舉三河又在十三領之外其後征和四年置司隸校尉又其後罷所領兵而使察三輔三河宏顯於是無三河刺史而有司隸是武帝時共十四部也昭帝初以河內屬冀州河東屬并州則司隸但有三輔宏顯河南其後成帝罷刺史置州牧真帝始復刺史而卒又改為州牧焉司隸之官成帝時嘗真帝時復然哀帝雖復其官但屬大司空比於司直故本紀謂之正司直司隸蓋自是佐三公專朝廷不法者而已不復如成帝以前之督部諸郡三輔也故自成帝省司隸後總為十三部其時司隸所部必分屬於豫涼二州矣但史言不詳耳至平朔方所部歸於并州十二州名分界國所屬其州名史亦不詳蜀顧子雲是領而知之類蓋設雍州以屬涼州而朔方所部歸於并州二州黃支國屬并州其交州嶺內亦述及焉然則其文必平帝時作當時王莽既改州名頗更其事蓋使人定為地理之書今漢書地理志所本者是也故地理志書戶口獨舉元始二年知其與州同同時有也志內每郡國必曰國某州而三輔漢書地理志所本者是也故地理志書戶口獨舉元始二年知其與州同屬雍州也班氏以雍州乃王莽專擅時所置之名故刊除之爾其實志內某郡屬某州大抵皆莽所定而漢平帝以前郡國分屬諸州之制莽所云不應經者皆不復可詳也自是迄莽之亡皆十二部建武中興改雍州為司隸而復設涼州乃復為十三部

洋洋冀州鴻原大陸岳陽是都島夷皮服潺湲浚河流表以竭石三后攸降列為侯伯降周之末趙魏是宅冀土糜沸炫炫如湯更盛更衰載從載衡陪臣擅命天王是替趙魏相反秦拾其燹北築長城恢夏之場漢興定制改列藩王仰覽前世厥歷孔多初安如山後崩如崖故治不忘亂安不獲危周室自怙云焉有予肇六國奮矯果絕其維牧臣司冀敢告在階

右冀州牧箴

悠悠濟河兗州之舊九河既導雷夏攸虛草繇木條漆絲繙紉漚灑既通降邱宅土成湯五徙卒都於亳盤庚北渡牧野是宅丁感雖雉祖己伊忠爰正厥事遂緒高宗厥後陵遲顛覆湯緒西伯戡黎祖伊奔走致大威命不恐不震婦言是用牝雞是晨三仁既知武果戎服牧野之禽豈復能耽甲子之朝豈能復笑有國雖久必畏天咎有民雖長必懼人殃箕子歔歔厥居為墟牧臣司兗敢告執書

右兗州牧箴

茫茫青州海岱是極鹽鐵之地錯松怪石羣水攸歸萊夷作牧貢篚以時莫怠莫違昔在文武封呂於齊厥土塗泥在邱之營五侯九伯是討是征馬殆其御御失其度周室荒亂小白以霸諸侯僉服復尊京師小白既沒周卒陵遲嗟茲天王附命下土失其法度喪其文武牧臣司青敢告執炬

右青州牧箴

海岱淮東海是渚徐州之土邑于蕃宇大野既隳有羽有蒙孤桐蟻珠泗沂攸同實列蕃蔽侯衛東方民好農蠶大野以康帝癸及辛不祗不恪沈湎於酒而忘其東作天命湯武勦絕其緒詐降周任姜鎮於琅邪姜姓絕苗田氏攸都事由細微不慮不圖禍如邱山本在萌芽牧臣司徐敢告僕夫

右徐州牧箴

矯矯揚州江漢之濟彭蠡既濶陽鳥攸虛橘柚羽貝瑤琨篠簞閩越北垠沅湘攸往獷矣淮夷蠢蠢荆蠻翮彼昭王商征不旋人咸躓於堙莫躓於山咸跌於污莫跌於川明哲不云我昭童蒙不云我昏湯武聖而師伊呂桀紂悖而誅逢干蓋邇不可不察遠不可不親靡有孝而逆父罔有義而忘君太伯遜位基吳紹穎夫差一誤太伯無祚周室不匡句踐入霸當周之隆越裳重譯春秋之末侯甸叛逆元首不可不思股肱不可不孳堯勳屢省舜盛欽謀牧臣司揚敢告執籌

右揚州牧箴

幽幽巫山在荆之陽江漢朝宗其流湯湯夏君遭逢荆衡是調雲夢塗泥包匭菁茅金玉砥礪象齒元龜貢篚百物世以饒戰戰慄慄至桀荒盜曰我在帝位若天有日不順庶國孰敢余奪亦有成湯果秉其鉞放之南巢號之以桀南巢茫茫包楚與荆風慄以悍氣銳以剛有道後服無道先彊世雖安平無敢逸豫牧臣司荆敢告執御

右荊州牧箴

郁郁荆河伊雒是經榮播桑漆惟用攸成田田相擊慮慮相距夏殷不都成周攸慮豫野所屠爰在鵠墟四隩咸宅寓內莫如陪臣執命不慮不圖王室陵遲喪其爪牙靡哲靡聖捐失其正方伯不維韓卒擅命文武孔純至厲作晉成康孔甯至幽作傾故有天下者母曰我大莫或余敗母曰我彊靡克余亡夏宅九州至於季世放于南巢成康太平除及周微帶蔽屏營屏營不起施于孫子至赧爲極實絕周祀牧臣司豫敢告柱史

右豫州牧箴

巖巖岷山古曰梁州華陽西極黑水南流茫茫洪波絲理降陸于時八都厥民不隩禹導江沱岷嶓啓乾遠近底貢磬錯碧丹絲麻條暢有粳有稻自京徂畛民攸溫飽帝有桀紂涵沈頗僻遏絕苗民滅夏殷續爰周受命復古之常幽厲夷業破絕爲荒秦作無道三方潰叛義兵征暴遂國於漢拓開疆宇恢梁之野列爲十二光羨虞夏牧臣司梁是職是圖經營盛衰敢告士夫

右益州牧箴

墨。水。西。河。橫。截。崑。崙。爲。指。關。闔。畫。爲。雍。垠。上。侵。積。石。下。礙。龍。門。自。彼。氏。羌。莫。敢。不。來。庭。莫。敢。不。來。匡。每。在。季。主。常。失。厥。緒。侯。紀。不。貢。荒。侵。其。窟。陵。遲。衰。微。秦。據。以。戾。興。兵。山。東。六。國。顛。沛。上。帝。不。奪。命。漢。作。京。隴。山。以。徂。列。爲。西。荒。南。排。勁。越。北。啓。疆。胡。并。連。鳳。國。一。護。攸。都。蓋。安。不。忘。危。盛。不。諱。衰。牧。臣。司。雍。敢。告。贅。衣。

右雍州牧箴

蕩蕩平川惟冀之別北阨幽都戎夏交信伊昔唐虞實爲平隄周末薦臻迫於獯鬻晉涓其倍周使不阻六國擅權滅趙本都東限穢陌羨及東胡疆秦北排蒙公城疆大漢初定介狄之荒元戎屢征如風之騰義兵涉漠偃我邊萌既定且康復古虞唐盛不可不圖衰不可或忘隄潰蟻穴器漏箴芒牧臣司幽敢告侍旁

右幽州牧箴

雍別朔方河水悠悠北辟靈囿南界洪流盡茲朔土正直幽方自昔何爲莫敢不來貢莫敢不來王周穆遐征犬戎不享爰貊伊德侵玩上國宣王命將攘之涇北宗周罔職日用爽蹉既不俎豆又不干戈犬戎作難弊於驪阿太上曜德其次曜兵德兵俱顛靡不悴荒牧臣司并敢告執綱

右并州牧箴

交州荒裔水與天際越裳是南荒國之外爰是開闢不羈不絆周公攝祚白雉是獻昭王陵遲周室是亂越裳絕貢荆楚逆叛四國內侵蠶食周宗臻於季報遂入滅亡大漢受命中國兼該南海之宇聖武是恢稍稍受羈遂臻黃支杭海三萬來牽其犀盛不可不憂隆不可不懼顧瞻陵遲而忘其規舉亡國多逸豫而存國多難泉竭中虛池竭灑乾牧臣司交敢告執憲

右交州牧箴

揚子雲酒箴○○○

子猶餅矣觀瓶之居居井之湄處高臨深動常近危酒醪不入口藏水滿懷不得左右牽於纏微一旦更癡爲甕所軀身提黃臬骨肉爲泥自用如此不如鴟夷鴟夷滑稽腹大如壺晝日盛酒人復借酤常爲國器託於屬車出入兩宮經營公家繇是言之酒何過乎

崔子玉座右銘○

無道人之短無說己之長施人慎勿念受施慎勿忘世譽不足慕唯仁爲紀綱隱心而後動謗議庸何傷無使名過寔守愚聖所臧在涅貴不緇暖曖內含光柔弱生之徒老氏誠剛彊行行鄙夫志悠悠故難量慎言節飲食知足勝不祥行之苟有恒久久自芬芳

張孟陽劍閣銘○○

巖巖梁山積石峨峨遠屬荆衡近綴岷嶓南通邛夔北達襄斜狹過彭碣高踰嵩華惟蜀之門作固作鎮是日劍閣壁立千仞窮地之險極路之峻世濁則逆道清斯順閉由往漢開自有晉秦得百二并吞諸侯齊得十二田生獻辨矧茲狹隘士之外區一人荷戟萬夫趨赴形勝之地匪親勿居昔在武侯中流而喜山河之固見屈吳起與實在德險亦難恃洞庭孟門二國不祀自古迄今天命匪易憑阻作昏鮮不敗績公孫既滅劉氏銜璧覆車之軌無或重跡勒銘山阿敢告梁益

退之五箴并序○○○

人患不知其過既知之不能改是無勇也余生三十有八年髮之短者日益白齒之搖者日益脫聰明不及於前時道德日負於初心其不至於君子而卒爲小人也昭昭矣作五箴以訟其惡云

游箴

余少之時將求多能蚤夜以孜孜余今之時既飽而嬉蚤夜以無爲嗚呼余乎其無知乎君子之棄而小人之歸乎

言箴

不知言之人烏可與言知言之人默焉而其意已傳辯中之辯人反以汝爲叛臺中之評人反以汝爲傾汝不懲邪而嘖嘖以害其生邪

行箴

行與義乖言與法違後雖無害汝可以悔行也無邪言也無顛死而不死汝悔而何宜悔而休汝惡曷寧宜休而悔汝善安在悔不可追悔不可爲思而斯得汝則弗思

好惡箴

無善而好不觀其道無悖而惡不詳其故前之所好今見其尤從也爲比捨也爲讐前之所惡今見其臧從也爲愧捨也爲狂維讐維比維狂維愧於身不詳於德不義不祥維惡之大幾如是爲而不顛沛齒之尙少庸有不思今其老矣不慎胡爲

知名箴

內不足者急於人知露焉有餘厥聞四馳今日告汝知名之法勿病無聞病其瞠瞠昔者子路惟恐有聞赫然千載德譽愈尊矜汝文章負汝言語乘人不能揜以自取汝非其父汝非其師不請而教誰云不欺欺以賈情揜以媒怨汝曾不寤以及於難小人在辱亦克知悔及其既寧終莫能戒既出汝心又銘汝前汝如不顧禍亦宜然李習之行已箴○

人之愛我我度於義義則爲朋否則爲利人之惡我我思其由過寧不改否又何仇仇實生怨利實害德我如不思乃陷於惑內省不足愧形於顏中心無佞曷長多言唯咎在躬若市於戲慢譴自它匪汝之辱昔者君子惟禮是持自小及大曷莫從斯苟違於此其何不爲事之在人味者亦知遷焉及已則莫之思造次不戒禍焉可期書之在側以爲我師

張子西銘○○○

乾稱父坤稱母子茲統焉乃混然中虛故天地之塞吾其體天地之帥吾其性民吾同胞物吾與也大君者吾父母宗子其大臣宗子之家相也尊高年所以長其長慈孤弱所以幼其幼聖其合德賢其秀也凡天下疲癯殘疾惇獨鰥寡皆吾兄弟之顛連而無告者也于時保之子之翼也樂且不憂純乎孝者也違曰悖德害仁曰賊濟惡者不才其踐形惟肖者也知化則善述其事窮神則善繼其志其不愧屋漏爲無忝存心養性爲匪懈惡旨潤崇

伯子之願養育英才類封人之錫類不弛勞至底盡舜其功也無所逃而待烹申生其恭也體其受而歸全者參乎勇於從而順令者伯奇也富貴福澤將厚吾之生也貧賤憂戚庸玉女於成也存吾順事歿吾寧也

蘇子瞻徐州蓮華漏銘○

故龍圖閣直學士禮部侍郎燕公肅以創物之智聞於天下作蓮華漏世服其精凡公所臨必爲之今州郡往往而在雖有巧者莫敢損益而徐州獨用晉人衛朴所造廢法而任意有壺而無箭自以無目而廢天下之視使守者伺其滿則決之而更注人莫不笑之國子博士傅君賜公之外曾孫得其法爲詳其通守是邦也實改作而請銘於軾銘曰

人之所信者手足耳目也目識多寡手知重輕然人未有以手量而目計者必付之於度量與權衡豈不自信而信物蓋以爲無意無我然後得萬物之情故天地之寒暑日月之晦明崑崙滂薄於三十八萬七千里之外而不能逃於三尺之箭五斗之餅雖疾雷霾風雨雪晝晦而遲速有度不加虧贏使凡爲吏者如澼之受水不過其量如水之浮箭不失其平如箭之升降也視時之上下降不爲辱升不爲榮則民將靡然而心服而寄我以死生

蘇子瞻九成臺銘○

韶陽太守狄咸新作九成臺玉局散吏蘇軾爲之銘曰自秦并天下滅禮樂韶之不作蓋千三百二十有三年其器存其人亡則韶旣已隱矣而況於人器兩亡而不傳雖然韶則亡矣而有不亡者存蓋常與日月寒暑晦明風雨並行乎天地之間世無南郭子綦則耳未嘗聞地籟也而況得聞天籟使耳聞天籟則凡有形有聲者皆吾羽旄干戚管磬絃管試與子登夫韶石之上舜峯之下望蒼梧之渺莽九變之聯絲覽觀出川之吐吞草木之俯仰鳥獸之鳴號衆毅之呼吸往來唱和非有度數而均節自成者非韶之大全乎上方立極以安天下人相而氣應氣應而樂作則夫所謂籟韶九成來鳳皇而舞百獸者旣已粲然畢陳於前矣

漢書卷之九十四 卷之九十四 卷之九十四

漢書卷之九十四 卷之九十四 卷之九十四

漢書卷之九十四 卷之九十四 卷之九十四

漢書卷之九十四 卷之九十四 卷之九十四

漢書卷之九十四 卷之九十四 卷之九十四

漢書卷之九十四 卷之九十四 卷之九十四

漢書卷之九十四 卷之九十四 卷之九十四

漢書卷之九十四 卷之九十四 卷之九十四

漢書卷之九十四 卷之九十四 卷之九十四

漢書卷之九十四 卷之九十四 卷之九十四

漢書卷之九十四 卷之九十四 卷之九十四

漢書卷之九十四 卷之九十四 卷之九十四

漢書卷之九十四 卷之九十四 卷之九十四

漢書卷之九十四 卷之九十四 卷之九十四

漢書卷之九十四 卷之九十四 卷之九十四

古文辭類纂 頌贊類

揚子雲趙充國頌○

明靈惟宣戎有先零先零猖狂侵漢西疆漢命虎臣惟後將軍整我六師是討是震既臨其域喻以威德有守矜功謂之弗克請奮其旅於罕之羌天子命我從之鮮陽營平守節屢奏封章料敵制勝威謀靡亢遂克西戎還師於京鬼方賓服罔有不庭昔周之宣有方有虎詩人歌功乃列於雅在漢中興充國作武赳赳桓桓亦紹厥後
袁宏三國名臣序贊○

夫百姓不能自治故立君以治之明君不能獨治則爲臣以佐之然則三五迭隆歷世承基揖讓之與干戈文德之與武功莫不宗匠陶鈞而羣才緝熙元首經畧而股肱肆力雖遭離不同且跡有優劣至於體分冥固道契不墜風美所扇訓革千載其揆一也故二八升而唐朝盛伊呂用而湯武寧三賢進而小白與五臣顯而重耳霸中古陵遇斯道替矣居上者不以至公理物爲下者必以私路期榮御國者不以信誠率衆執方者必以權謀自顯於是君臣離而名教薄世多亂而時不治故蘧寧以之卷舒柳下以之三黜接輿以之行歌魯連以之赴海袁世之中保持明節君臣相體若合符契則燕昭樂毅古之流也夫未遇伯樂則千載無一驥時值龍顏則當年控三傑漢之得才於斯爲貴高祖雖不以道勝御物羣下得盡其忠蕭曹雖不以三代事主百姓不失其業靜亂庇人抑亦其次夫時方顛沛則顯不如隱萬物思治則默不如語是以古之君子不患宏道難遭時難遭時不難遇君難故有道無時孟子所以咨嗟有時無君賈生所以垂泣夫萬歲一期有生之通塗千載一遇賢智之嘉會遇之不能無欣喪之何能無慨古人之言信有情哉余以暇日嘗覽國志考其君臣比其行事雖道謝先代亦異世一時也文若懷獨見之明而有救世之心論時則民方塗炭計能則莫出魏武故委面霸朝豫議世事舉才不以標鑒故久之而後顯籌畫不以要功故事至而後定雖亡身明順讒亦高矣董卓之亂神器遷僞公達慨然志在致

命由斯而談故以大存名節至如身爲漢隸而跡入魏幕源流趣舍其亦文若之謂所以存亡殊致始終不同將以文若旣明名教有寄乎夫仁義不可不明則時宗舉其致生理不可不全故達識攝其契和與宏道豈不遠哉崔生高朗折而不撓所以策名魏武執笏霸朝者蓋以漢主當陽魏后北面者哉若乃一旦進履君臣易位則崔子所不與魏武所不容夫江湖所以濟舟亦所以覆舟仁義所以全身亦所以亡身然而先賢玉擢於前來哲擢於後豈非天懷發中而名教束物者乎孔明盤桓俟時而動遐想管樂遠明風流治國以禮民無怨聲刑罰不蓋沒有餘泣雖古之遺愛何以加茲及其臨終顧託受遺作相劉后授之無疑心武侯處之無懼色繼體納之無貳情百姓信之無異辭君臣之際良可詠矣公瑾卓爾逸志不羣總角料主則素契於伯符晚節矚奇則參分於赤壁惜其齡促志未可量子布佐策致延譽之美輟哭止哀有翼戴之功神情所涉豈徒蹇愕而已哉然而杜門不用登壇受譏夫一人之身所照未異而用舍之間俄有不同况沈跡溝壑遇與不遇者乎夫詩頌之作有自來矣或以吟詠情性或以述德顯功雖大旨同歸所託或乖若夫出處有道名體不滯風軌德音爲世作範不可廢也故復撰序所僕以爲之贊云

火德旣微運纏大過洪鷹扇海二溟揚波虬虎雖驚風雲未和潛魚擇淵高鳥侯柯赫赫三雄並迴乾軸競收杞梓爭采松竹鳳不及栖龍不暇伏谷無幽蘭嶺無亭菊英英文若靈鑿洞照應變知微探蹟賞要日月在躬隱之彌曜文明映心鑽之愈妙滄海橫流玉石俱碎達人兼善廢己存愛謀解時紛功濟宇內始救人終明風樂公達濟則思同著綦運用無方動攝羣會爰初發跡造此顛沛神情元定處之彌泰惜情幕裏算無不經瘴瘴通韻跡不羈停雖懷尺璧顧哂連城知能拯物忠足全生郎中溫雅器識純素貞而不亮適而能固恂恂德心汪汪軌度志成弱冠道敷歲暮仁者必勇德亦有言雖遇履虎神氣恬然行不修飾名節無愆操不激切素風愈鮮邈哉崔生體正心直天骨疏朗綺宇高疑忠存軌跡義形風色思樹芳蘭翦除荆棘人惡其上時不容哲琅琅先生雅

仗名節雖遇塵霧猶震霜雪運極道消碎此明月景山恢誕韻與道合形器不存方寸海納和而不同通而不雜
遇醉忘辭在醒貽蒼長文通雅義格終始思戴元首擬伊同恥民未知德懼若在己嘉謀肆庭謔言盈耳玉生雖
麗光不踰把德積雖微道映天下淵哉泰初字量高雅器範自然標準無假身全由直跡涉必僞處死非難理存
則易萬物波蕩孰任其累六合徒廣容身靡寄君親自然匪由名教敬愛既同情理兼到烈烈王生知死不撓求
仁不遠期在忠孝元伯剛簡大存名體志在高構增堂及陸端委虎門正言彌啓臨危致命盡其心禮堂堂孔明
基字宏邈器同生民獨稟先覺標榜風流遠明管樂初九龍盤雅志彌確百六道喪干戈迭用苟非命世孰掃廓
禦宗子思霄薄言解控釋褐中林鬱爲時棟士元宏長雅性內融崇善愛物觀始知終喪亂備矣勝塗未隆先生
標之振起清風綢繆哲后無妄惟時夙夜匪懈義在緝熙三畧旣陳霸業已基公瓊殖根不忠中正豈曰摸擬實
在雅性亦旣羈勒負荷時命推賢恭已久而可敬公衡冲達秉心淵塞矧茲一人臨難不惑疇昔不造假翻鄰國
進能徵音退不失德六合紛紜民心將變鳥擇高梧臣須顧眎公瑾英達明心獨見披草求君定交一面桓桓魏
武外託霸迹志掩衡霍恃戰忘敵卓卓若人曜奇赤壁三光參分宇宙暫隔子布擅名遭世方擾撫翼桑梓息肩
江表王零威夷吳魏同寶遂獻宏謨匡此霸道桓王之薨大業未純把臂託孤惟賢與親輟哭止哀臨難忘身成
此南面實由老臣才爲世出世亦須才得而能任貴在無猜昂昂子敬拔跡草萊荷擔吐奇乃構雲臺子瑜都長
體性純懿諫而不犯正而不殺將命公庭退忘私位豈無鶴鶴固慎名器伯言蹇蹇以道佐世出能勦功入能獻
替謀審社稷解紛挫銳正以招疑忠而獲戾元嘆穆遠神和形檢如彼白圭質無塵玷立行以恒匡上以漸清不
增絮濁不加染仲翔高亮性不和物好是不羣折而不屈屢摧逆鱗直道受黜嘆過孫陽放同賈屈譏衆賢千
載一遇整齊高衢驥首天路仰挹元流俯宏時務名節殊塗雅志同趣日月麗天瞻之不墜仁義在躬用之不匱
尙想遐風載挹載味後生擊節儒夫增氣

韓退之子產不毀鄉校頌。

我思古人伊鄭之儔以禮相國人未安其教游於鄉之校衆口讙讙或謂子產毀鄉校則止曰何患焉可以成美夫豈多言亦各其志善也吾行不善吾避維善維否我於此視川不可防言不可弭下塞上聳邦其傾矣既鄉校不毀而鄭國以理在周之興養老乞言及其已衰謗者使監成敗之迹昭哉可觀維是子產執政之式惟其不過化止一國誠率是道相天下君交暢勿達施及無垠於乎四海所以不理有君無臣誰其嗣之我思古人柳子厚伊尹五就桀贊。

伊尹五就桀或疑曰湯之仁聞且見矣桀之不仁聞且見矣夫胡去就之亟也柳子曰惡是吾所以見伊尹之大者也彼伊尹聖人也聖人出乎天下不夏商其心乎生民而已曰孰能由吾言由吾言者爲堯舜而吾生人堯舜人矣退而思曰湯誠仁其功運桀誠不仁朝吾從而暮及於天下可也於是就桀桀果不可得反而從湯既而又思曰尙可什一乎使斯人蚤被其澤也又往就桀桀不可而又從湯以至於百一千一萬一卒不可乃相湯伐桀俾湯爲堯舜而人爲堯舜之人是吾所以見伊尹之大者也仁至於湯矣四去之不仁至於桀矣五就之大人之欲速其功如此不然湯桀之辨一恒人盡之矣又奚以憧憧聖人之足觀乎吾觀聖人之急生人莫若伊尹伊尹之大莫若於五就桀作伊尹五就桀贊

聖有伊尹思德於民往歸湯之仁曰仁則仁矣非久不親退思其速之道宜夏是因就焉不可復反毫股猶不忍其遲亟往以觀庶狂作聖一日勝殘至千萬冀一卒無其端五牲不疲其心乃安遂升自阬黜桀尊湯遺民以完大人無形與道爲偶道之爲大爲人父母大矣伊尹惟聖之首既得其仁猶病其久恒人所疑我之所大嗚呼遠哉志以爲誨

蘇子瞻韓幹畫馬贊。

韓幹之馬四其一在陸驥首奮鬣若有所望頓足而長鳴其一欲涉尻高首下擇所由濟踟躕而未成其二在水前者反顧若以鼻語學者不應欲飲而留行以爲廐馬也則前無羈絡後無筆策以爲野馬也則隅目聳耳豐臆細毛皆中度程蕭然如賢大夫貴公子相與解帶脫帽臨水而濯纓遂欲高舉遠引友麋鹿而終天年則不可得矣蓋優哉游哉聊以卒歲而無營

蘇子瞻文與可飛白贊○

嗚呼哀哉與可豈其多好奇也歟抑其不試故藝也始予見其詩與文又得見其行草篆隸也以爲止此矣既沒一年而復見其飛白美哉多乎其盡萬物之態也霏霏乎其若輕雲之蔽月翻翻乎其若長風之卷旆也猗猗乎其若流絲之縈柳絮颺颺乎其若流水之舞荇帶也離離乎其遠而相屬縮縮乎其近而不隘也其工至於如此而余乃今知之則余之知與可者固無幾而其所不知者蓋不可勝計也嗚呼哀哉

上卷之末曰終○

本館所藏以本館而終

本館所藏以本館而終

本館所藏以本館而終

古文辭類纂 辭賦類一

淳于髡說齊威王○○

威王八年楚大發兵加齊齊王使淳于髡之趙請救兵齎金百斤車馬十副淳于髡仰天大笑冠纓索絕王曰先生少之乎髡曰何敢王曰笑豈有說乎髡曰今者臣從東方來見道旁有饑田者操一豚蹄酒一孟祝曰甌窶滿篝汙邪滿車五穀蕃孰穰穰滿家臣見其所持者狹而所欲者奢故笑之於是齊威王乃益齎黃金千鎰白璧十雙車馬百副髡辭而行至趙趙王與之精兵十萬革車千乘楚聞之夜引兵而去威王大說置酒後宮召髡賜之酒問曰先生能飲幾何而醉髡對曰臣飲一斗亦醉一石亦醉威王曰先生飲一斗而醉惡能飲一石哉其說可得聞乎髡曰賜酒大王之前執法在旁御史在後髡恐懼俯伏而飲不過一斗徑醉矣若親有嚴客髡嘗請鞠賦侍酒於前時賜餘瀝奉觴上壽數起飲不過二斗徑醉矣若朋友交游久不相見卒然相覩歡然道故私情相語飲可五六斗徑醉矣若乃州閭之會男女雜坐行酒稽留六博投壺相引爲曹握手無謂目眙不禁前有墜珥後有遺簪髡竊樂此飲可八斗而醉二塗日莫酒闌合尊促坐男女同席履舄交錯杯盤狼籍堂上滅燭主人留髡而送客羅襦襟解微聞薤澤當此之時髡心最歡能飲一石故曰酒極則亂樂極則悲萬事盡然言不可極極之而衰以諷諫焉齊王曰善乃罷長夜之飲以髡爲諸侯主客宗室置酒髡嘗在側

屈原離騷○○

帝高陽之苗裔兮朕皇考曰伯庸攝提貞於孟陬兮惟庚寅吾以降皇覽揆余於初度兮肇錫余以嘉名名余曰正則兮字余曰靈均紛吾既有此內美兮又重之以修能扈江離與辟芷兮紉秋蘭以爲佩汨余若將不及兮恐年歲之不吾與朝搴阨之木蘭兮夕攬洲之宿莽日月忽其不淹兮春與秋其代序惟草木之零落兮恐美人之遲暮不撫壯而棄穢兮何不改乎此度也乘騏驎以馳騁兮來吾導夫先路昔三后之純粹兮固聚芳之所在

申椒與菌桂兮豈惟紉夫蕙苴彼堯舜之耿介兮既遵道而得路何桀紂之昌披兮夫惟捷徑以窘步惟黨人之

偷樂兮路幽昧以險隘豈余身之憚殃兮恐皇輿之敗績忽奔走以先後兮及前王之踵武荃不察余之中情兮

反信讒而齋怒余固知謇謇之為患兮忍而不能舍也指九天以為正兮夫惟靈修之故也初既與余成言兮後

悔遁而有佗余既不難夫別離兮傷靈修之數化余既滋蘭之九畹兮又樹蕙之百畝畦畱與揭車兮雜杜蘅

與芳芷冀枝葉之峻茂兮願埃時乎吾將刈雖萎絕其亦何傷兮哀衆芳之蕪穢以上言以道事君見疑而不改衆皆競進以貪

婪兮憑不厭乎求索羌內恕己以量人兮各異心而嫉妒忽馳騫以追逐兮非余心之所急老冉冉其將至兮恐

修名之不立朝飲木蘭之墜露兮夕餐秋菊之落英苟余情其信姱以練要兮長顛頎亦何傷擊木根以結茵兮

貫薜荔之落葉矯菌桂以紉蕙兮索胡繩之纒繩與醫為韻吾法夫前修兮非時俗之所服雖不周於今之人兮願依彭

咸之遺則長太息以掩涕兮哀人生之多艱疑誤倒蓋滿與醫為韻余雖好修姱以鞿馮兮蹇朝諝而夕替既替余以蕙纒兮

又申之以攬篲亦余心之所善兮雖九死其猶未悔怨靈修之浩蕩兮終不察夫人心衆女嫉余之蛾眉兮謠詠

謂余以善淫固時俗之工巧兮極規矩而改錯背繩墨以迫曲兮競周容以為度忼鬱余侘傺兮吾獨窮困乎

此時也寧溘死以流亡兮余不忍為此態也鸞鳥之不羣兮自前世而固然何方圓之能周兮夫孰異道而相安

屈心而抑志兮忍尤而攘詬伏清白以死直兮固前聖之所厚以上言衆人之將擠於死悔相道之不察兮延佇乎吾將反

迴朕車以復路兮及行迷之未遠步余馬於蘭皋兮馳椒邱且焉止息進不入以離尤兮退將復修吾初服制芘

荷以為衣兮集芙蓉以為裳不吾知其亦已兮苟余情其信芳高余冠之岌岌兮長余佩之陸離芳與澤其雜糅兮唯昭質其猶未虧忽反顧以游目兮將往觀乎四荒佩繽紛其繁飾兮芳菲菲其彌章言吾挾此德美將適四方乎若居楚國芳非彌

章安能使人人生各有其樂兮余獨好修以為常常當作恆雖漢譯改離體解吾猶未變兮豈予心之可懲以上言欲退隱不忍

女嬃之嬋媛兮申申其詈予此段加說父罵之微又獨子雲反離讀云乘由賜之所珍者風子於此已解其難曰鮑嫫直以亡身兮終然天乎羽之野汝何

博審而好修兮紛獨有此娉節發菴菴以盈室兮判獨離而不服衆不可戶說兮孰云察余之中情世並舉而好

朋兮夫何梵獨而不予聽以上設爲女嬰辭所謂慎母爲善也依前聖之節中兮唱憑心而歷茲濟沅湘以南征兮就重華而陳辭

啓九辯與九歌兮夏康娛以自縱啓九辯下十六句皆言失道君之致禍湯萬四句皆言得道君之致福啓之失道爲太康卽作古文書遂有太康卽位之語其失始於遠也不願難以圖後兮五子用失平家巷昇淫游以佚田兮又好射夫封狐固亂流其鮮終

兮混又貪夫厥家澆身被服疆圉兮縱欲而不忍日康娛而自忘兮厥首用夫顛隕夏桀之常違兮乃遂焉而遂

殃后辛之蘊醢兮殷宗用而不長湯禹嚴而祇敬兮周論道而莫差舉賢而授能兮循繩墨而不頽皇天無私阿

兮覽民德焉錯輔夫維聖哲以茂行兮苟得用此下土瞻前而顧後兮相觀民之計極夫孰非義而可用兮孰非

善而可服陪余身而危死兮覽余初其猶未悔不量鑿而正柄兮固前修以菹醢歎歎余鬱悒兮哀朕時之不當

擊茹蕙以掩涕兮霑余襟之浪浪以上言以此心正於舜而無愧又安能不爲善也跪敷衽以陳辭兮耿吾旣得此中正騶玉虬以乘鸞

兮濼埃風余上征此下承往觀乎四荒極言之而平歸於不可所謂發乎情正乎理朝發軔於蒼梧兮夕余至乎懸圃欲少留此靈璣兮日忽

忽其將暮吾令羲和弭節兮望崦嵫而勿迫路漫漫其修遠兮吾將上下而求索飲余馬於咸池兮總余轡乎扶

桑折若木以拂日兮聊須臾以相羊前望舒使先驅兮後飛廉使奔屬鸞皇爲余先戒兮雷師告余以未具吾令

鳳皇飛騰兮又繼之以日夜鸞風屯其相離兮帥雲霓而來御紛紛總總其離兮班陸離其上下吾令帝閭開

兮倚閭闔而望子時嚶嚶其將罷兮結幽蘭而延佇世溷濁而不兮好蔽美而嫉妒朝吾將濟於白水兮登閭

風而縹馬忽反顧以流涕兮哀高邱之無女溘吾游此春宮兮折瓊枝以繼佩及榮華之未落兮相下女之可貽

吾令豐隆乘雲兮求處妃之所在解佩纒以結言兮吾令蹇修以爲理紛總總其離兮忽緯續其難遷夕歸次

於窮石兮朝濯髮乎洧槃保厥美以驕傲兮日康娛以淫游雖信美而無禮兮來違棄而改求應祀者蓋后處之妻天問所謂妻彼

於窮石兮朝濯髮乎洧槃保厥美以驕傲兮日康娛以淫游雖信美而無禮兮來違棄而改求應祀者蓋后處之妻天問所謂妻彼

於窮石兮朝濯髮乎洧槃保厥美以驕傲兮日康娛以淫游雖信美而無禮兮來違棄而改求應祀者蓋后處之妻天問所謂妻彼

於窮石兮朝濯髮乎洧槃保厥美以驕傲兮日康娛以淫游雖信美而無禮兮來違棄而改求應祀者蓋后處之妻天問所謂妻彼

於窮石兮朝濯髮乎洧槃保厥美以驕傲兮日康娛以淫游雖信美而無禮兮來違棄而改求應祀者蓋后處之妻天問所謂妻彼

於窮石兮朝濯髮乎洧槃保厥美以驕傲兮日康娛以淫游雖信美而無禮兮來違棄而改求應祀者蓋后處之妻天問所謂妻彼

非謂也。覽相觀於四極兮，周流乎天。余乃下望瑤臺之偃蹇兮，見有娥之佚女。吾令鵲爲媒兮，鳩告余以不好。雄鳩

之鳴逝兮，余猶惡其佻巧。心猶豫而狐疑兮，欲自適而不可。鳳皇既受詒兮，恐高辛之先我。欲遠集而無所止兮，

聊浮游以逍遙。及少康之未家兮，留有虞之二姚。理弱而媒拙兮，恐導言之不固。時溷濁而嫉賢兮，好蔽美而稱

惡。閨中既以遠遠兮，哲王又不寤。懷朕情而不發兮，余焉能忍與此終古。以上言將以此中正適於世其於楚則如天開之不通是哲王不寤也其

九州之博大兮，豈唯是其有女。勉遠逝而無狐疑兮，孰求美而釋汝。何所獨無芳草兮，爾何懷乎。故字世幽昧

以眩曜兮，孰云察余之美。惡人好惡其不同兮，惟此黨人其獨異。戶服艾以盈要兮，謂幽蘭其不可佩。覽察草木

其猶未得兮，豈程美之能當。蘇糞壤以充幃兮，謂申椒其不芳。以上皆靈氣之詞欲從靈氣之吉占兮，心猶豫而狐疑。巫

咸將夕降兮，懷椒糈而要之。百神翳其備降兮，九疑續其並迎。皇剡剡其揚靈兮，告余以吉。故曰勉升降以上下

兮，求矩矱之所同。湯禹儼而求合兮，墊臬絛而能調。苟中情其好修兮，何必用夫行媒。說操築於傅巖兮，武丁用

而不疑。呂望之鼓刀兮，遭周文而得舉。寧戚之謳歌兮，齊桓聞以該輔。及年歲之未晏兮，時亦猶其未央。恐馳

之先鳴兮，使百草爲之不芳。何瓊珮之偃蹇兮，衆蓂莢然而蔽之。惟此黨人之不亮兮，恐嫉妒而折之時。續粉其變

易兮，又何可以淹留。蘭芷變而不芳兮，荃蕙化而爲茅。何昔日之芳草兮，今直爲此蕭艾也。豈其有他故兮，莫好

修之害也。靈氣第言世之幽昧而已巫咸則言黨人之害靈深中材覆而從之矣是既無復同志之人而居此則必遭其折害而死其勢危矣余以蘭爲可恃兮，羌無實而容長。委厥美以從俗兮，苟得列乎衆芳。椒專佞以慢諂兮，櫻又欲充其佩幃。旣干進而務入兮，又何芳之能祗。固時俗

之從流兮，又孰能無變化。覽椒蘭其若茲兮，又况揭車與江蘼。惟茲佩之可貴兮，委厥美而歷茲。芳菲菲而難虧

兮，芬至今猶未沫。和調度以自娛兮，聊浮游而求女。及余飾之方壯兮，周流觀乎上下。以上皆巫咸之詞靈氣旣告余以吉占兮，咸在其內矣。厥吉日乎，吾將行折瓊枝以爲羞兮，精瓊靡以爲糧。爲余駕飛龍兮，雜瑤象以爲車。何離

心之可同兮。吾將遠逝。以自疏。上處。如有憾一節。猶言求女。靈氣。巫咸二節。亦以求女。獨言欲其擇君而事也。至此則死。彭咸。遺吾道。夫崑崙兮。路修遠。以周流揚雲霓之。騰萬兮。鳴玉鸞之。嗽嗽朝發。朝於天津兮。夕余至乎西極。鳳皇翼其承旂兮。高翱翔之翼翼。忽吾行此流沙兮。遵赤水而容與。應蛟龍使梁津兮。詔西皇使涉予路。修遠以多艱兮。騰衆車使徑待路。不周以左轉兮。指西海以爲期。屯余車其千乘兮。齊玉軼而並馳。駕八龍之婉婉兮。載雲旗之委移。抑志而弭節兮。神高馳之邈邈。奏九歌而舞韶兮。聊假日以媮樂。陟升皇之赫戲兮。忽臨睨夫舊鄉。僕夫悲余馬懷兮。蟻局顧而不行。亂曰。已矣哉。國無人莫我知兮。又何懷乎。故都既莫足與爲美政兮。吾將從彭咸之所居。

屈原九章

羅疑此篇與離騷同時作故有重著之語

惜誦以致愍兮。發憤以抒情。所非忠而言之兮。指蒼天以爲正。令五帝以折中兮。戒六神與鬻服。俾山川以備御兮。命咎繇以聽直。竭忠誠以事君兮。反離羣而贅疣。忘儂媚以背衆兮。待明君其知之。言與行其可迹兮。情與貌其不變。故相臣莫若君兮。所以證之不遠。吾誼先君而後身兮。羌衆人之所仇也。專惟君而無他兮。又衆兆之所讎也。壹心而不豫兮。羌不可保也。疾親君而無他兮。有招禍之道也。思君其莫我忠兮。忽忘身之賤貧。事君而不貳兮。迷不知寵之門。忠何辜以遇罰兮。亦非余之所志也。行不羣以顛越兮。又衆兆之所哈也。紛逢尤以離謗兮。謗不可釋也。情沈抑而不達兮。又蔽而莫之白也。心鬱悒余侘傺兮。又莫察余之中情。固煩言不可結而詰兮。願陳志而無路退。靜默而莫余知兮。進號呼又莫吾聞。申侘傺之煩惑兮。中悶騫之惛惛。昔余夢登天兮。魂中道而無杭。吾使厲神占之兮。曰有志及而無勞。終危獨以離異兮。曰君可思而不可恃。故衆口其鑠金兮。初若是而逢殆。懲熱藥而吹整兮。何不變此志也。欲釋階而登天兮。猶有龔之態也。衆駭遠以離心兮。又何以爲此伴也。同極

而異路兮。又何以爲此。援也。晉申生之孝子兮。父信讒而不好行。婉直而不豫兮。眩功用而不就。吾聞作忠以造
怨兮。忽謂之過言。九折臂而成醫兮。吾至今乃知其信然。矰弋機而在上兮。罟羅張而在下。設張辟以娛君兮。願
側身而無所欲。儻回以千倍兮。恐重患而離尤。欲高飛而遠集兮。君罔謂女何之。欲橫奔而失路兮。蓋取志而不
忍。背膺胖以交痛兮。心鬱結而紆軫。檣木蘭以矯蕙兮。藥申椒以爲糲。播江離與滋菊兮。願春日以爲糗。芳恐情
質之不信兮。故重著以自明。橘茲媚以私處兮。願曾思而遠身。

情誦○○○

余幼好此奇服兮。年既老而不衰。帶長缺之陸離兮。冠切雲之崔巍。被明月兮。佩寶璐。世溷濁而莫余知兮。吾方
高馳而不顧。駕青虬兮。驂白螭。吾與重華游兮。瑤之圃。登崑崙兮。食玉英。與天地兮。比壽。與日月兮。齊光。哀南夷
之莫吾知兮。且余濟於江湖。乘鄂渚而反顧兮。款秋冬之緒風。步余馬兮。山舉低。余車兮。方林乘輪。船余上沅兮。
齊吳榜以擊汰。船容與而不進兮。淹回水而疑滯。朝發枉渚兮。夕宿辰陽。苟余心其端直兮。雖僻遠其何傷。入溱
浦余邈迴兮。迷不知吾之所如。深林杳以冥冥兮。及猿狖之所居。山峻高以蔽日兮。下幽晦以多雨。霰雪紛其無
垠兮。雲霧縈而承宇。哀吾生之無樂兮。幽獨處乎山中。吾不能變心而從俗兮。固將愁苦而終窮。接輿髡首兮。桑
扈羸行。忠不必用兮。賢不必以。伍子逢殃兮。比干菹醢。與前世而皆然兮。吾又何怨乎今之人。余將董道而不豫
兮。固將重昏而終身。亂曰。鸞鳥鳳皇日以遠兮。燕雀烏鵲巢堂壇兮。靈申辛夷死林薄兮。腥臊並御芳不得薄兮。
陰陽易位時不當兮。懷信佗僚忽乎。吾將行兮。

涉江○○○

皇天之不純命兮。何百姓之震愆。民離散而相失兮。方仲春而東遷。去故鄉而就遠兮。遵江夏以流亡。出國門而
軫懷兮。甲之鼂吾以行。發郢都而去闔兮。怳荒忽其焉極。楫盈揚以容與兮。哀見君而不再得。望長楸而太息兮。

涕淫淫其若。轍過夏首而西。浮兮。願龍門而不見。心嬋媛而傷懷兮。眇不知其所歸。順風波而流從兮。焉洋洋而爲客。凌陽侯之汜濫兮。忽翱翔之瀉薄。心絳結而不解兮。思寒產而不釋。將運舟而下浮兮。上洞庭而下江。去終古之所居兮。今逍遙而來東。羌靈魂之欲歸兮。何須臾而忘返。背夏浦而西思兮。哀故都之日遠。登大墳以遠望兮。聊以舒吾憂心。哀州士之平樂兮。悲江介之遺風。當陵陽之焉至兮。地處鄧之東蓋作哀鄧時也頃襄再遷之乃在長洲之間處鄧之南作涉江時也招魂曰路貫盧江兮左長薄盧江古即彭蠡之水故山曰盧山漢初盧江郡當在江南後乃移鄧江北地志云盧江出陵陽東南北入江蓋彭蠡東源出今饒州東界者古陵陽界及此故風子曰當陵陽之焉至言不意其忽至此也其後陵陽南界乃益泱乃僅有今南陵銅陵縣耳運森南渡之焉如曾不知夏之爲舟下浮者乘流下也上洞庭下江者言其地處之上下非風子是時已南入洞庭也邱兮。孰兩東門之可蕪。心不怡之長久兮。憂與愁其相接。惟郢路之遼遠兮。江與夏之不可涉。忽若不信兮。至今九年而不復。懔懔而不通兮。蹇佗僚而含蹙。外承歡之巧約兮。謀在弱而難持。忠洪湛而願進兮。妒被離而鄙之。彼堯舜之抗行兮。瞭杳杳其薄天。衆譏人之嫉妒兮。被以不慈之僞名。憎慍愉之修美兮。好夫人之恍惚。衆踐蹙而日進兮。美超遠而踰邁。亂曰。曼余日以流觀兮。冀一反之何時。鳥飛返故鄉兮。狐死必首邱。信非吾罪而棄逐兮。何日夜而忘之。

哀郢○○○

心鬱鬱之憂思兮。獨永嘆乎增傷。思蹇產之不釋兮。曼遭夜之方長。悲秋風之動容兮。何回極之浮浮。數惟蓀之多怒兮。傷余心之極。憂願遙赴而橫奔兮。覽民尤以自鎮。結微情以陳詞兮。矯以遺夫美人音。君與我成言兮。曰黃昏以爲期。羌中道而回畔兮。反既有此他志。憐吾以其美好兮。覽余以其修姱。與余言而不信兮。蓋爲余而造怒。願承間而自察兮。心震悼而不敢悲。夷猶而冀進兮。心怛傷之憺憺。茲歷情以陳辭兮。謏詳豐而不聞。固切人不媚兮。衆果以我爲患。初吾所陳之耿著兮。豈至今其庸亡。言所陳成敗得失無不耿著其言猶在而至今已驗乎何獨樂斯之蹇蹇兮。願揀美之可完。望三五以爲像兮。指彭咸以爲儀。夫何極而不至兮。故遠聞而難虧。善不由外來兮。名不可以虛作。

孰無施而有報兮孰不實而有穫少歌曰與美人抽怨兮并日夜而無正憐吾以其美好兮救朕辭而不聽倡曰
有鳥自南兮來集漢北好姱佳麗兮胖獨處此異域既憊獨而不羣兮又無良媒在其側道卓遠而日忘兮願自
申而不得望北山而流涕兮臨流水而太息望孟夏之短夜兮何晦明之若歲惟郢路之遼遠兮魂一夕而九逝
此承上文言我初陳言明知施報之不與而君乃不聽安得無嗚乎懷王入秦渡漢而北故託言有鳥而悲傷其南望郢而不得反也故曰雖流放臨郢固懷心懷王不忘欲返曾不知路之曲直兮南指
月與列星願徑逝而不得兮魂讎路之營營何靈魂之信直兮人之心不與吾心同理弱而媒不通兮向不知余
之從容言懷王以信直而為秦欺矣又無行理為通一習王尚不知子之心所謂以此見懷王之終不悟也懷王昔
者所任用蓋皆小人為利者耳一旦至遷臺辱則棄而忘之冀如環生之於晉惠子展子鮮之推挽衛贖者
安可得哉風子所以痛心於理亂曰長瀨湍流泝江潭兮狂顧南行聊以娛心兮軫石殿鬼燈吾願兮超回志度
願也與離騷之理屬托意異矣
行隱進兮低徊夷猶宿北姑兮煩寃容實沛徂兮愁嘆苦神靈遙思兮路處遠幽又無行媒兮道思作頌聊以
自救兮懷王之事不可追矣聊作頌為戒以救襄王尚可及也故曰冀幸君之一悟此篇悲傷懷王之拘困於秦其
辭致篤樸切既自抒忠愛亦所以風頃襄報仇之心而是時君臣方就逸樂惡聞國恥此令尹子蘭所以問
怒也憂心不遂斯言誰告兮

抽思○○

滔滔孟夏兮草木莽莽傷懷永哀兮泊徂南土眴兮杳杳孔汨幽默鬱結紆軫兮離慙而長鞠撫情效志兮寃屈
而自抑矧方以為圖兮常度未替易初本迪兮君子所鄙章畫志墨兮前圖未改內厚質直兮大人所賊巧倖不
斷兮孰察其揆正元文虛幽兮矇瞶謂之不章離婁微睇兮替以為無明變白以為黑兮倒上以為下鳳皇在箴
兮雞鶩翔舞同糝玉石兮一槩而相量夫惟黨人之鄙固兮羌不知余之所臧任重載盛兮陷滯而不濟懷瑾握
瑜兮窮不知所示邑犬羣吠兮吠所怪也非俊疑傑兮固庸態也文質疏內兮衆不知余之異采材樸委積兮莫
知余之所有重仁集義兮謹厚以為豐重華不可還兮孰知余之從容古固有不並兮豈知其何故也湯禹久遠

兮。邈而不可慕也。懲違改忿兮，抑心而自強。離慙而不遷兮，願志之有像。進路北次兮，日昧昧其將暮。舒憂娛哀兮，限之以大故。亂曰：浩浩沅湘，分流汨兮。修路幽蔽，道遠忽兮。懷質抱情，獨無匹兮。伯樂既沒，驥程兮。民生稟命，各有所錯兮。定心廣志，余何畏懼兮。曾傷爰哀，永嘆喟兮。世溷濁莫吾知，人心不可謂兮。知死不可讓，願勿愛兮。明告君子，吾將以爲類兮。

懷沙○○○

思美人兮，擘涕而竚。貽媒絕路，阻兮言不可結。而詒蹇蹇之煩冤兮，陷滯而不發。申且以舒中情兮，志沈寤而莫達。願寄言於浮雲兮，遇豐隆而不將。因歸鳥而致辭兮，羌迅高而難當。高辛之靈辰兮，遭元鳥而致詒。欲變節以從俗兮，愧易初而屈志。獨歷年而離慙兮，羌馮心猶未化。寧隱閔而壽考兮，何變易之可爲。知前轍之不遂兮，未改此度。車旣覆而馬顛兮，蹇獨懷此異路。勒賦賦而更駕兮，造父爲我操之。遷遂次而勿驅兮，聊假日以須時。指幄冢之西隈兮，與纒黃以爲期。開春發歲兮，白日出之悠悠。吾將蕩志而愉樂兮，遵江夏以娛憂。擊大薄之芳茝兮，蹇長洲之宿莽。惜吾不及古之人兮，吾誰與玩此芳草。解篇薄與雜菜兮，備以爲交。佩佩纒紛以繚轉兮，遂萎絕而離異。吾且儻回以娛憂兮，觀南人之變態。竊快在其中心兮，揚厥憑而不袞。芳與澤其雜糅兮，羌芳華自中出。紛紛其遠蒸兮，滿內而外揚。情與質信可保兮，羌居蔽而聞章。令薜荔以爲理兮，憚舉趾而緣木。因芙蓉以爲媒兮，憚褰裳而濡足。登高吾不說兮，入下吾不能。固朕形之不服兮，然容與而狐疑。廣遂前畫兮，未改此度也。命則處幽，吾將罷兮。願及白日之未暮也，獨煢煢而南行兮，思彭咸之故也。

思美人○○○

惜往日之曾信兮，受命詔以昭詩。奉先功以照下兮，明法度之嫌疑。國富彊而法立兮，屬貞臣而日媮。祕密事之載心兮，雖過失猶弗治。心純厲而不泄兮，遭讒人而嫉之。君含怒以待臣兮，不清澈其然否。蔽晦君之聰明兮，虛

惑誤又以欺弗參驗以考實兮遠遷臣而弗思信讒朕之潤濁兮賊氣志而過之何貞臣之無辜兮被譏謗而見尤愆光景而誠信兮身幽隱而備之臨沅湘之元淵兮遂自忍而沈流卒沒身而絕名兮惜癯君之不昭君無度而弗察兮使芳草爲藪幽焉舒情而抽信兮恬死亡而不聊獨輟癯而蔽隱兮使貞臣而無由聞百里之爲虜兮伊尹烹於庖厨呂望屠於朝歌兮寧戚歌而飯牛不逢湯武與桓繆兮世孰云而知之吳信讒而弗味兮子胥死而後憂介子忠而立枯兮文君寤而追求封介山而爲之禁兮報大德之優游思久故之親身兮因縞素而哭之或忠信而死節兮或訑諛而不疑弗省察而按實兮聽讒人之虛辭芳與澤其糴糴兮孰申且而別之何芳草之早歿兮微霜降而下戒諒聰不明而蔽癯兮使譏諛而日得自前世之嫉賢兮謂蕙若其不可佩妒佳冶之芬芳兮慕母嫂而自好雖有西施之美容兮讒妒入以自代願陳情以白行兮得罪過之不意情冤見之日明兮如列宿之錯置乘馭馭而馳騁兮無轡銜而自載乘汜汜以下流兮無舟楫而自備背法度而心治兮辟與此其無異寧溘死而流亡兮恐禍殃之有再不畢辭以赴淵兮惜癯君之不識

惜往日○

后皇嘉樹橘徠服兮受命不遷生南國兮深固難徙更壹志兮綠葉素榮紛其可喜兮曾枝剝棘圓果搏兮青黃雖糝文章爛兮精色內白類任道兮紛緇宜修姱而不醜兮嗟爾幼志有以異兮獨立不遷豈不可喜兮深固難徙廓其無求兮蘇世獨立橫而不流兮閉心自慎終不過失兮秉德無私參天地兮願歲并謝與長友兮淑離不淫梗其有理兮年歲雖少可師長兮行比伯夷置以爲像兮

橘頌○疑此篇尚在懷王朝初被讒時所作故首言后皇末言年歲雖少與涉江年既老之時異矣而閉心自慎之語又若以辨釋上官所云每一令出平伐其功之爲誣也

悲回風之搖蕙兮心冤結而內傷物有微而限性兮聲有隱而先倡夫何彭咸之造思兮暨志介而不忘萬變其情豈可蓋兮就虛僞之可長鳥獸鳴以號羣兮草直比而不芳魚鼈鱗以自別兮蛟龍隱其文章故茶齊不同敵

兮蘭菝幽而獨芳。惟佳人之永都兮，更統世而自脫。眇遠志之所及兮，憐浮雲之相羊。介眇志之所惑兮，竊賦詩所明。惟佳人之獨懷兮，折芳椒以自處。曾歎歎之嗟嗟兮，獨隱伏而思慮。涕泣交而淒淒兮，思不眠以至曙。終長夜之曼曼兮，掩此哀而不去。寤從容以周流兮，聊逍遙以自恃。傷太息之惑憐兮，氣於邑而不可止。亂思心以爲續兮，編愁苦以爲膺。折若木以蔽光兮，隨飄風之所仍。存髮髯而不見兮，心踴躍其若湯。撫珮衽以案志兮，超惘惘而遂行。歲忽忽其若頽兮，時亦冉冉而將至。蘋蘩槁而節離兮，芳已歇而不比。憐思心之不可懲兮，證此言之不可聊。寧溘死而流亡兮，不忍此心之常愁。孤子吟而投淚兮，放子出而不還。孰能思而不隱兮，昭彭咸之所聞。登石巒以遠望兮，路眇眇之默默。入曼曼之無應兮，聞省想而不可得。愁鬱鬱之無快兮，居戚戚而不可解。心鞿羈而不開兮，氣繚轉而自締。穆眇眇之無垠兮，莽芒芒之無儀。聲有隱而相感兮，物有純而不可爲。邈漫漫之不可量兮，經綿綿之不可紆。愁悄悄之常悲兮，闕冥冥之不可娛。凌大波而流風兮，托彭咸之所居。上高巖之峻岸兮，處雌蜺之標顛。據青冥而據虹兮，遂條忽而捫天。吸湛露之浮涼兮，漱凝霜之雰雰。依風穴以自息兮，忽傾瘳以嬋媛。馮崑崙以澆霧兮，隱岐山以清江。憚涌湍之礚礚聽波聲之洶洶兮，紛容容之無經兮。罔茫茫之無紀。軋洋洋之無從兮，馳委蛇之焉止。漂翻翻其上下兮，翼遙遙其左右。汜瀟瀟其前後兮，伴張弛之信期。觀炎氣之相仍兮，窺烟液之所積。悲霜雪之俱下兮，聽潮水之相擊。借光景以往來兮，施黃棘之枉策。求介子之所存兮，見伯夷之放迹。心調度而弗去兮，刻著志之無適。曰吾怨往昔之所冀兮，悼來者之悠悠。浮江淮而入海兮，從子胥而自適。望大河之洲渚兮，悲申屠之抗迹。驟諫君而不聽兮，任重名之何益。心絳結而不解兮，思塞產而不釋。

悲回風○

辭賦類二

屈原遺辭

悲時俗之迫阨兮。顧輕舉而遠游。質非薄而無因兮。焉託乘而上浮。遭沈濁而汗穢兮。獨鬱結其誰語。夜耿耿而不寐兮。魂營營而至曙。惟天地之無窮兮。哀人生之長勤。往者余弗及兮。來者吾不聞。步徙倚而遙思兮。悵惴惴而乖懷。意荒忽而流蕩兮。心愁悽而增悲。神儻忽而不反兮。形枯槁而獨留。內惟省以端操兮。求正氣之所由。漢虛靜以恬愉兮。濟無爲而自得。聞赤松之清塵兮。願承風乎遺則。貴眞人之休德兮。美往世之登仙。與化去而不見兮。名聲著而日延。奇傳說之託辰星兮。羨韓衆之得一形。穆穆以浸遠兮。離人羣而遁逸。因氣變而遂會。舉兮忽神奔而鬼怪時。髮鬢以遙見兮。精皎皎以往來。超氣埃而淑郵兮。終不反其故都。免衆患而不懼兮。世莫知其所如。恐天時之代序兮。耀靈照而西征。微霜降而下淪兮。悼芳草之先萎。聊仿佯而逍遙兮。水歷年而無成。誰可與玩斯遺芳兮。長鄉風而舒情。高陽邈以遠兮。余將焉所程。重曰。春秋忽其不淹兮。奚久留此。故居軒轅不可攀。援兮。吾將從王喬而娛戲。滄六氣而飲沆瀣兮。漱正陽而含朝霞。保神明之清澄兮。精氣入而蟲穢除。順凱風以從游兮。至南巢而壹息。見王子而宿之兮。審壹氣之和德。曰道可受兮。而不可傳。其小無內兮。其大無垠。毋滑而魂兮。彼將自然。壹氣孔神兮。於中夜存。虛以待之兮。無爲之先。庶類以成兮。此德之門。聞至貴而遂徂兮。忽乎吾將行。仍羽人於丹邱兮。留不死之舊鄉。朝濯髮於湯谷兮。夕晞余身兮。九陽。吸氣飛泉之微液兮。懷琬琰之華英。玉色頰以晚顏兮。精純粹而始壯。質銷鑠以均約兮。神要眇以淫放。嘉南州之炎德兮。麗桂樹之冬榮。山蕭條而無獸兮。野寂寞而無人。載營魄而登霞兮。掩浮雲而上征。命天閨其開闢兮。排閭闔而望子。召豐隆使先導兮。問大微之所居。集重陽入帝宮兮。造旬始而觀清都。朝發軔於大儀兮。夕始臨乎於微闕。屯余車之萬乘兮。紛容與而並馳。駕八龍之婉婉兮。載雲旗之逶迤。建雄虹之采旄兮。五色雜而炒燿。服偃蹇以低昂兮。驂連螭以騶騰。馳騰以雜亂兮。班漫衍而方行。挽余轡而正策兮。吾將過乎句芒。歷太皓以右轉兮。前飛廉以啓路。陽杲杲其未光兮。凌天地以徑度。風伯爲余先驅兮。氛埃辟而清涼。鳳皇翼其承旂兮。遇蓐收乎西皇。擊彗星以爲旂兮。舉斗

柄以爲麾。叛陸離其上下兮。游驚霧之流波。時曖曖其躑躅兮。召元武而奔屬。後文昌使掌行兮。選署衆神以並。穀路曼曼其修遠兮。徐弭節而高厲。左雨師使徑侍兮。右雷公以爲衛。欲度世以忘歸兮。意咨睢以担橋。內欣欣而自美兮。聊媮娛以淫樂。涉青雲以汎濫游兮。忽臨睨夫舊鄉。僕夫懷余心悲兮。邊馬顧而不行。思舊故以想像兮。長太息而掩涕。汜容與而遐舉兮。聊抑志而自弭。指炎神而直馳兮。吾將往乎南疑。覽方外之荒忽兮。沛澗瀆而自浮。祝融戒而蹕御兮。騰告鸞鳥迎慮。妃張咸池奏承雲兮。二女御九韶歌。使湘靈鼓瑟兮。令海若舞。憑夷元螭。象並出進兮。形鰐虺而透蛇。雌蜺便娟以增攄兮。鸞鳥軒翥而翔飛。音樂博衍無終極兮。焉乃逝以徘徊。舒并節以馳騫兮。連絕垠乎寒門。軼迅風於清源兮。從顛頂乎增冰。歷元冥以邪徑兮。乘間維以反顧。召黔羸而見之兮。爲余先乎平路。經營四方兮。周流六漠。上至列缺兮。降望大壑。下崢嶸而無地兮。上寥廓而無天。視儻忽而無見兮。聽愴怛而無聞。超無爲以至清兮。與泰初而爲鄰。

屈原卜居○○○

屈原既放三年不得復見。竭智盡忠。蔽賢於讒。心煩意亂。不知所從。乃往見太卜鄭詹尹曰。余有所疑。願因先生決之。詹尹乃端策拂龜曰。君將何以教之。屈原曰。吾寧悃悃款款朴以忠乎。將送往勞來斯無窮乎。寧誅鋤草茅以力耕乎。將游大人以成名乎。寧正言不諱以危身乎。將從俗富貴以媮生乎。寧超然高舉以保真乎。將呶呶喋喋斯喔呶嘯。以事婦人乎。寧廉潔正直以自清乎。將突梯滑稽如脂如草。以絜楹乎。寧昂昂若千里之駒乎。將汜汜若水中之鳧乎。與波上下。偷以全吾軀乎。寧與騏驎抗軛乎。將隨鸞馬之迹乎。寧與黃鶴比翼乎。將與雞鶩爭食乎。此孰吉孰凶。何去何從。世溷濁而不清。蟬翼爲重。千鈞爲輕。黃鐘毀棄。瓦釜雷鳴。讒人高張。賢士無名。于嗟默默兮。誰知吾之廉貞。詹尹乃釋策而謝曰。夫尺有所短。寸有所長。物有所不足。智有所不明。數有所不逮。神有所不通。用君之心。行君之意。龜策誠不能知此事。

屈原漁父○○

屈原既放游於江潭行吟澤畔顏色憔悴形容枯槁漁父見而問之曰子非三閭大夫與何故至於斯屈原曰世人皆濁我獨清衆人皆醉我獨醒是以見放漁父曰聖人不凝滯於萬物而能與世推移舉世皆濁何不灑其泥而揚其波衆人皆醉何不餽其糟而歎其醜何故深思高舉自令放爲屈原曰吾聞之新沐者必彈冠新浴者必振衣安能以身之察察受物之汶汶者乎寧赴湘流葬於江魚之腹中安能以皓皓之白蒙世俗之塵埃乎漁父莞爾而笑鼓枻而去乃歌曰滄浪之水清兮可以濯我纓滄浪之水濁兮可以濯我足遂去不復與言

辭賦類三

宋玉九辯○○○

悲哉秋之爲氣也蕭瑟兮草木搖落而變衰僚慄兮若在遠行登山臨水兮送將歸泐寥兮天高而氣清寂寥兮收潦而水清慄慄增歎兮薄寒之中人愴愴恨兮去故而就新坎壈兮貧士失職而志不平廓落兮羈旅而無友生惻悵兮而私自憐燕翩翩其辭歸兮蟬寂寂而無聲雁嗚嗚而南游兮鯢雞啁嘶而悲鳴獨申旦而不寐兮哀蟋蟀之宵征時躑躅而過中兮蹇淹留而無成

悲憂窮蹙兮獨處廓有美一人兮心不釋去鄉離家兮來遠客超逍遙兮今焉薄專思君兮不可化君不知兮可奈何蓄怨兮積思心煩憤兮忘食事頽一見兮道余意君之心兮與余異車駕兮竭而歸不得見兮心悲倚結輪兮大息涕滂沱兮霑軾慷慨絕兮不得中營亂兮迷惑私自憐兮何極心怛怛兮諒直

皇天平分四時兮竊獨悲此凜秋白露既下降百草兮奄離披此梧楸去白日之昭昭兮襲長夜之悠悠離芳藹之方壯兮余委約而悲愁秋既先戒以白鬮兮冬又申之以嚴霜收恢台之孟夏兮然坎僂而沈藏葉菸邑而無色兮枝頽挈而交橫顏淫溢而將罷兮柯髮斃而委黃蘭櫛椽之可哀兮形銷鑠而瘵傷惟其紛糅而將落兮恨

其失時而無當。覽辭響而下節兮。聊逍遙以相羊。歲忽忽而道盡兮。恐余壽之弗將。悼余生之不時兮。逢此世之
低攘。濬容與而獨倚兮。蟋蟀鳴此西堂。心怵惕而震盪兮。何所憂之多方。仰明月而太息兮。步列星而極明。
竊悲夫。薰華之曾數兮。紛旖旎乎都房。何曾華之無實兮。從風雨而飛颺。以爲君獨服此薰兮。嗟無以異於衆芳。
閔奇思之不通兮。將去君而翱翔。心閔憐之慘悽兮。願一見而有明。重無怨而生離兮。中結軫而增傷。豈不鬱陶
而思君兮。君之門以九重。猛犬狺狺而迎吠兮。闕梁閉而不通。皇天淫溢而秋霖兮。后土何時而得乾塊。獨守此
無澤兮。仰浮雲而永歎。

何時俗之工巧兮。背繩墨而改錯。却麒麟而不乘兮。策駑駘而取路。當世豈無麒麟兮。誠莫之能善。御見執轡者
非其人兮。故駒跳而遠去。鳧雁皆喙夫。梁藻兮。鳳愈鳳翔而高舉。團鑿而方柄兮。吾固知其鉅。銛而難入。衆鳥皆
有所登樓兮。鳳獨遑遑而無所集。願銜枚而無言兮。嘗被君之渥洽。太公九十乃顯榮兮。誠未過其匹。合謂麒麟
兮。安歸。謂鳳皇兮。安棲。變古易俗兮。世衰今之相者兮。舉肥麒麟伏匿而不見兮。鳳皇高飛而不下。鳥獸猶知悞
德兮。何云賢士之不處。賊不驟進而求服兮。鳳亦不貪饕而忘食。君棄遠而不察兮。雖願忠其焉得欲。寂寞而絕
端兮。竊不敢忘初之厚德。獨悲愁其傷人兮。馮鬱鬱其何極。

霜露慘悽而交下兮。心尙垂其弗濟。霰雪零糅其增加兮。乃知遭命之將至。願微幸而有待兮。泊莽莽與羣草同
死。願自直而徑往兮。路壅絕而不通。欲循道而平驅兮。又未知其所從。然中路而迷惑兮。自厭按而學誦。性愚陋
以褊淺兮。信未達乎從容。竊美申包胥之氣晟兮。恐時世之不固。何時俗之工巧兮。誠規矩而改鑿。獨耿介而不
隨兮。願慕先聖之遺教。虛濁世而顯榮兮。非余心之所樂。與其無義而有名兮。寧窮處而守高。食不媮而爲飽兮。
衣不苟而爲溫。竊慕詩人之遺風兮。願託志乎素餐。蹇充偃而無端兮。汨莽莽而無垠。無衣裘以御冬兮。恐澹死
不得見乎陽春。

觀杪秋之遙夜兮心繚悞而有哀春秋連連而日高兮然惆悵而自悲四時遞來而卒歲兮陰陽不可與僞借白日
日晚晚其將入兮明月銷鑠而滅毀歲忽忽而道盡兮老冉冉而愈弛心搖悅而日發兮然怛悵而無冀中惛惛
之悽愴兮長太息而增歎年洋洋以日往兮老膠廓而無慮事壘壘而覲進兮蹇淹留而躊躇

何汜濫之浮雲兮森靡蔽此明月忠昭昭而願見兮然雲暝而莫達願皓日之顯行兮雲蒙蒙而蔽之竊不自料
而願忠兮或默點而汙之堯舜之抗行兮瞭冥冥而薄天何險巖之嫉妒兮秒以不慈之僞名彼日月之照明兮
尙黯黯而有瑕何況一國之事兮亦多端而膠加被荷稠之晏晏兮然潢洋而不可帶既驕美而伐武兮負左右
之耿介憎愠愉之修美兮好夫人之慷慨衆嗟蹶而日進兮美超遠而逾邁農夫輟耕而容與兮恐田野之蕪穢
事絲絲而多思兮竊悼後之危敗世雷同而炫曜兮何毀譽之昧昧今修飾而窺鏡兮後尙可以竄藏願寄言夫
流星兮羌條忽而難當卒靡蔽此浮雲兮下暗漠而無光

堯舜皆有所舉任兮故高枕而自適諒無怨於天下兮心焉取此怵惕乘騏驎之瀏瀏兮馭安用夫彊策諒城郭
之不足恃兮雖重介之何益遠翼翼而無終兮怵懼懼而愁約生天地之若過兮功不成而無效願沈滯而不見
兮尙欲布名乎天下然潢洋而不遇兮直恂恂而自苦莽洋洋而無極兮忽翱翔之焉薄國有職而不知察兮焉
皇皇而更索寧戚謳於車下兮桓公聞而知之無伯樂之善相兮今誰使乎譽之罔流涕以聊處兮惟著意而得
之紛忼忼而願忠兮妒被離而郭之願賜。不肖之。驅。而。別。離。兮。放。游。志。乎。雲。中。察。精。氣。之。搏。搏。兮。驚。諸。神。之。湛。湛。
駿。白。霓。之。習。習。兮。歷。羣。靈。之。豐。豐。左。朱。雀。之。芟。芟。兮。右。蒼。龍。之。躍。躍。屬。雷。師。之。闐。闐。兮。通。飛。廉。之。衝。衝。前。輕。鯨。之。
鏘。鏘。兮。後。輻。輳。之。從。從。載。雲。旗。之。委。蛇。兮。屬。屯。騎。之。容。容。計。專。專。之。不。可。化。兮。願。遂。推。而。爲。臧。賴。皇。天。之。厚。德。兮。
還。及。君。之。無。恙。

宋玉招魂○○○

朕幼清以廉潔兮身服義而未沫主此盛德兮率於俗而蕪穢上無所考此盛德兮長離殃而愁苦帝告巫陽曰
有人在下我欲輔之魂魄離散汝筮予之巫陽對曰掌夢上帝其命難從若必筮予之恐後謝之不能復用巫陽
焉乃下招曰魂兮歸來去君之桓幹何爲乎四方些舍君之樂處而離彼不祥些魂兮歸來東方不可以托些長
人千仞惟魂是索些十日代出流金鑠石些彼皆習之魂牲必釋些歸來歸來不可以託些魂兮歸來南方不可
以此些離題黑齒得人肉以祀以其骨爲醢些蝮蛇秦秦封狐千里些雄虺九首往來驚忽吞人以益其心些歸
來歸來不可久淫些魂兮歸來西方之害流沙千里些旋入雷泉廳散而不可止些幸而得脫其外曠宇些赤蟻
若象元龜若壺些五穀不生叢菅是食些其土爛人求水無所得些彷徨無所倚廣大無所極些歸來歸來恐自
遺賊些魂兮歸來北方不可以止些增冰峨峨飛雪千里些歸來歸來不可以久些魂兮歸來君無上天些虎豹
九關喙害下人些二夫九首拔木九千些豺狼從目往來怵恻些懸人以罽投之深淵些致命於帝然後得眠些
歸來歸來往恐危身些魂兮歸來君無下此幽都些土伯九約其角鬚鬚些敦脈血搏逐人駭駭些參目虎首其
身若牛些此皆甘人歸來歸來恐自遺災些魂兮歸來入修門些工祀招君背行先些秦箏齊縷鄭絲絡些招具
該備水嘯呼些魂兮歸來反故居些天地四方多賊姦些像設君室靜閒安些高堂邃宇檻軒軒些層臺累榭臨
高山些網戶朱綵刻方連些冬有突夏夏室寒些川谷徑復流潺湲些光風轉蕙汨崇蘭些經堂入奧朱塵筵些
砥室翠翹曲瓊些翡翠珠被爛齊光些蕭阿拂壁羅幃張些纂組綺縞結奇瓊些室中之觀多珍怪些蘭膏明
燭華容備些三八侍宿射遞代些九侯淑女多迅衆些盛鬋不同制實滿宮些容態好比順彌代些弱顏固植睿
其有意些姱容修態絕洞房些蛾眉曼睩目騰光些靡顏膩理遺睇些離樹修幕侍君之閒些翡翠紗幮飾高
堂些紅壁沙版元玉之梁些仰觀刻桷畫龍蛇些坐堂伏檻臨曲池些芙蓉始發薜荔荷些紫莖屏風文緣波些
文異豹飾侍陂陀些軒轅既低步躡羅些蘭薄戶樹瓊木蘿些魂兮歸來何遠爲些室家遂宗食多方些稻梁穰

麥。挈黃梁些。大苦鹹酸。辛甘行些。肥牛之髓。膻若芳些。相酸若苦。陳吳藻些。霽髓泡羔。有柘漿些。鵠酸膻鼻煎。鴉
鵠些。露雞臚。鰻風而不爽些。拒菽蜜餌。有餽餽些。瑤漿蜜勺。實羽觴些。挫糟凍飲。耐清涼些。華酌既陳。有瓊漿些。
歸來反故室。散而無妨些。肴羞未通。女樂羅些。陳鐘按鼓。造新歌些。涉江採菱。發揚荷些。美人既醉。朱顏酡些。埃
光眇視。目曾波些。被文服。纈麗而不奇些。長髮曼鬢。艷陸離些。二八齊容。起鄭舞些。衽若交竿。撫案下些。竽瑟狂
會。填鳴鼓些。宮庭震驚。發激楚些。吳歎蔡調。奏大呂些。士女雜坐。亂而不分些。放陳組纓。班其相紛些。鄭衛妖玩
來雜。陳兮激楚之結。獨秀先些。篋蔽象碁。有六簿些。分曹並進。道相迫些。成臯而牟呼。五白些。晉制犀比。費白日
些。鏗鐘搖虞。楔梓瑟些。娛酒不廢。沈日夜些。蘭膏明燭。華鎗錯些。結撰至思。蘭芳假些。人有所極。同心賦些。耐飲
既盡。歡樂先故些。魂兮歸來。反故居些。亂曰。獻歲發春兮。汨吾南征。萋萋齊葉兮。白芷生路。貫廬江兮。左長薄。倚
沼哇瀟兮。遙望博青。屬結駟兮。齊千乘。懸火延起兮。元顏蒸步。及驟處兮。誘聘先抑。驚若通兮。引車右還。與王趨
寥兮。課後先君。王親發兮。憚青兕。朱明承夜兮。時不可淹。崧蘭被徑兮。斯路漸湛。湛江水兮。上有楓。目極千里兮。
傷春。心魂兮。歸來哀江南。

宋玉風賦

楚襄王游於蘭臺之宮。宋玉景差侍。有風颯然而至。王乃披襟而當之。曰。快哉此風。寡人所與。庶人共者。邪。宋玉
對曰。此獨大王之風耳。庶人安得而共之。王曰。夫風者。天地之氣。溥暢而至。不擇貴賤。高下而加焉。今子獨以爲
寡人之風。豈有說乎。宋玉對曰。臣聞於師。枳句來巢。空穴來風。其所托者。然則風氣殊焉。王曰。夫風始安生哉。宋
玉對曰。夫風生於地。起於青蘋之末。侵淫谿谷。盛怒於土囊之口。緣太山之阿。舞於松柏之下。飄忽擲滂。激揚燥
怒。眩雷聲迴。穴錯注。蹶石伐木。梢殺林莽。至其將衰也。被麗披離。衝孔動榭。啍渙粲爛。離散轉移。故其清涼雄
風。則颯舉升降。乘凌高城。入於深宮。邸華葉而振氣。徘徊於桂椒之間。翱翔於激水之上。將擊芙蓉之精。獵蕙草

離秦薈粲新夷被蕩楊迴穴衝陵蕭條衆芳然後徜徉中庭北上玉堂躋於羅幃經於洞房迺得爲大王之風也
故其風中人狀直惛悽淋慄清涼增欬清冷冷愈病析醒發用耳目寧體便人此所謂大王之雄風也王曰善
哉論事夫庶人之風豈可聞乎宋玉對曰夫庶人之風瑣然起於窮巷之間墻環揚塵勃鬱煩冤衝孔襲門動沙
環吹死灰駭溷濁揚腐餘邪薄入甕牖至於室廡故其風中人狀直愁溷鬱邑殿溫致溼中心慘怛生病造熱中
膺爲脰得目爲曠啗鯖嗽獲生死不卒此所謂庶人之雌風也

宋玉高唐賦○○○

昔者楚襄王與宋玉游於雲夢之臺望高唐之觀其上獨有雲氣崢嶸兮直上忽兮改容須臾之間變化無窮王問
玉曰此何氣也玉對曰所謂朝雲者也王曰何謂朝雲玉曰昔者先王嘗游高唐怠而晝寢夢見一婦人曰妾巫
山之女也爲高唐之客聞君游高唐願薦枕席王因幸之去而辭曰妾在巫山之陽高邱之岨且爲朝雲暮爲行
雨朝朝暮暮陽臺之下旦朝視之如言改爲立廟號曰朝雲王曰朝雲始出狀若何也玉對曰其始出也階兮若
松樹其少進也晰兮若姣姬揚袂朝日而望所思忽兮改容傷兮若駕騶馬建羽旗湫兮如風淒兮如雨風止雨
霽雲無處所王曰寡人方今可以游乎玉曰可王曰其何如矣玉曰高矣顯矣臨望遠矣廣矣普矣萬物祖矣上
屬於天下見於淵珍怪奇偉不可稱論王曰試爲寡人賦之玉曰唯唯惟高唐之大體兮殊無物類之可儀比巫
山赫其無疇兮道互折而會累登峻巖而下望兮臨大邱之積水遇天雨之新霽兮觀百谷之俱集潏洶洶其無
聲兮潰淡淡而並入滂洋洋而四施兮霧淇淇而弗止長風至而波起兮若龜山之孤敵勢薄岸而相擊兮隘交
引而却會舉中怒而特高兮若浮海而望碣石礫螺螺而相摩兮瞻震天之礪礪巨石涓涓之澗澗兮沫潼潼而
高風水澹澹而盤紆兮洪波淫淫之落裔奔揚踊而相擊兮雲興聲之霈霈猛獸驚而跳駭兮妄奔走而馳邁虎
豹豺兕失氣恐喙鵲鸚鵡鷹鶴飛揚伏翼戰戰脇息安敢妄擊於是水蟲盡暴乘渚之陽鼉鼉鱣鮪交積縱橫振鱗

奮翼蜚蜚蜿蜿中阪遙望元木冬榮煌煌焚焚奪人目精爛兮若列星曾不可殫形榛林鬱盛葩覆蓋雙椅垂房
糾枝還會徙靡澹淡隨波闌藹東西施翼猗猗豐沛綠葉紫裏朱莖白帶纖條悲鳴聲似竿籟清濁相和五變四
會感心動耳迴腸傷氣孤子寡婦寒心酸鼻長吏臆官賢士失志愁思無已歎息垂淚登高遠望使人心痒盤岸
噴吭振陳磴磴盤石險峻傾崎崖巖嶮參差縱橫相迫陬互橫極背穴偃蹠交加累積重疊增益狀似砥柱在
巫山之下仰視山巔肅何芊芊炫燿虹蜺俯視晴嶽蜜窠窳冥不見其底虛聞松聲傾岸洋洋立而熊經久而不
去足盡汗出悠悠忽忽悵自失使人心動無故自恐賁育之斷不能爲勇卒愕異物不知所出縱縱莘莘若生
於鬼若出於神狀似走獸或象飛禽譎詭奇偉不可究陳上至觀側地蓋底平箕踵漫衍芳草羅生秋蘭苒蕙江
蘼載菁菁荃射干揭車苞并薄草靡靡聯延天天越香掩掩衆雀嗷嗷雌雄相失哀鳴相號王睢鵬黃正冥鴫鳩
姊歸思婦垂雞高巢其喙喙當年遨遊更唱迭和赴曲隨流有方之士羨門高谿上成鬱林公衆聚殺進純犧
禱瓊室醜諸神禮太一傳祝已具言辭已畢王乃乘玉輿蒼螭垂旒旒旒旒旒旒旒旒旒旒旒旒旒旒旒旒旒
哀於是調謳令人懔懔悵悵息增歎於是乃縱獵者基址如星傳言羽獵銜枚無聲弓弩不發罟罟不傾涉涉
泚馳萃萃飛鳥未及起走獸未及發弭節奄忽蹄足灑血舉功先得獲車已實王將欲往見之必先齋戒差時擇
日簡輿元服建雲旒虬爲旌翠爲蓋風起雨止千里而逝蒸發蒙牲自會息萬方憂國書開賢聖輔不逮九數通
鬱精神察滯延年益壽千萬歲

宋玉神女賦○

楚襄王與宋玉游於雲夢之浦使玉賦高唐之事其夜玉寢夢與神女遇其狀甚麗玉異之明日以白玉王曰其
夢若何玉對曰晡夕之後精神恍惚若有所喜紛紛擾擾不知何意目色粲粲乍若有記見一婦人狀甚奇異寐
而夢之寤不自識罔兮不樂悵爾失志於是撫心定氣復見所夢王曰狀何如也玉曰茂矣美矣諸好備矣盛矣

麗矣難測究矣上古既無世所未見瓊姿偉態不可勝讀其始來也耀乎若白日初出照屋梁其少進也皎若明月舒其光須臾之間美貌橫生燿兮如花溫乎如瑩五色並馳不可殫形詳而視之奪人口精其盛飾也則羅綺綺縠盛文章極服妙采照萬方振繡衣被袿裳襪不短識不長步裔裔兮曜殿堂忽兮改容婉若游龍乘雲翔被服悅薄裝沐蘭澤含芳性和適宜侍旁順序卑調心腸王曰若此盛矣試爲寡人賦之玉曰唯唯夫何神女之姣麗兮含陰陽之渥飾被華藻之可好兮若翡翠之奮翼其象無雙其美無極毛嬙鄒袂不足程式西施掩面比之無色近之既妖遠之有望骨法多奇應君之相視之盈目孰者克尙私心獨悅樂之無量交希恩疏不可盡暢他人莫覩王覽其狀其狀峨峨何可極言貌豐盈以莊姝兮苞溫潤之玉顏眸子炯其精朗兮瞭多美而可觀眉聯娟以娥揚兮朱脣的其若丹素質幹之醴實兮志解泰而體閒既施施於幽靜兮又婆娑乎人間宜高殿以廣意兮翼放縱而綽寬動霧縠以徐步兮拂埤聲之珊珊望余帷而延視兮若流波之將瀾奮長袖以正衽兮立躑躅而不安澹清靜其情嫵兮性沈詳而不煩時容與以微動兮志未可乎得原意似近而既遠兮若將來而復旋蹇余憐而請御兮願盡心之惓惓貞亮之潔清兮卒與我乎相難陳嘉辭而云對兮吐芬芳其若蘭精交結以來往兮心凱康以樂歡神獨亨而未結兮魂恍恍以無端含然諾其不分兮喟揚音而哀嘆頰薄怒以自持兮曾不可乎犯干於是搖珮飾鳴玉鸞整衣服斂容顏願女師命太傅歡情未接將辭而去遷延引身不可親附似逝未行中若相首目畧微眄精彩相授志態橫出不可勝記意離未絕神心怖覆禮不違訖辭不及究願假須臾神女稱遽迴腸傷氣顛倒失據闐然而冥忽不知虛情獨私懷誰者可語惆悵垂涕求之至曙

宋玉登徒子好色賦○

大夫登徒子侍於楚襄王短宋玉曰玉爲人體貌閒麗口多微辭又性好色願王勿與出入後宮王以登徒子之言問於宋玉玉曰體貌閒麗所受於天也口多微辭所學於師也至於好色臣無有也王曰子不好色亦有說乎

有說則止無說則退玉曰天下之佳人莫若楚國楚國之麗者莫若臣里臣里之美者莫若臣東家之子臣東家之子增之一分則太長減之一分則太短著粉則太白施朱則太赤眉如翠羽肌如白雪腰如束素齒如含貝嫣然一笑惑陽城迷下蔡然此女登牆闈臣三年至今未許也登徒子則不然其妻蓬頭擊耳齟齬旁行踽踽又疥且痔登徒子悅之使有五子王執察之誰為好色者矣是時秦章華大夫在側因進而稱曰今夫宋玉盛稱隣之女以為美色愚亂之邪臣自以為守德謂不如彼矣

言玉之意以為美色必能愚亂人邪臣之守德尚不至如彼所慮也且夫南楚窮巷之妾焉足為大王言乎若臣之陋目所曾覩者未敢云也王曰試為寡人說之大夫曰唯唯臣少曾遠游周覽九土足歷五都出咸陽歷邯鄲從容鄭衛溱洧之間是時向春之末迎夏之陽鶴鵬啾啾羣女出桑此邪之妹華色含光體美容冶不待飾裝臣觀其麗者因稱詩曰遵大路兮攬子祛贈以芳華辭甚妙於時處子悅若有望而不來忽若有來而不見意密體疏俯仰異觀含喜微笑竊汝流眄復稱詩曰寤春風兮發鮮榮潔齋侯兮惠音聲贈我如此兮不如無生因遷延而辭避蓋徒以微辭相感動精神相依憑目欲其傾心願其義揚詩守禮終不過差故足稱也於是楚王稱善宋玉遂不退

宋玉對楚王問○○○

楚襄王問於宋玉曰先生其有遺行與何士民衆庶不譽之甚也宋玉對曰唯然有之願大王寬其罪使得畢其辭客有歌於郢中者其始曰下里巴人國中屬而和者數千人其為陽阿薤露國中屬而和者數百人其為陽春白雪國中屬而和者數十人引商刻羽雜以流徵國中屬而和者不過數人而已是其曲彌高其和彌寡故鳥有鳳而魚有鯤鳳皇上擊九千里絕雲霓負蒼天翱翔乎杳冥之上夫蕃蕪之鷓鴣能與之料天地之高哉鯤魚朝發於崑崙之墟暴鬣於碣石暮宿於孟諸夫尺澤之鯢豈能與之量江海之大哉故非獨鳥有鳳而魚有鯤也士亦有之夫聖人瑰意琦行超然獨處世俗之民又安知臣之所為哉

景差大招。

青春受謝白日昭只春氣奮發萬物遽只冥陵浹行魂無運只魂魄歸徠無遠遙只魂乎歸徠無東無西無南無北只東有大海清水激激只蛟龍並流上下悠悠只霧雨淫淫白皓膠只魂乎無東湯谷寂寥只魂乎無南南有炎火千里蝮蛇蟻只山林險隘虎豹蛇只魍魎短狐王虺竊只魂乎無南鹹傷射只魂乎無西西方流沙濛洋洋只豕首縱目被髮鬢只長爪踞牙諛笑狂只魂乎無西多害傷只魂乎無北北有寒山遠龍絕只代水不可涉深不可測只天白顛顛寒凝凝只魂乎無往盈北極只魂魄歸徠閒以靜只自恣荆楚安以定只逞志究欲心意安只窮身永樂年壽延只魂乎歸徠樂不可言只五穀六仞設菹梁只鼎鼐盈望和致芳只內鶻鴿味豹羹只魂乎歸徠恣所嘗只鮮蠶甘雞和楚酪只醢豚苦狗膾苴尊只吳酸薑薑不沾薄只魂乎歸徠恣所擇只炙鴿烝鷓鴣鶻敵只煎醢醢雀遠爽存只魂乎歸徠麗以先只四耐并執不踈噬只清馨凍飲不歡役只醢塲云禾稷種不飲而皆陳列於前吳醴白蕖和楚瀝只魂乎歸徠不遽惕只代秦鄒衛鳴竿張只伏戲駕辯楚勞商只謳和揚阿趙蕭倡只魂歸徠定空桑只二八接武投詩賦只叩鐘調磬娛人亂只四上競氣極聲變只魂乎歸徠聽歌謔只朱脣皓齒嬋以姱只比德安閒習以都只豐肉微骨調以娛只魂乎歸徠安以舒只嫫目宜笑娥眉曼只容則秀雅穉朱顏只魂乎歸徠靜以安只姱修滂浩麗以佳只曾頰倚耳曲眉規只滂心綽態妓麗施只小腰秀頸若鮮卑只魂乎歸徠思怨移只易中利心以動作只粉白黛黑施芳澤只長袂拂面善留客只魂乎歸徠以娛昔只青色直眉美目嫻只鬢輔奇牙宜笑嬌只豐肉微骨體便娟只魂乎歸徠恣所便只夏屋廣大沙堂秀只南房小壇觀絕雷只曲屋步櫺宜擾奮只騰駕步游獵春囿只瓊轂錯衡英華假只葭蘭桂樹鬱彌路只魂乎歸徠恣志慮只孔雀盈園畜鸞皇只鷗鴻羣晨雜鴉鷂只鴻鵠代游曼鸞鷁只魂乎歸徠鳳皇翔只曼澤怡面血氣盛只永宜厥身保壽命只室家盈庭爵祿盛只魂乎歸徠居室定只接徑千里出若雲只三圭重侯聽類神只醢塲云出若雲言其

車徒從官之盛莊子讓王延之以三旌之位可馬彪本作三旌云諸侯三旌執珪

蔡篤天隱孤寡存只魂乎歸徠正始昆只田邑千畝人阜昌只美冒衆流

德澤章只先威後文善美明只魂乎歸徠賞罰當只名聲若日照四海只德譽配天萬民理只北至幽陵南交趾

只西薄羊腸東窮海只魂乎歸徠尙賢士只發政獻行禁苛暴只舉傑壓陸靈場云後魏光緒本朝誅讓罷只直

羸在位近禹麾只靈場云呂覽求生篇禹治水得陶化益直觀橫革之交荀子成相得益皋陶橫革直成爲輔職國雖萬有五丞此直靈卽五丞之二也豪傑執政流澤施只魂乎

歸徠國家爲只雄雄赫赫天德明只三公穆穆登降堂只諸侯畢極立九卿只昭質旣設大侯張只執弓挾矢揖

辭讓只魂乎歸徠尙三王只

楚人以弋說楚王○○○

楚人有好以弱弓微繳加歸雁之上者頃襄王聞召而問之對曰小臣之好射隹雁羅罽小矢之發也何足爲大

王道也且稱楚之大因大王之賢所弋非直此也昔者三王以弋道德五霸以弋戰國故秦魏燕趙者羸雁也齊

魯韓衛者青首也鄒費邳邳者羅罽也外其餘則不足弋者見鳥六雙以王何取王何不以聖人爲弓以勇士爲

繳時張而射之此六雙可得而囊載也其樂非特朝夕之樂也其獲非特羸雁之實也王朝張弓而射魏之大梁

之南加其右臂而徑屬之於韓則中國之路絕而上蔡之郡壞矣還射圉之東解魏左肘而外擊定陶則魏之東

外棄而大宋方與二郡者舉矣且魏斷二臂顛越矣膺擊邳國大梁可得而有也王請繳蘭臺飲馬西河定魏大

梁此一發之樂也若王之於弋誠好而不厭則出寶弓繕新繳射囑鳥於東海還蓋長城以爲防朝射東莒夕發

涖邱夜加卽墨顧據午道則長城之東收而大山之北舉矣西結境於趙而北達於燕三國布抵則從不待約而

可成也北游目於燕之遼東而南登望於越之會稽此再發之樂也若夫泗上十二諸侯左縈而右拂之可一旦

而盡也今秦破韓以爲長憂得列城而不敢守也伐魏而無功擊趙顧病則秦魏之勇力屈矣楚之故地漢中析

豳可得而復有也王出寶弓繕新繳涉鄆塞而待秦之倦也山東河內可得而一也勞民休衆南面稱王矣故曰

豳可得而復有也王出寶弓繕新繳涉鄆塞而待秦之倦也山東河內可得而一也勞民休衆南面稱王矣故曰

豳可得而復有也王出寶弓繕新繳涉鄆塞而待秦之倦也山東河內可得而一也勞民休衆南面稱王矣故曰

秦爲大鳥負海內而處東面而立左臂據趙之西南右臂傅楚鄢郢膺擊韓魏垂頭中國處旣形便勢有地利奮翼鼓毳方三千里則秦未可得獨招而夜射也欲以激怒襄王故對以此言襄王因召與語遂言曰夫先王爲秦所欺而客死於外怨莫大焉今以匹夫有怨尙有報萬乘白公子胥是也今楚之地方五千里帶甲百萬猶足以踴躍中野也而坐受困臣竊爲大王弗取也於是頃襄王遣使於諸侯復爲從欲以伐秦

莊辛說襄王

○○○ 據按以弋說襄王及莊辛篇此與譚父宋玉對楚王東方客莊同類並是設辭乃太史公稱先生劉子政悉載敘之以爲事實爲失其實矣

莊辛謂楚襄王曰君王左州侯右夏侯登從鄢陵君與壽陵君專淫逸侈靡不顧國政郢都必危矣襄王曰先生老悖乎將以爲楚國妖祥乎莊辛曰臣誠見其必然者也非敢以爲國妖祥也君王幸四子者不喪楚國必亡矣臣請避於趙淹留以觀之莊辛去之趙留五月秦果與鄢郢巫上蔡陳之地襄王流於城陽於是使人發騶兔而顧犬未爲晚也亡羊而補牢未爲遲也臣聞昔湯武以百里昌桀紂以天下亡今楚國雖小絕長續短猶以數千里豈特百里哉王獨不見夫蜻蛉乎六足四翼飛翔乎天地之間俛喙蚊虻而食之仰承甘露而飲之自以爲無患與人無爭也不知夫五尺童子方將調飴膠絲加己乎四仞之上而下爲螻蟻食也夫蜻蛉其小者也黃雀因是以俯囑白粒仰栖茂樹鼓翅奮翼自以爲無患與人無爭也不知夫公子王孫左挾彈右攝丸將加己乎十仞之上以其類爲招晝游乎茂樹反調乎酸鹹倏忽之間墜於公子之手夫黃雀其小者也黃鵠因是以游乎江海淹乎大沼俯囑鱓鯉仰囑薩衡奮其六翮而凌清風颺搖乎高翔自以爲無患與人無爭也不知夫射者方將修其潔盧治其綸繳將加己乎百仞之上矜矜磻引微繳折清風而拉矣故書游乎江湖夕調乎鼎鼐夫黃鵠其小者也蔡靈侯之事因是以南游乎高陵北游乎巫山飲茹溪之流食湘波之魚左抱幼妾右擁嬖女與之馳騁乎高蔡之中而不以國家爲事不知夫子發方受命乎靈王繫己以朱絲而見之也蔡靈侯之事其小者也君

王之。事。因。是。以。左。州。侯。右。夏。侯。從。鄰。陵。君。與。壽。陵。君。飯。封。祿。之。粟。而。載。方。府。之。金。與。之。馳。騁。乎。雲。夢。之。中。而。不。以。天。下。國。家。爲。事。而。不。知。夫。穰。侯。方。受。命。乎。秦。王。填。龜。塞。之。內。而。投。已。乎。龜。塞。之。外。襄。王。聞。之。顏。色。變。作。身。體。戰。慄。於。是。乃。執。珪。而。授。之。爲。陽。陵。君。與。淮。北。之。地。

辭賦類四

賈生惜誓

惜。余。年。老。而。日。衰。兮。歲。忽。忽。而。不。反。登。蒼。天。而。高。舉。兮。歷。衆。山。而。日。遠。觀。江。河。之。紆。曲。兮。離。四。海。之。霧。滯。攀。北。極。而。一。息。兮。吸。沆。瀣。以。充。虛。飛。朱。鳥。使。先。驅。兮。駕。太。乙。之。象。輿。蒼。龍。蚴。虬。於。左。驂。兮。白。虎。騁。而。爲。右。驂。建。日。月。以。爲。蓋。兮。載。玉。女。於。後。車。馳。騫。於。杳。冥。之。中。兮。休。息。乎。崑。崙。之。墟。樂。窮。極。而。不。厭。兮。願。從。容。乎。神。明。涉。丹。水。而。馳。騁。兮。右。大。夏。之。遺。風。黃。鶴。之。一。舉。兮。知。山。川。之。紆。曲。再。舉。兮。陟。天。地。之。闊。方。臨。中。國。之。衆。人。兮。托。回。飄。乎。尙。羊。乃。至。少。原。之。壘。兮。赤。松。王。喬。皆。在。旁。二。子。擁。瑟。而。調。均。兮。余。因。稱。乎。清。商。澹。然。而。自。樂。兮。吸。衆。氣。而。翺。翔。念。我。長。生。而。久。僊。兮。不。如。反。余。之。故。鄉。黃。鶴。後。時。而。寄。處。兮。鳴。鸚。翠。而。制。之。神。龍。失。水。而。陸。居。兮。爲。螻。蟻。之。所。裁。夫。黃。鶴。神。龍。猶。如。此。兮。况。賢。者。之。逢。亂。世。哉。壽。再。再。而。日。衰。兮。固。儻。回。而。不。息。俗。流。從。而。不。止。兮。衆。枉。聚。而。矯。直。或。偷。合。而。苟。進。兮。或。隱。居。而。深。藏。苦。稱。量。之。不。審。兮。同。權。槩。而。就。衡。或。推。逐。而。苟。容。兮。或。直。言。之。謬。謬。傷。誠。是。之。不。察。兮。并。細。茅。絲。以。爲。索。方。世。俗。之。幽。昏。兮。眩。白。黑。之。美。惡。放。山。淵。之。龜。玉。兮。相。與。貴。夫。礫。石。梅。伯。數。見。而。至。鹽。兮。來。革。順。志。而。用。國。悲。仁。人。之。盡。節。兮。反。爲。小。人。之。所。賊。比。于。忠。諫。而。剖。心。兮。箕。子。被。髮。而。伴。狂。水。背。流。而。源。竭。兮。木。去。根。而。不。長。非。重。軀。以。虛。難。兮。惜。傷。身。之。無。功。已。矣。哉。獨。不。見。夫。鸞。鳳。之。高。翔。兮。乃。集。大。皇。之。壘。循。四。極。而。回。周。兮。見。盛。德。而。後。下。彼。聖。人。之。神。德。兮。遠。濁。世。而。自。藏。使。麒麟。可。得。羈。而。係。兮。又。何。以。異。乎。犬。羊。

賈生鵬鳥賦○

誼爲長沙王傅三年有鵬鳥飛入誼舍止於坐隅鵬似鴉不祥鳥也誼既以謫居長沙長沙卑溼誼自傷悼以爲壽不得長乃爲賦以自廣其辭曰單園之歲兮四月孟夏庚子日斜兮屬集余舍止於坐隅兮貌甚閒暇異物來萃兮私怪其故發書占之兮讖言其度曰野鳥入室主人將去請問於鬪余去何之吉乎告我凶言其災淹速之度兮語余其期鵬乃歎息舉首奮翼口不能言請對以臆曰萬物變化兮固無休息斡流而遷兮或推而還形氣轉續兮變化而蝗沕穆無窮兮胡可勝言禍兮福所倚福兮禍所伏憂喜聚門兮吉凶同城彼吳彊大兮夫差以敗越棲會稽兮句踐霸世斯游遂成兮卒被五刑傅說胥靡兮乃相武丁夫禍之與福兮異糾纏命不可說兮孰知其極水激則旱兮矢激則遠萬物回薄兮振盪相轉雲蒸雨降兮糾錯相紛大鈞播物兮塊垤無垠天不可預慮兮道不可預謀遲速有命兮焉識其時且夫天地爲鑪兮造化爲工陰陽爲炭兮萬物爲銅合散消息兮安有常則千變萬化兮未始有極忽然爲人兮何足控搏化爲異物兮又何足患小智自私兮賤彼貴我達人大觀兮物無不可貪夫徇財兮烈士徇名夸者死權兮品庶每生怵迫之徒兮或趨西東大人不曲兮意變齊同愚士繫俗兮窘若囚拘至人遺物兮獨與道俱衆人惑惑兮好惡積億真人恬漠兮獨與道息釋智遺形兮超然自喪寥廓忽荒兮與道翱翔乘流則逝兮得坻則止縱軀委命兮不私與已其生兮若浮其死兮若休澹乎若深淵之靜泛乎若不繫之舟不以生故自寶兮養空而浮德人無累兮知命不憂細故蒂芥兮何足以疑

枚叔七發八首○○

楚太子有疾而吳客往問之曰伏聞太子玉體不安亦少聞乎太子曰懃謹謝客客因稱曰今天下安寧四字和平太子方富於年意者久耽安樂日夜無極邪氣襲逆中若結縲粉屯澹淡嘘唏煩醒惕惕不得瞑虛中重聽惡聞人聲精神越濶百病咸生聰明眩曜悅怒不平久執不廢大命乃傾太子豈有是乎太子曰謹謝客賴君之力時時有之然未至於也客曰今夫貴人之子必宮居而閨處內有保母外有傅父欲交無所飲食則溫

淳甘臙醢肥厚衣裳則難還曼煖燁燁熱暑雖有金石之堅猶將銷鑠而挺解也況其在筋骨之間乎哉故曰縱耳目之欲恣支體之安者傷血脈之和且夫出輿入輦命曰蹶痿之機洞房清宮命曰寒熱之媒皓齒蛾眉命曰伐性之斧甘醴肥醢命曰腐腸之藥今太子膚色靡曼四支委隨筋骨挺解血脈淫濯手足惰虛越女侍前齊姬奉後往來游譙縱恣乎曲房隱間之中此甘餐毒藥戲猛獸之爪牙也所從來者至深遠淹滯永久而不廢雖令扁鵲治內巫咸治外尙何及哉今如太子之病者獨宜世之君子博見彊識承問語事變度易意常無離側以爲羽翼淹沈之樂浩唐之心遁佚之志其奚由至哉太子曰諾病已請事此言客曰今太子之病可無藥石針刺灸療而已可以要言妙道說而去也不欲聞之乎太子曰僕願聞之

客曰龍門之桐高百尺而無枝中鬱結之輪菌根扶疏以分離上有千仞之峰下臨百尺之谿湍流遇波又澹淡之其根半死半生冬則烈風漂散飛雪之所激也夏則雷霆霹靂之所感也朝則鸞黃鳴焉暮則羈雄迷鳥宿焉獨鶴晨號乎其上的賄雞哀鳴翔乎其下於是背秋涉冬使琴擊斫斫以爲琴野蘭之絲以爲絃孤子之鈞以爲隱九寡之珥以爲鈞使師堂操暢伯子牙爲之歌歌曰麥秀蕭兮雉朝飛向虛壑兮背高槐依絕區兮臨迴溪飛鳥聞之翕翼而不能去野獸聞之垂耳而不能行蛟螭蟻蟻聞之拄喙而不能前此亦天下之至悲也太子能彊起聽之乎太子曰僕病未能也

客曰犝牛之腴菜以筍蒲肥狗之和冒以山膚楚苗之實安胡之飯搏之不解一啜而散於是使伊尹煎熬易牙調和熊蹯之臠芍藥之醬薄者之灸鮮鯉之鱠秋黃之蘇白露之茹蘭英之酒酌以滌口山梁之餐象豹之胎小飯大歡如湯沃雪此亦天下之至美也太子能彊起嘗之乎太子曰僕病未能也

客曰鍾岱之牡齒至之車前似飛鳥後類距虛稱麥服處躁中煩外羈堅轡附易路於是伯樂相其前王良造父爲之御秦缺樓季爲之右此兩人者馬佚能止之車覆能起之於是使射干鑿之重爭千里之逐此亦天下之至

駿也。太子能彊起乘之乎？太子曰：僕病未能也。

客曰：既登景夷之臺，南望荆山，北望汝海，左江右湖，其樂無有於是。使博辯之士，原本山川，極命草木，比物屬事，離辭連類，浮游覽觀，乃下置酒於虞樓之宮，連廊四注，臺城層構，粉紘元綠，輦道邪交，黃池紆曲，溷章白鷺，孔鳥，鷓鴣，鷓鴣，鸚鵡，翠鬣，紫纓，蠅龍，德牧，昌羣，鳴陽，魚騰，躍奮，翼振，鱗激，漭漭，鬱鬱，芳草，芥女，桑河，柳素，葉紫，莖苗，松豫，章條，上造，天梧，桐井，欄極，望成，林衆，芳芬，鬱亂於五風，從容倚靡，消息陽陰，列坐縱酒，蕩樂娛心，景春，佐酒，杜連，理音，滋味，雜陳，肴糝，錯該，練色，娛目，流聲，悅耳，於是乃發激楚之結風，揚鄭衛之皓樂，使先施，徵舒，陽文，段干，吳娃，閭姬，傅予，之徒，雜裾，垂髻，目窈心與，掄流，波雜，杜若，蒙清，塵被，蘭澤，嫵服，而御，此亦天之靡麗，皓齒，廣博之樂也。太子能彊起游乎？太子曰：僕病未能也。

客曰：將爲太子馴騏驎之馬，駕飛輪之輿，乘牡駿之乘，右夏服之勁，箭左烏號之雕，弓游涉乎雲林，周馳乎蘭澤，弭節乎江潭，掩青蘋，游清風，陶陽氣，蕩春心，逐狡獸，集輕禽，於是極犬馬之才，困野獸之足，窮相御之智，巧恐虎豹，情驚鳥逐，馬鳴鑿魚，跨麋角，履游醫，兔蹈踐，麋鹿，汗流沫，墜窠，伏陵窘，無創而死者，固足充後乘矣。此校獵之至壯也。太子能彊起游乎？太子曰：僕病未能也。然陽氣見於眉宇之間，侵淫而上，幾滿大宅，客見太子有悅色也，遂推而進之曰：冥火薄天，兵車雷運，旌旂偃塞，羽旄紛馳，鷗角逐，慕味爭先，徵墨，廣博望之有，垢純粹，全犧獻之公門，太子曰：善。願復聞之。客曰：未既於是，榛林深澤，烟雲闇冥，兕虎並作，毅武孔猛，袒裼身，白刃，礪礪，矛戟交錯，收獲，掌功，賞賜，金帛，掩蘋肆若，爲牧人，席旨酒，嘉肴，羞炮膾，炙以御賓，客涌觴，並起，動心，驚耳，誠必不悔，決絕以諾，貞心之色，形於金石，高歌陳唱，萬歲無數，此真太子之所喜也。能彊起而游乎？太子曰：僕甚願從，直恐爲諸大夫累耳。然而有起色矣。

客曰：將以八月之望，與諸侯遠方，交游兄弟，並觀濤乎廣陵之曲江，至則未見濤之形也，徒觀水力之所到，則鯨

然足以駭矣。觀其所駕軼者，所擢拔者，所揚汨者，所溫汾者，所濳沔者，雖有心略辭給，固未能縷形其所由然也。悅兮忽兮，聊兮慄兮，混汨汨兮，忽兮慌兮，傲兮儻兮，浩濛濛兮，恍曠曠兮，秉意乎南山，通望乎東海，虹洞兮蒼天，極慮乎崖，涖流攬無窮，歸神日，汨乘流而下降兮，或不知其所止，或紛紜其流折兮，忽繆往而不來，臨朱汜而遠逝兮，中虛煩而益怠，莫離散而發曙兮，內存心而自持於是，澡槩胸中，灑日五藏，激澹手足，類濯髮齒，掄棄恬怠，輪寫澳濁，分決狐疑，發皇耳目，當是之時，雖有淹病滯疾，猶將伸偃起，鬢發警披，聳而觀望之也。况直眇小煩，懣醒醞病酒之徒哉？故曰發蒙解惑，不足以言也。太子曰：善。然則濤何氣哉？客曰：不記也。然聞於師曰：似而神非者，三疾雷聞百里，江水逆流，海水上山，潮山出內，雲日夜不止，衍溢漂疾，波湧而濤起，其始也，洪淋淋焉，若白鷺之下翔，其少進也，浩浩澗澗，如素車白馬，帷蓋之張，其波涌而雲亂，擾擾焉，如三軍之騰裝，其旁作而奔起也，飄颻焉，如輕車之勒兵，六駕蛟龍，附從太白，純馳浩蜺，前後絡繹，顛顛耶，耶，据据，彊彊，萃萃，將將，壁壘重堅，沓雜似軍行，訇隱訇，磕，軋盤涌，裔原不可當，觀其兩旁，則滂勃怫鬱，闐漠感突，上擊下，砒有似勇壯之卒，突怒而無畏，蹈壁衝津，窮曲隨隈，踰岸出，追遇者，死當者，壞初發乎，或圍之，津涯菱軫，谷分迴翔，青蔑銜枚，檀桓弭節，伍子之山，通風，胥母之場，陵赤岸，簪扶桑，橫奔似雷，行誠奮厥武，如振如怒，沌沌渾渾，狀如奔馬，混混鹿鹿，聲如雷鼓，發發怒屋，沓沓升踰，踰踰侯，波奮振合戰於鑿鑿之口，鳥不及飛，魚不及迴，獸不及走，紛紛翼翼，波涌雲亂，蕩取南山，背擊北岸，覆虧邱陵，平夷西畔，險險戲崩，壞陂池，決勝乃罷，渾汨潺湲，披揚流灑，橫暴之極，魚鼈失勢，顛倒偃側，沈沈浚浚，蒲伏連延，神物怪疑，不可勝言，直使人踣焉，洄關，悽愴焉。此天下怪異詭觀也。太子能彊起觀之乎？太子曰：僕病未能也。

客曰：將爲太子奏方術之士有資略者，若莊周、魏牟、楊朱、墨翟、便蜎、詹何之倫，使之論天下之精微，理萬物之是非，孔老覽觀，孟子持籌而算之，萬不失一，此亦天下要言妙道也。太子豈欲聞之乎？於是太子據几而起曰：渙乎！

若一聽聖人辯士之言，泯然汗出，霍然病已。

漢武帝秋風辭○○○

秋風起兮，白雲飛。草木黃落兮，雁南歸。蘭有秀兮，菊有芳。攜佳人兮，不能忘。泛樓船兮，濟汾河。橫中流兮，揚素波。簫鼓鳴兮，發棹歌。歡樂極兮，哀情多少。壯歲時兮，奈老何。

漢武帝瓠子歌○

瓠子決兮，將奈何。皓皓洋洋兮，閭殫爲河。殫爲河兮，地不得寧。功無已時兮，吾山平。吾山平兮，鉅野溢。魚沸騰兮，栢冬日延。道弛兮，離常流。蛟龍騁兮，放遠游。歸舊川兮，神哉沛。不封禪兮，安知外皇。謂河伯兮，何不仁。泛濫不止兮，愁吾人。鷺桑浮兮，淮泗滿。久不反兮，水維緩。

河湯湯兮，激潺湲。北渡沅兮，淩流難。舉長筇兮，淇美玉。河伯許兮，薪不屬。薪不屬兮，衛人罪。燒蕭條兮，慮乎何以御。水隕林竹兮，隄石菑。宣防塞兮，萬福來。

淮南小山招隱士○○○

王逸以爲淮南小山之辭，蓋藝文志所云淮南王羣臣賦也。文選直題爲淮南王安作，兼疑昭明之世，容有竅固買造所解，楚辭或據異說題之。

桂樹叢生兮，山之幽。偃蹇連卷兮，枝相繚。山氣濛濛兮，石鏡峨峨。谿谷巖巖兮，水曾波。猿狖羣嘯兮，虎豹嗥攀。援桂枝兮，聊淹留。王孫游兮，不歸。春草生兮，萋萋。歲暮兮，不自聊。蟪蛄鳴兮，啾啾。挾兮，軋山曲。拂心流兮，洞荒忽。罔兮，物僚兮，慄虎豹。啾啾深林兮，人上慄。嶽嶽礚礚兮，礚礚。硯硯相軋兮，林木菱歇。青莎雜樹兮，蘋草薿靡。白鹿齧蘭兮，或騰或倚。狀貌崑崙兮，峨峨。淒淒兮，泚泚。獮猴兮，熊羆。慕類兮，以悲攀。援桂枝兮，聊淹留。虎豹圍兮，熊羆咆。禽獸駭兮，忘其曹。王孫兮，歸來山中兮，不可以久留。

東方曼倩答客難○○○

蓋鳩先生云：現邁宏放之氣，如衝雲而上馳。

客難東方朔曰蘇秦張儀一當萬乘之主而身都卿相之位澤及後世今子大夫修先王之術慕聖人之義諷誦詩書百家之言不可勝記著於竹帛屑腐齒落服膺而不可釋好學樂道之效明白甚矣自以爲智能海內無雙則可謂博聞辯智矣然悉力盡忠以事聖帝曠日持久積數十年官不過侍郎位不過執戟意者尙有遺行邪同胞之徒無所容居其故何也東方先生喟然長息仰而應之曰是故非子之所能備彼一時也此一時也豈可同哉夫蘇秦張儀之時周室大壞諸侯不朝力政爭權相禽以兵并爲十二國宋有雌雄得士者彊失士者亡故說得行焉身處尊位珍寶充內外有廩倉澤及後世子孫長享今則不然聖帝流德天下震懼諸侯賓服威振四夷連四海之外以爲帶安於覆孟天下平均合爲一家動發舉事猶運之掌賢與不肖何以異哉遵天之道順地之理物無不得其所故綏之則安動之則苦尊之則爲將卑之則爲虜抗之則在青雲之上抑之則在深淵之下用之則爲虎不用則爲鼠雖欲盡節效情安知前後夫天地之大士民之衆竭精馳說並進幅湊者不可勝數悉力慕之困於衣食或失門戶使蘇秦張儀與僕並生於今之世曾不得掌故安敢望侍郎乎傳曰天下無害菑雖有聖人無所施才上下相同雖有賢者無所立功故曰時異事異雖然安可以不務修身乎哉詩曰鐘鼓于宮聲聞于外鶴鳴九皋聲聞于天苟能修身何患不榮太公禮行仁義七十有二乃設用於文武得信厥說封於齊七百歲而不絕此士所以日夜孳孳修學敏行而不取怠也譬若鵠鶴飛且鳴矣傳曰天不爲人之惡寒有輟其冬地不爲人之惡險而輟其廣君子不爲小人之匈匈而易其行天有常度地有常形君子有常行君子道其常小人計其功詩曰禮義之不愆何恤人之言上既云常修身矣而東方行事乃如存遺行者故此下復言已之修身水至清則無魚人至察則無徒冕而前旒所以蔽明衽纒充耳所以塞聰明有所不見聽有所不聞舉大德赦小過無求備於一人之義也枉而直之使自得之優而柔之使自求之揆而度之使自索之蓋聖人之教化如此欲其自得之自得之則敏且廣矣何如體云本望武帝知之不盡反言明有所遺者君道固然今世之處士時雖不用塊然無徒廓然獨居上觀許由

下察接輿計同范蠡忠合子胥天下和平與義相扶寡偶少徒固其宜也子何疑於子哉若夫燕之用樂毅秦之任李斯漢用酈食其之下齊說行如流曲從如環所欲必得功若邱山海內定國家安是遇其時者也子又何怪之邪語曰以管窺天以蠡測海以筵撞鐘豈能通其條貫考其文理發其音聲哉猶是觀之譬猶驅馳之襲狗狐豚之昨虎至則靡耳何功之有今以下愚而非處士雖欲勿困固不得已此適足以明其不知權變而終惑於大道也

辭賦類五

司馬長卿子虛賦○○

楚使子虛使於齊王悉發車騎與使者出畋畋罷子虛過杞烏有先生亡是公存焉坐定烏有先生問曰今日畋樂乎子虛曰樂獲多乎曰少然則何樂對曰僕樂齊王之欲夸僕以車騎之衆而僕對以雲夢之事也曰可得聞乎子虛曰可王車駕千乘選徒萬騎畋於海濱列卒滿澤罟網彌山掩兔騶鹿射麋脚鱗鷲於鹽浦割鮮染輪射中獲多矜而自功願謂僕曰楚亦有平原廣澤游獵之地饒樂若此者乎楚王之獵孰與寡人乎僕下車對曰臣楚國之鄙人也幸得宿衛十有餘年時從出游於後園覽於有無然猶未能徧覩也又焉足以言其外澤乎齊王曰雖終略以子之所聞見而言之僕對曰唯唯臣聞楚有七澤嘗見其一未覩其餘也臣之所見蓋特其小小者耳名曰雲夢雲夢者方九百里其中有山焉其山則盤紆窮巖隆崇嶺岑崑崙差日月蔽虧交錯糾紛上干青雲罷池陂陀下屬江河其土則丹青赭堊黃白垺錫碧金銀衆色炫燿照爛龍鱗其石則赤玉玫瑰琳琅昆吾城功元鳳磧石砥跌其東則有蕙圃薜蘭茝若射干芎藭菖蒲江蘼蘼蕪諸柘巴苴其南則有平原廣澤登降馳靡案衍壇曼緣以大江限以巫山其高燥則生葦菰苞荔薛莎青蘋其卑溼則生葦薹葭葭東籬彫胡蓮藕菰蘆菴闔軒于衆物居之不可勝圖其西則有湧泉清池激水推移外發芙蓉菱華內隱鉅石白沙其中則有神龜

蛟龍瑋瑁鼉鼉其北則有陰林巨樹榦相豫樟桂木蘭檠離朱楊檀梨棗橘芬芳其土則有鷓鴣孔鸞騰

遠射干其下則有白虎元豹蝮蜃龜狂於是乎乃使專諸之倫手格此獸楚王乃駕馴駁之駟乘彫王之輿靡魚

鬚之橈旂曳明月之珠旗建干將之雄戟左鳥號之彫弓右夏服之勁箭陽子驂乘馘阿為御案節未舒即陵狡

獸獸蚤蚤鱗距虛軼野馬馳騁險乘遺風射游騏儵伸情淵雷動疾至星流靈擊弓不虛發中必決眦洞胸達掖

絕乎心繫獲若雨獸揜草蔽地於是楚王乃弭節徘徊翔容與覽乎陰林此即其北之陰林觀壯士之暴怒與猛獸之恐

懼徹執受詘彈觀衆物之變態於是鄭女曼姬被阿緋揄紵縞羅織羅垂霧縠髮積縵縵紉徐委曲鬱橈谿谷初

初襟袿揚施戊削蜚翟垂習扶輿猗靡萃蔡下靡蘭蕙上拂羽蓋錯翡翠之葳蕤纒纒玉綬珍珍忽忽若神

仙之髣髴於是乃相與獵於蕙圃此即東之蕙圃嬋嬋勃舉而上乎金隄揜翡翠射鵝鵝微縮出娥繳施式白鶴連駕鷄

雙鶴下元鶴加怠而後發游於清池此即西之清池浮文鷄揚旌棧張翠帷建羽蓋網瑁瑁鉤紫貝椹金鼓吹鳴籟榜人

歌聲流喝水蟲駭波瀾湧涌泉起奔揚會礪石相擊碾碾礪礪若雷響之聲聞乎數百里之外將息獵者擊靈鼓

起烽燧車案行隨就隊纏乎淫淫般乎裔裔於是楚王乃登雲陽之臺此即至其高也泊乎無為澹乎自持勺藥之

和具而後御之不若大王終日馳騁曾不下輿踰割輪焯自以為媿臣竊觀之齊殆不如於是齊王無以應僕也

烏有先生曰是何言之過也足下不遠千里來覲齊國王悉發境內之士備車騎之衆與使者出敗乃欲戮力致

獲以娛左右何名為夸哉問楚地之有無者願聞大國之風烈先生之餘論也今足下不稱楚王之德厚而盛推

雲夢以為高奢言淫樂而顯侈靡竊為足下不取也必若所言固非楚國之美也無而言之是害足下之信也彰

君惡傷私義二者無一可而先生行之必且輕於齊而累於楚矣且齊東儲鉅海南有琅琊觀乎成山射乎之罘

浮渤澥游孟諸邪與肅慎為隣右與暘谷為界秋田乎青邱彷徨乎海外吞若雲夢者八九於其胸中曾不蒂芥

若乃傲儻瑰璋異方殊類珍怪鳥獸萬端麟峯充物其中不可勝記禹不能名禹不能計然在諸侯之位不敢言

若乃傲儻瑰璋異方殊類珍怪鳥獸萬端麟峯充物其中不可勝記禹不能名禹不能計然在諸侯之位不敢言

游戲之樂苑圃之大先生又見客是以王辭不復何爲無以應哉

司馬長卿上林賦○○○

亡是公听然而笑曰楚則失矣而齊亦未爲得也夫使諸侯納貢者非爲財幣所以述職也封疆畫界者非爲守禦所以禁淫也今齊列爲東藩而外私庸慎捐國踰限越海而田其於義固未可也且夫二君之論不務明君臣之義正諸侯之禮徒事爭游戲之樂苑圃之大欲以奢侈相勝荒淫相越此不可以揚名發譽而適足以卑君自損也且夫齊楚之事又焉足道乎君未覩夫巨麗也獨不聞天子之上林乎左蒼梧右西極丹水更其南紫淵徑其北終始瀾漣出入涇渭鄠鎬潒滿紆餘委蛇經營乎其內蕩蕩乎八川分流相背而異態東西南北馳騫往來出乎椒邱之闕行乎洲淤之浦經乎桂林之中過乎泱泱之壘汨乎混流順阿而下赴隘陬之口觸穹石激堆埼沸乎暴怒洶湧澎湃沸沓汨偪側沁滲橫流逆折轉騰瀉洌滂潏沆溉穹隆橫宛潭膠盤踰波趨泄泄瀝下瀨披巖衝擁奔揚滯沛臨坻注壑澶澶濶濶沈沈隱隱砰磅訇磕澐澐漚漚淵淵灑灑鼎沸馳波跳沫滂濞漂疾悠悠長懷寂寥無聲聿乎永歸然後灑澆潢漾安翔徐回霑乎瀉瀉東注太湖衍溢陂池於是乎蛟龍赤鱗鮪鱣漸離鱓鱣魼魴禹馭鯢擢鰭掉尾振鱗奮翼潛處乎深巖魚鼈謹聲萬物衆夥明月珠子的皪江靡蜀石黃礪水玉磊砢磷磷爛爛采色滌汗叢積乎其中鴻鵠鴝鶒駕鷁屬玉交精旋目頰鸞庸篋疵鳩盧萃浮乎其上沈淫泛濫隨風澹淡與波搖蕩掩薄水渚唼唼菁藻咀嚼菱藕於是乎崇山矗矗巖崑崔嵬深林巨木嶄巖峩峩九隄嶽嶽薛南山峨峨巖巖地顛鎬推峩嶇嶇振溪通谷塞產溝瀆谿呀豁闢阜陵別隴巖嵬峴邱虛堀礧礧礧礧登降施靡陂池蹕蹕沈沈淫淫散渙夷陸亭皋千里靡不被築掩以綠蕙被以江蘼糝以麤蕪雜以留夷布結縷攢戾莎揭車蘅蘭蘂木射干芘葦蕙荷葳橙若蓀鮮支黃礫蔣茅青蘋布獲宏澤延蔓太原離靡廣衍應風披靡吐芳揚烈郁郁菲菲衆香發越肸蠃布寫晷蔭叒苒於是乎周覽泛觀繽紛軋軋芳芒芒恍忽視之無端察之無涯日出

東沼入乎西陂其南則隆冬生長涌水躍波其獸則獬廌整沈牛麀赤首圍題窮奇象犀其北則盛夏含凍裂地涉冰揭河其獸則麒麟角端駒駝象駝蚤驪駃騠羸於。是乎離宮別館彌山跨谷高廊四注重坐曲閣華榭璧璫瑩道繡屬步欄周流長途中宿夷曠築堂累臺增成巖峩洞房類杳眇而無見仰攀椽而櫛天奔星更於闔闔宛虹地於楯軒青龍螭蟉於東廡象輿婉俾於西清靈園燕於閒館僊佺之倫暴於南榮醴泉涌於清室通川過於中庭盤石振崖嶽巖倚傾嵯峨巖巖刻削崢嶸玫瑰碧琳珊瑚叢生璠玉旁唐珣文麟赤瑕駁華雜面其間晃采瑰琰和氏出焉於是乎盧橘夏熟黃甘橙檳枇杷燃柿亭奈厚朴櫻棗楊梅櫻桃蒲陶隱夫菓棣答還離支羅乎後宮列於北園地邱陵下平原揚翠葉帆紫葦發紅華垂朱榮煌煌扈扈照曜野沙棠櫟楹華楓枰榼留落胥邪仁類并閭機檀木蘭豫章女貞長千仞大連抱夸條直暢實葉茂楹楹立叢倚連卷榭僂崔錯爰歇抗衡闒珂垂條扶疏落葉幡幡紛紜翦翦狔從風瀏莅卉欽蓋象金石之聲管籥之音傑池葩麗旋還乎後宮雜襲纍輯被山緣谷循坂下隰視之無窮於是乎元猿素雌雌猩飛蝠蝨蝮蠅蛸雙獫獫胡毅鮫棲息乎其間長嘯哀鳴翩幡互經天矯枝格偃蹇杪顛踰絕梁騰殊榛捷垂條掉希間半落陸離爛熳遠遷若此者數百千處娛游往來宮宿館舍庖廚不徙後宮不移百官備具於是乎背秋涉冬天子校獵乘鑊象六玉虬控蜺旌靡雲旗前皮軒後道游孫叔奉轡衛公參乘扈從橫行出乎四校之中鼓嚴蕤縱獵者河江爲陸泰山爲櫓車隨響起震天動地先後陸離散別追淫淫裔裔緣陵流澤雲布雨施生貔豹搏豺狼手熊鬚足擊羊蒙鷄蘇綉白虎虎按書與服志云武冠環無以青緜爲攝加鬚鬚尾五官左右虎黃將虎文旆襄邑歲獸成虎文此乃所云蒙獸蘇綉白虎也孟康注鬚鬚尾也蘇析羽也蓋得之而善注旆旆郭景純以旆爲旆亦失之被斑文跨壁馬凌三壘之危下磧歷之坻徑峻赴險越壑厲水椎飛廉弄躡彘格蝦蛤鼉猛氏羈腰屢射封豕箭不苟害解脰陷腦弓不虛發應聲而倒於是乎乘輿躡節徘徊翔往來脫部曲之進退覽將帥之變態然後浸淫促節儻遠去流離輕禽蹙履狡獸轉白鹿捷狡兔軼赤電遺光耀追怪物出宇宙鬱蕃弱滿白羽射游臯標飛遽

擇肉而後發。先中而命。處弦矢分。藝殪仆然。後揚節而上浮。凌風歷駭。乘虛無與。神俱闕。元鶴亂。昆雞道。孔鸞促。鷓鴣拂。鷲鳥梢。鳳皇捷。鶴擗焦明。道盡塗迴。車而還。招搖乎愼。伴降集乎北紘。率乎直指。睇乎反鄉。蹶石關。歷封轡。過鳩鵲。望露寒。下棠梨。息宜春。西馳宣曲。濯鷄牛首。登龍臺。掩細柳。觀士大夫之勤略。均獵者之所。得獲。徒車之所。驅轢。步騎之所。蹂若。人臣之所。蹈藉。與其。窮極。倦。洗驚。憚。豐伏。不被。劍刃。而死者。他。他。籍籍。填。阡。滿。谷。掩。平。彌。澤。於是。乎。游戲。懈怠。置酒。乎。頽。天之。臺。張樂。乎。塵。葛。之。寓。撞。千石。之。鐘。立。萬石。之。虞。建。翠華。之。旗。樹。靈。鼙。之。鼓。奏。陶。唐。氏。之。舞。聽。葛。天。氏。之。歌。千。人。倡。萬。人。和。山。陵。爲。之。震。動。川。谷。爲。之。蕩。波。巴。渝。宋。蔡。淮。南。于。遮。文。成。顛。歌。族。居。遞。奏。金。鼓。迭。起。鏗。鏘。闐。闐。給。洞。心。駭。耳。荆。吳。鄭。衛。之。聲。韶。濩。武。象。之。樂。陰。淫。繁。衍。之。音。鄙。野。繡。粉。激。楚。結。風。俳。優。侏。儒。狄。鞮。之。倡。所以。娛。耳。目。樂。心。意。者。麗。靡。爛。漫。於。前。靡。曼。美。色。於。後。若。夫。青。琴。宓。妃。之。徒。絕。殊。離。俗。妖。冶。嫵。都。靚。粧。刻。飾。便。嬛。綽。約。柔。撓。嫵。嫵。媚。媚。弱。曳。獨。幽。之。綸。被。睇。闔。易。以。卹。削。便。嫵。嬖。屑。與。俗。殊。服。芬。芳。溫。馨。醞。烈。淑。郁。皓。齒。粲。爛。宜。笑。的。皜。長。眉。連。娟。微。睇。綿。藐。色。授。魂。與。心。愉。於。側。於是。酒。中。樂。酣。天。子。芒。然。而。思。似。若。有。亡。曰。嗟。乎。此。太。奢。侈。朕。以。覽。聽。餘。閒。無。事。棄。日。順。天。道。以。殺。伐。時。休。息。於。此。恐。後。葉。靡。麗。遂。往。而。不。返。非。所。以。爲。繼。嗣。創。業。垂。統。也。於是。乎。乃。解。酒。罷。獵。而。命。有。司。曰。地。可。墾。闢。悉。爲。農。郊。以。贖。萌。隸。頹。牆。填。塹。使。山。澤。之。人。得。至。焉。實。陂。池。而。勿。禁。虎。宮。館。而。勿。勿。發。倉。廩。以。救。貧。窮。補。不。足。恤。鰥。寡。存。孤。獨。出。德。號。省。刑。罰。改。制。度。易。服。色。革。正。朔。與。天。下。爲。更。始。於是。麻。吉。日。以。齋。戒。襲。朝。服。乘。法。駕。建。華。旗。鳴。玉。鸞。游。于。六。藝。之。圃。馳。騫。乎。仁。義。之。塗。覽。觀。春。秋。之。林。射。鏗。首。兼。騶。虞。弋。元。鶴。舞。干。戚。載。雲。罕。掩。羣。雅。悲。伐。檀。樂。樂。胥。修。容。乎。禮。園。翱。翔。乎。書。圃。述。易。道。放。怪。獸。登。明。堂。坐。清。廟。次。羣。臣。奏。得。失。四。海。之。內。靡。不。受。獲。於。斯。之。時。天。下。大。悅。向。風。而。聽。隨。流。而。化。歸。然。興。道。而。遷。義。刑。錯。而。不。用。德。隆。於。三。王。而。功。羨。於。五。帝。若。此。故。獵。乃。可。喜。也。若。夫。終。日。馳。騁。勞。神。苦。形。罷。車。馬。之。用。抗。士。卒。之。精。費。府。庫。之。財。而。無。德。厚。之。恩。務。在。獨。樂。不。顧。衆。庶。忘。國。家。之。政。貪。雉。兔。之。獲。則。仁。者。不。由。也。從。此。觀。之。齊。楚。

之事豈不哀哉地方不過千里而囿居九百是草木不得墾闢而民無所食也夫以諸侯之細而樂萬乘之侈僕恐百姓被其尤也於是三子愀然改容超若自失逡巡避席曰鄙人固陋不知忌諱乃今日見教謹受命矣

辭賦類六
司馬長卿哀二世賦

登陂馳之長坂兮登入會宮之嵯峨臨曲江之鹽州兮望南山之參差巖巖深山之盤盤兮通谷豁乎鎗符涓滅報以永逝兮注平皋之廣衍觀衆樹之蒼鬱兮覽竹林之榛榛東馳土山兮北揭石瀨弭節容與兮歷弔二世持身不謹兮亡國失勢信讖不寤兮宗廟滅絕烏乎操行之不得慕蕪穢而不修兮魂亡歸而不食

司馬長卿大人賦

兼按此賦多取於遠游遠遊先訪求中國仙人之居乃上至天帝之宮又下周覽天地之間自於即載其間末六句與遠游語同然屬子愈在遠去世之沈濁故云至清而與太初爲鄰長卿則謂帝若果能爲德人即居此無間無見無友之地亦胡樂乎此邪與屬子語同而意別矣

世有大人兮在於中州宅彌萬里兮曾不足以少留悲世俗之迫隘兮竭輕舉而遠游垂絳幘之素纓兮載雲氣而上浮建格澤之長竿兮總光耀之采垂旒旬始以爲憺兮攄彗星而爲髻掉指橋以偃蹇兮又旂龍以招搖機槍以爲旌兮摩屈虹而爲綢紅杳渺以眩漭兮疾風涌而雲浮駕應龍象輿之螭略透麗兮驂赤鸞青虬之螭蟬蛭低仰天矯據以驕楚兮曲折隆窮蠷以連卷沛艾赴蜈蚣以怡僂兮放散畔岸驪以屏顏踣躑躅轄容以委麗兮綢繆懼蹇怵鼻以梁倚糾蓼叫稟蹋以履路兮葳蒙踊躍騰而狂趨泄瀉卉翁燦至電過兮渙然霧除霍然雲消邪絕少陽而登太陰兮與真人乎相求互折窈窕以右轉兮橫厲飛泉以正東悉徵靈囿而選之兮部乘衆神於瑤光使五帝先導兮反太一而從陵陽左元冥而右含靈兮前陸離而後攝溥斯征北僑而役羨門兮屬岐伯使尙方祝融驚而蹕御兮清氛氣而後行屯余車其萬乘兮絳雲蓋而樹華旗使句芒其將行兮吾欲往乎南嶽歷唐堯於崇山兮過虞舜於九疑紛淇淇其差錯矣維選膠葛以方馳騷擾衝從其相紛挐兮滂灑泱泱軋

以林離鑽羅列聚叢以蕭茸兮衍曼流爛壇以陸離徑入寤室之碎磷鬱律兮洞出鬼谷之岷嶓鬼礦徧覽八紘而觀四荒兮竭渡九江而越五河經營炎火而浮弱水兮杭絕浮渚而涉流沙奄息總極氾濫水嬉兮使靈媧鼓瑟而舞馮夷時若薜蘿將混濁兮召屏翳誅風伯而刑雨師西望崑崙之軋湧洸忽兮直徑馳乎三危排闥而入帝宮兮載玉女而與之歸舒閭風而搖集兮充烏騰而一止低回陰山翔以紆曲兮吾乃今日睹西王母儼然白首戴勝而穴處兮亦幸有三足鳥爲之使必長生若此而不死兮雖濟萬世不足以喜回車竭來兮絕道不周會食幽都呼吸抗灑淪朝霞兮唯咀芝英兮噉瓊華煥侵溥而高隴兮紛濤涌而上厲貫列缺之倒景兮涉豐隆之滂沛馳游道而修降兮驚遺霧而遠逝追區中之隘陝兮舒節出乎北垠遺屯騎於元關兮軼先驅於寒門下呼蝶而無地兮上寥廓而無天視眩眠而無見兮聽愴悅而無聞乘虛無而上假兮超無友而獨存

司馬長卿長門賦○○○

孝武皇帝陳皇后時得幸頗妒別在長門宮愁悶悲思聞蜀郡成都司馬相如天下工爲文奉黃金百斤爲相如文君取酒因于解愁之辭而相如爲文以悟主上皇后復得幸其辭曰夫何一佳人兮步逍遙以自虞魂踰伏而不返兮形枯槁而獨居言我朝往而暮來兮飲食樂而忘人心燥移而不省故兮交得意而相親伊予志之慢愚兮懷貞慙之歡心願賜問而自進兮得尙君之玉音奉虛言而望誠兮期城南之離宮修薄具而自設兮君曾不肯平幸臨席獨潛而專精兮天飄飄而疾風登蘭臺而遙望兮神悅悅而外淫浮雲鬱而四塞兮天窈窈而晝陰雷隱隱而響起兮聲象君之車音飄風迴而赴闔兮舉帷幄之襜褕桂樹交而相紛兮芳酷烈之閭闔孔雀集而相存兮元猿嘯而長吟翡翠脇翼而來萃兮鸞鳳飛而北南心憑噫而不舒兮邪氣壯而攻中下蘭臺而屈覽兮步從容於深宮正殿塊甚造天兮鬱並起而穹崇閉徙倚於東廂兮觀夫靡靡而無窮擠玉戶以撼金鋪兮聲增賦而似鐘音刻木蘭以爲榱兮飾文杏以爲梁羅丰茸之游樹兮離樓梧而相撐施瑰木之構榿兮委參差以

棟梁時髦。以物類兮。象積石之將。將五色炫以相曜兮。煥爛耀而成光。綴錯石之瓊璧兮。象璫璫之文章。張羅綺之幔帷兮。垂整組之連綱。撫桂楣以從容兮。覽曲臺之央央。白鶴噉以哀號兮。孤雌踣於枯楊。日黃昏而望絕兮。悵獨託於空堂。懸明月以自照兮。徂清夜於洞房。援雅琴以變調兮。奏愁思之不可長。案流徽以却轉兮。聲幼妙而復揚。貫歷覽其中操兮。意慷慨而自印。左右悲而垂淚兮。涕流離而從橫。舒息挹而增歎兮。踰履起而彷徨。揄長袂以自翳兮。數昔日之晷殃。無面目之可顯兮。遂頽思而就床。搏芬若以爲枕兮。席荃蘭而茵香。忽寢寐而夢想兮。魂若君之在旁。惕寤覺而無見兮。魂茫茫若有亡。衆雞鳴而愁予兮。起視月之精光。觀衆星之行列兮。畢露出於東方。望中庭之藹藹兮。若季秋之降霜。夜曼曼其若歲兮。懷鬱鬱其不可再。更澹偃蹇而待曙兮。荒亭亭而復明。妾人竊自悲兮。究年歲而不敢忘。

司馬長卿難蜀父老。

漢興七十有八載。德茂存乎六世。威武紛紜。湛恩汪濊。羣生霑濡。洋溢乎方外。於是乃命使西征。隨流而攬風之。所被罔不披靡。因朝冉從。馳定笮存。叩略斯榆。舉苞蒲。結軌還轅。東嚮將報。至於蜀都。耆老大夫。搢紳先生之徒。二十有七人。儼然造焉。辭畢。進曰。蓋聞天子之牧夷狄也。其義羈縻。勿絕而已。今疲三郡之士。通夜郎之途。三年於茲。而功不竟。士卒勞倦。萬民不贍。今又接之以西夷。百姓力屈。恐不能卒業。此亦使者之累也。竊爲左右患之。且夫邛笮西夷之與中國。並也。歷年茲多。不可記已。仁者不以德來。彊者不以力并。意者其殆不可乎。今割齊民以附夷狄。敝所恃以事無用。鄙人固陋。不識所謂。使者曰。烏謂此乎。必若所云。則是蜀不變服。而巴不化俗也。僕嘗惡聞若說。然斯事體大。固非觀者之所覲也。余之行急。其詳不可得聞。已請爲大夫粗陳其略。蓋世必有非常之人。然後有非常之事。有非常之事。然後有非常之功。夫非常者。固常人之所異也。故曰。非常之原。黎民懼焉。及臻厥成。天下晏如也。昔者洪水沸出。汜濫衍溢。民人升降。移徙崎嶇。而不安。夏后氏感之。乃堙洪塞。源決江。疏河

灑沈滄災東歸之於海而天下永寧當斯之勤豈唯民哉心煩於慮而身親其勞躬胝無腠膚不生毛故休烈顯乎無窮聲稱浹乎來茲且夫賢君之踐位也豈待委瑣囁齷拘文牽俗修誦習傳當世取說云爾哉必將崇論閎議創業垂統爲萬世規故馳騫乎兼容并包而勤思乎參天貳地且詩不云乎普天之下莫非王土率土之濱莫非王臣是以六合之內八方之外浸淫衍溢懷生之物有不沒潤於澤者賢君恥之今封疆之內冠帶之倫咸獲嘉祉靡有缺遺矣而夷狄殊俗之國遼絕異黨之域舟車不通人跡罕到政教未加流風猶微內之則犯義侵禮於邊境外之則邪行橫作放殺其上君臣易位尊卑失序父老不辜幼孤爲奴虜繫縲號泣內禱而怨曰蓋聞中國有至仁焉德洋恩普物靡不得其所今獨曷爲遣已舉踵思慕若枯旱之望雨鑿夫爲之垂涕況乎上聖又焉能已故北出師以討疆胡南馳使以諄勁越四面風德二方之君鱗集仰流願得受號者以億計故乃關沫若微辨荆鏤靈山梁孫原創道德之塗垂仁義之統將博恩廣施遠撫長駕使疏迷不閉芻爽闇昧得輝乎光明以偃甲兵於此而息討伐於彼遐邇一體中外禔福不亦康乎夫拯民於沈溺奉至尊之休德反衰世之陵夷繼周氏之絕業天子之亟務也百姓雖勞又惡可以已乎哉且夫王者固未嘗不始於憂勤而終於逸樂者也然則受命之符合在於此方將增太山之封加梁父之事鳴和鸞揚樂頌上咸五下登三觀者未親旨聽者未聞音猶鶴鵬已翔乎寥廓之宇而羅者猶視乎藪澤悲夫於是諸大夫茫然喪其所懷來失厥所以進喟然並稱曰允哉漢德此鄙人之所願聞也百姓雖勞請以身先之敝罔靡徙遷延而辭避

司馬長卿封禪文○

董鴻先生云封禪文相如劍爲之體兼賦頌其設意措辭皆翔躡虛無非如揚班之徒誕妄貢諛爲躡實之文也通體結構若無畔岸如雲興水溢一片渾茫駿逸之氣 觀揚班之作而後知相如文句句欲活

伊上古之初肇自吳穹之生民歷選列辟以迄於秦率邇者踵武迷聽者風聲紛綸威蕩澹滅而不稱者不可勝

數也繼昭夏崇號諡略可道者七十有二君罔若淑而不昌疇逆失而能存軒轅之前遐哉邈乎其詳不可得聞已五三六經載籍之傳維風可觀也書日元首明哉股肱良哉因斯以談君莫盛於唐堯臣莫賢於后稷后稷創業於唐堯公劉發跡於西戎文王改制爰周邇隆大行越成靈場先生云成即成玉也下云靈梁父登而後陵遲衰微千載亡聲豈不善始善終哉然無異端慎所由於前謹遺教於後耳故軌跡夷易易遵也洪恩龐鴻易豐也

憲度著明易則也垂統理順易繼也是以業隆於禋祿而崇觀於二后揆厥所元終都攸卒未有殊尤絕跡可考於今者也兼按此處文則狹小成王而夸漢實則謂古聖雖慎之道易道易繼今會之而更爲浩作則難以遠繼古聖所未爲而今欲過之可乎然猶歸梁父登太山建顯號施尊

名大漢之德逢湧原泉湧滿曼義旁魄四塞雲布霧散上暢九垓下泝八埏懷生之類孺儒浸潤協氣橫流伏節

疾逝邇陬游原遐闊泳沫首惡鬱沒晦昧昭晰昆蟲罔憚回首面內然後困騶虞之珍羣徵麋鹿之怪獸藁一羣

六穗於庖犧雙駘其抵之獸獲周餘放龜於岐招翠黃乘龍於沼鬼神接靈囿寶於閒館奇物譎詭傲僂窮變欽

哉符瑞臻茲猶以爲德薄不敢道封禪蓋周躍魚隕航休之以燎微夫斯之爲符也以登介邱不亦廼乎進讓之

道何其爽歟於是大司馬進曰陛下仁育羣生義征不譎諸夏樂貢百蠻執費德伴牲初功無與二休烈浹洽符

瑞衆變期應紹至不特創見意者泰山梁甫設壇場望幸靈場先生云師古曰蓋發語辭子謂當如考工記輪人爲蓋之蓋號以況榮上帝垂恩

儲祉將以慶成陛下謙讓而弗發也挈三神之歡缺王道之儀羣臣廼焉或謂且天爲賀靈場先生云則謂且且有且毛傳云且此也

關示珍符固不可辭若然辭之是泰山靡紀而梁父罔幾也亦各並時而榮咸濟厥世而屈說者尙何稱於後而

云七十二君哉夫修德以錫符奉命以行事不爲進越也故聖王不替而修禮地祇調歎天神勒功中嶽以章至

尊舒盛德發號榮受厚福以漫黎元皇皇哉斯事天下之壯觀王者之丕業不可貶也願陛下全之而後因難薦

紳先生之略術使獲曜日月之末光絕炎以展案錯事猶兼正列其義被飾厥文作春秋一藝將襲舊六爲七墟

之無窮俾萬世得激清流揚微波飛英騰賤實前聖所以永保鴻名而常爲稱首者用此宜命掌故悉奏其儀

而覽焉於是天子沛然改容曰俞乎朕其試哉乃遷思迴慮總公卿之議詢封禪之事詩大澤之博廣符瑞之富遂作頌曰自我天覆雲之油油甘露時雨厥壤可游滋液滲漉何生不育嘉穀六穗我穡曷蕃非唯雨之又潤澤之非唯徧之我汜布護之萬物熙熙懷而慕思名山顯位望君之來君乎君乎矣不邁哉殷殷之獸樂我君圖白質黑章其儀可嘉旼旼穆穆君子之熊蓋聞其聲今親其來厥塗靡從天瑞之徵茲亦於舜虞氏以興濯濯之麟游彼靈時孟冬十月君祖郊祀馳我君與帝用享社三代之前蓋未嘗有宛宛黃龍興德而升采色炫爛煥炳輝煌正陽顯見覺悟黎蒸於傳載之云受命所乘厥之有章不必諄諄依類託寓喻以封禪披藝觀之天人之際已交上下相發允蒼聖王之德競競翼翼故曰於興必慮衰安必思危是以湯武至尊嚴不失肅祇舜在假典顧省闕遺此之謂也

辭賦類七

揚子雲甘泉賦○○○

孝成帝時客有薦雄文似相如者上方郊祀甘泉泰時汾陰后土以求繼嗣召雄待詔承明之庭正月從上甘泉潭奏甘泉賦以風其辭曰惟漢十世將郊上元定泰時擁神休尊明號同符三皇錄功五帝卹胤錫美拓迹開統於是乃命羣僚歷吉日協靈辰星陳而天行詔招搖與太陰兮伏鉤陳使當兵屬堪輿以壁壘兮捐變越而挾猶狂八神奔而警蹕兮振殷轍而軍裝蚩尤之倫帶干將而秉玉威兮飛蒙茸而走陸梁齊總總以撐撐其相膠輻兮森駭雲迅奮以方攘駢羅列布鱗以雜沓兮傑僂參差魚頡而鳥俯翕赫習霍霧集而蒙合兮半散照爛燦以成章於是乘輿酒登夫鳳皇兮而翳華芝馴蒼麟兮六素虬螭略蕤綏濞摩穆繹帥爾陰閉霽然陽開騰清霄而軼浮景兮夫何旛旒邳偁之旆旒也流星旄以電燭兮咸翠蓋而鸞旗敦萬騎於中營兮方玉車之千乘聲駢隱以陸離兮輕先疾雷而馭遺風陵高衍之略嶮兮超紆譎之清澄登椽欒而飏天門兮馳閭闔而入淩兢是時未

轉夫甘泉也。迺望通天之繹繹。下陰潛以懷慮兮。上洪紛而相錯。直曉曉以造天兮。厥高慶而不可乎彌度。平原
唐其瓊曼兮。列新雉於林薄。橫并闔與萋萋兮。紛被麗其亡鄂。崇邱陵之駸駸兮。深澗欽巖而爲谷。遙離宮殿
以相燭兮。封巒石闕。進靡乎延屬。於是大廈雲譎。波詭摧唯而成觀。仰矯首以高視兮。目冥眴而無見。正瀏盭以
宏恂兮。指東西之漫漫。徒徊徊以復復兮。魂固眇眇而昏亂。據輪軒而周流兮。忽埃垓而無垠。翠玉樹之青蔥兮。
壁馬犀之騷。璠金人仡仡其承鐘。虞兮。愀巖巖其龍鱗。揚光曜之燎燭兮。垂景炎之斫斫。配帝居之縣圃兮。象太
乙之威神。洪臺岫其獨出兮。楨北極之嶙嶙。列宿迺施於上榮兮。日月纒經於棟。振雷鬱律於巖。麥兮。電儼忽於
牆。藩鬼魅不能自逮兮。半長途而下顛。歷倒景而絕飛梁兮。浮蠓蠓而撒天。左機槍而右元冥兮。前燂闕而後應
門。蔭西海與幽都兮。涌醴汨以生川。蛟龍連蜷於東厓兮。白虎敦圜乎崑崙。覽樛流於高光兮。溶方皇於西清。前
殿崔嵬兮。和氏玲瓏。抗浮柱之飛榱兮。神莫莫而扶傾。闔闔其窅廓兮。似紫宮之崢嶸。駢交錯而曼衍兮。曖曖
隗乎其相嬰。乘雲閣而上下兮。紛蒙籠以混成。曳紅采之流離兮。颺翠氣之宛延。襲瓊室與傾宮兮。若登高眇遠
亡國。肅乎臨淵。迴森肆其礪駭兮。玃桂椒而鬱移。揚香芬蕪以穹窿兮。擊薄蠹而將榮。薶跌肝以棍批兮。聲駢隴
而歷鐘。排玉戶而颺金鋪兮。發蘭蕙與芎藭。帷彌張其拂汨兮。稍暗暗而靚深。陰清溼穆羽相和兮。若夔牙之
調琴。般僇乘其劓剛兮。王爾投其鉤繩。雖方征僑與偃佺兮。猶彷彿其若夢。於是事變物化。目駭耳回。蓋天子穆
然。珍臺閒館。瓊題玉英。螭蛟護之中。惟夫所以澄心清魂。儲精垂恩。感動天地。逆釐三神者。迺搜求索。偶泉伊
之徒。冠倫魁能。函甘棠之惠。挾東征之意。相與齊乎陽靈之宮。靡靡蒸而爲席兮。折瓊枝以爲芳。喻清雲之流霞
兮。飲若木之露英。集乎禮神之囿。登乎頌祇之堂。建光耀之長旂兮。昭華覆之威威。攀瓊瑤而下視兮。行游目乎
三危。陳衆車於東航兮。肆玉軼而下馳。漂龍淵而還九垓兮。窺地底而上迴。風從從而扶轄兮。鸞鳳紛其銜。綈梁
弱水之漚濊兮。躡不周之透蛇。想西王母欣然而上壽兮。屏玉女而却宓妃。玉女亡所眺兮。宓妃曾不得

施其蛾眉方攬道德之精剛兮俾神明與之爲資於是欽柴宗祈燎薰皇天招搖太乙舉洪頤樹靈旗譙蒸昆上
配藜四施東燭滄海西燭流沙北燭幽都南燭丹崖元瓊醜醜相嚙泔淡脾豐融懿懿芬芬森感黃龍兮燦訛
碩麟選巫咸兮叫帝闈開天庭兮廷羣神復暗藹兮降清壇瑞穰穰兮委如山於是事畢功宏迴車而歸度三樹
兮偈棠梨天闈決兮地垠開八荒協兮萬國諧登長平兮雷鼓磻天聲起兮勇士厲雲飛揚兮雨滂沛于青德兮
麗萬世亂曰崇崇團丘隆隱天兮登降嶺施單蟻垣兮增宮參差駢嵯峨兮吟嚙嶙峋洞無厓兮上天之綵杳旭
卉兮聖皇穆穆信厥對兮徠祇郊禋神所依兮徘徊招搖靈遲追兮輝光眩燿降厥福兮子子孫孫長無極兮
揚子雲河東賦

伊年暮春將瘞后土禮靈祇謁汾陰於東郊因茲以勒崇垂鴻發祥贖社欽若神明者盛哉鑿乎越不可裁已於
是命羣臣齊法服整靈輿迺撫翠鳳之駕六先景之乘掉斧星之流旂彊天狼之威弧張耀日之元旄揚左纛被
雲梢奮電鞭騶雷輻鳴洪鐘建五旗羲和司日顏倫奉輿風發颺拂神騰鬼越千乘靈亂萬騎屈橋嘻嘻旭旭天
地稠嶷競邱跳鬱涌躍涇秦神下讐跣魂負沚河靈曼跼爪華蹈襄瓜諸兩切瓜瓜亦瓜也從反
瓜即持瓜之義不得謂即掌字也水經河水下鄆注引掌華蹈襄蓋以音近而相承失讀久矣
漢書作衰然郊祀志及史記封禪書並作襄山此文與靈馬叶韻故知作襄爲正衰形誤也遂臻陰宮穆穆肅肅
踴如也靈祇既鄉五位時敘網緼元黃將紹厥後於是靈典安步周流容與以覽乎介山嗟文公而惑推兮勤大
禹於龍門灑沈苗於豁濱兮播九河於東瀕登歷觀而遙望兮聊浮游以經營樂牲昔之遺風兮喜虞氏之所耕
畝帝唐之嵩高兮厭隆周之大寧汨低回而不能去兮行睨陔下與彭城濊南巢之坎珂兮易幽歧之夷平乘翠
龍而超河兮陟西岳之巉峭雲乘飛而來迎兮澤滲灘而下降鬱蕭條其幽藹兮濫汎沛以豐隆叱風伯於南北
兮呵雨師於西東參天地而獨立兮廓濛濛其亡雙遵逝乎歸來以函夏之大漢兮彼曾何足與比功建乾坤之
貞兆兮將悉總之以羣龍麗鈎芒與驂葍收兮服元冥及祝融敦衆神使式道兮奮六經以據頌臨於穆之緝熙

兮過清廟之離離軼五帝之遐迹兮躡三皇之高階既發軔於平盈兮誰謂路遠而不能從上林之末有游乎六藝
此文法之信行游爲喻言以天道爲車馬以六經
爲容行乎帝王之途何必巡歷山川以爲觀覽乎

揚子雲羽獵賦C羽獵漢書注家不甚詳惟語都虎被羽先升章昭注云羽鳥羽獵於背若今軍將負翬翬並

之設之以備死事東京賦辭注抑爲羽上麟麟如燕尾者也以在羽上故曰負翬詩外傳子路曰白羽如

月赤羽如朱然羽者則微幅耳以其似羽非眞鳥羽也賦內羽翬營營分殊事則其取相別識之義明矣

孝成帝時羽獵雄從以爲昔在二帝三王宮觀臺樹沼池苑園林薨藪澤財足以奉宗廟御賓客充庖廚而已不

奪百姓膏腴殺士桑柘之地女有餘布男有餘粟國家殷富上下交足故甘露零其庭醴泉流其唐鳳皇巢其樹

黃龍游其沼麒麟臻其囿神爵棲其林昔者禹任益虞而上下和草木茂成湯好田而天下用足文王囿百里民

以爲尙小齊宣王囿四十里民以爲太大裕民之與奪民也武帝廣開上林東南至宜春鼎湖御宿昆吾旁南山

西至長楊五柞北繞黃山濱渭而東周袤數百里穿昆明池象滇河營建章鳳闕神明厥娑漸臺太液象海水周

流方丈瀛洲蓬萊游觀侈靡窮妙極麗雖頗割其三垂以贖齊民然至羽獵甲車戎馬器械儲備禁籟所營尙泰

奢麗誇詡非堯舜成湯文武三驅之意也又恐後世復修前好不折中以泉臺故聊因校獵賦以風之其辭曰或

稱義農豈或帝王之彌文哉論者云否各亦並時而得宜奚必同條而共貫則泰山之封焉得七十而有一儀是

以創業垂統者俱不見其爽遐邇三五孰知其是非遂作頌曰麗哉神聖處於元宮富既與地乎侔貴正與天

乎比崇齊桓曾不足使扶轂楚嚴末足以爲駭乘狹三王之阨僻嗜高舉而大興歷五帝之寥廓涉三皇之登闕

建道德以爲師友仁義與之爲朋於是元冬季月天地隆烈萬物權輿於內殂落於外帝將惟田于靈之囿開北

垠受不周之制以終始顓頊元冥之統乃詔虞人典澤東延昆鄰西馳闔闔儲積共備戍卒夾道斬叢棘夷野草

禦自汧渭經營鄠鎬章皇周流出入日月天與地杳爾乃虎落三囿以爲司馬圍經百里而爲殿門外則正南極

海邪界虞淵瀉濼流茫碣以崇山營合圍會然後先置乎白楊之南昆明靈沼之東賁育之倫蒙盾負羽杖鏃邪

而羅者以萬計其餘荷垂天之軍張竟壘之景靡日月之朱竿曳靈星之飛旗青雲爲粉虹蜺爲纒屬之乎崑崙
之墟渙若天星之羅浩如濤水之波淫淫與與前後要遮機槍爲闔明月爲倏焚惑司命天弧發射鮮扁陸離
衍秘路微車輕武鴻綢繡殷殷軫軫被陵緣岬窮食極遠者相與迺乎高原之上羽騎營明分殊事縉粉往
來輻輳不絕若光若滅者布乎青林之下於是天子乃以陽鼂始出乎元宮撞鴻鐘建九旒六白虎載靈輿蚩尤
並轂蒙公先驅立歷天之旂曳指星之旂霹靂烈缺吐火施鞭萃催沈澹淋漓落戲八鎮而開闢並按將風時先已合闢天
子至乃復開闢飛廉雲師吸嘯瀟率鱗羅布列攢以龍翰秋秋踰踰入西園切神光望平樂徑竹林蹂躪園踐蘭
入之然後縱獵唐舉烽烈火轡者施技方馳千驅狡騎萬帥彪虎之陳從橫膠轉焱拉雷厲續駢磁洶洶旭旭天動地岌羨漫半
散蕭條數千里外若夫壯士慷慨殊鄉別趣東西南北騁嗜奔欲地蒼豨跋岸犖蹶浮靡斯巨獬搏元猿騰空虛
距連卷蹕天蟠埃澗門莫莫紛紛山谷爲之風森林叢爲之生塵及至獲夷之徒鑿松柏掌莢蕤獵蒙籠轉輕飛
屨殷首帶修地鈎赤豹握象犀躡巒阮超唐陵車騎雲會登降闔藹泰華爲旒熊耳爲綴木仆山還漫若天外儲
與乎大浦聊浪乎字內於是天清日晏逢蒙列暨鳩先生云易列其費列卽今裂字羿氏控弦皇車幽暢光純天地望舒彌響翼
乎徐至於上蘭移圍徙陳浸淫猷部曲隊堅重各案行伍壁壘天旋神扶電擊逢之則碎近之則破鳥不及飛獸
不得過軍驚師駭刮野掃地及至平車飛揚武騎聿皇蹈飛豹緇陽追天寶出一方應評聲擊流光野盡山窮
囊括其雌雄沈沈溶溶遙嗟乎絃中三軍茫然窮究開與覽觀夫剽禽之纏踰犀兕之抵觸熊羆之挾攫虎豹之
凌遠徒角槍題柱豎棘警怖魂亡魄失觸輻關脰妄發期中進退履獲劍淫輪夷邱累陵聚於是禽禪中衰相與
集於靖冥之館以臨珍池灌以岐梁溢以江河東瞰目盡西暢亡涯隨珠和氏焯爍其陂玉石巒崑眩耀青燐漢
女水潛怪物暗冥不可殫形元鸞孔雀翡翠垂榮王睢關關鴻雁嚶嚶羣娛乎其中唯唯昆鳴鳧鷖振鷺上下碎
礫聲若雷霆乃使文身之伎水格鱗蟲凌堅冰犯巖淵探巖排碣薄索蛟螭蹈積巖據龍鼉怯靈蠅入洞穴出蒼

梧乘鉞麟。鯨魚浮彭蠡。自有虞方椎夜光之流離。胡明月之胎珠。鞭洛水之宓妃。餉屈原與彭胥於茲乎。鴻生鉅儒。俄軒冕。雜衣裳。修唐典。匡雅頌。揖讓於前。昭光振耀。響忽如神。仁聲惠於北狄。武誼動於南隣。是以旃裘之王。胡貉之長。移珍來享。抗手稱臣。前入圍口。後陳廬山。羣公常伯。楊朱墨翟之徒。喟然並稱曰。崇哉乎德。雖有唐虞大夏成周之隆。何以侈茲夫古之覲東嶽。禪梁基舍此世也。其誰與哉。上猶謙讓而未俞也。方將上獵三靈之光。下決醴泉之滋。發黃龍之穴。窺鳳皇之巢。臨麒麟之園。幸神雀之林。奢雲夢侈孟諸。非章華是靈臺。早徂離宮而輟觀游。土事不飾。木功不彫。承民乎農。桑勸之以弗怠。儕男女使莫違。恐貧窮者不徧。被洋溢之饒。開禁苑散公儲。創道德之囿。宏仁惠之虞。馳弋乎神明之囿。覽觀乎羣臣之有亡。放雉兔。收豎罟。鹿芻蕘與百姓共之。蓋所以臻茲也。於是醇洪鬯之德。豐茂世之規。加勞三皇。勛勤五帝。不亦至乎。乃祇莊雍睦之徒。立君臣之節。崇賢聖之業。未遑苑囿之麗。游獵之靡也。因迴軫還衡。背阿房反未央。

揚子雲長楊賦○

此篇做難蜀父老

明年上將大誇胡人以多禽獸。秋命右扶風發民入南山。西自褒斜。東至宏農。南臨漢中。張羅網。豎罟捕熊羆。豕豬。虎豹。玃。獾。狐。兔。麋。鹿。載以檻車。輪長楊射熊館。以網爲周。陸縱禽獸。其中令胡人手搏之。自取其獲。上親臨觀焉。是時農民不得收斂。雄從至射熊館。還上長楊賦。聊因筆墨之成文章。故藉翰林以爲主人。子墨爲客卿。以諷其辭曰。子墨客卿問於翰林主人曰。蒸聞聖主之養民也。仁霑而恩洽。動不爲身。今年獵長楊。先命右扶風。左太華。而右褒斜。秣畿辭而爲弋紆。南山以爲罝羅。千乘於林莽。列萬騎於山隅。帥軍蹕陸。錫戎獲。胡撥熊羆。地豪豬。木擡槍。彘以爲儲胥。此天下之窮覽極觀也。雖然亦頗擾於農人。三旬有餘。其廬至矣。而功不圖。恐不識者外之。則以爲娛樂之游內之。則不以爲乾豆之事。豈爲民乎哉。且人君以元默爲神。澹泊爲德。今樂遠出以露威靈。數

搖動以罷車甲本非人主之急務蒙竊惑焉翰林主人曰吁客何謂茲邪若客所謂知其一未觀其二見其外不識其內也僕嘗倦談不能一二其詳請略舉其凡而客自覽其切焉客曰唯唯主人曰昔有彊秦封豕其士鬻獻其民擊齒之徒相與磨牙而爭之豪俊糜沸雲擾羣黎爲之不康於是上帝眷顧高祖高祖奉命順斗極運天關橫巨海漂崑崙提劍而叱之所過糜城擣邑下將降旗一日之戰不可殫記當此之勤頭蓬不暇梳饑不及餐糧整生蠱蝨介冑被雷汗以爲萬姓請命乎皇天迺展民之所屈振民之所乏規億載恢帝業七年之間而天下密如也逮至聖文隨風乘流方垂意於至寧躬服節儉緇衣不飾革鞜不穿大厦不居木器無文於是後宮賤瑇瑯而疏珠璣却翡翠之飾除雕琢之巧惡靡靡而不近斥芬芳而不御抑止絲竹宴衍之樂憎聞鄭衛幼眇之聲是以玉衡正而太階平也其後靈鸞作虐東夷橫畔羌戎睚眦閩越相亂遐氓爲之不安中國蒙被其難於是聖武勃怒爰整其旅乃命驃衛紛紜沸渭雲合電發焱騰波流機駭蓋軼疾如奔星擊如震霆碎轅轅破穹廬騰沙幕隨余吾遂躡乎王庭馘橐駝燒煩蠹分芻單于磔裂屬國夷阮谷拔鹵莽刊山石蹂屍輿斷係累老弱吮髓癯者金鏃淫夷者數十萬人皆稽顙樹額扶服蛾伏二十餘年矣尙不敢惕息夫天兵四臨幽都先加迴戈邪指南越相夷靡節西征羗燹東馳是以遐方疏俗殊隣絕黨之域自上仁所不化茂德所不綏莫不躡足抗首請獻厥珍使海內澹然永無邊城之災金革之患今朝廷純仁遵道顯義并包書林聖風雲靡英華沈浮洋溢八區普天所覆莫不沾濡士有不談王道者則樵夫笑之意者以爲事罔隆而不殺物靡盛而不虧故平不肆險安不忘危迺時以有年出兵整輿竦戎振師五柞習馬長楊簡力狡獸校武稟禽迺萃然登南山瞰烏弋西壓月窟東震日域又恐後代迷於一時之事常以此爲國家之大務淫荒田獵陵夷而不禦也是以車不安朝日未靡旂從者髣髴馮屬而還亦所以奉大尊之烈遵文武之度復三王之田反五帝之虞使農不輟耰工不下機婚姻以時男女莫違出凱弟行簡易矜劬勞休力役見百年存孤弱帥與之同苦樂然後陳鐘鼓之樂鳴鞀磬之和建碣磻之虞桔

隔鳴球掉八列之舞酌允鑠肴樂胥聽廟中之雍雍受神人之福祐歌投頌吹合雅其勤若此故真神之所勞也方將俟元符以禪梁父之基增泰山之高延光於將來比榮乎往號豈徒欲淫覽浮觀馳騁杭稻之地周流梨栗之林蹂踐芻蕘誇詡衆庶盛狄獲之收多麋鹿之獲哉且盲者不見咫尺而離婁燭千里之隅客徒愛胡人之獲我禽獸曾不知我亦已獲其王矣言未卒墨客降席再拜稽首曰大哉體乎允非小人之所能及也迺今日發矇廓然已昭矣

揚子雲解嘲

○前按此文前半以取爵位富貴爲說後半以有所建立於世成名爲說故范曄譚諧曹司侯警異若司馬長卿東方朔亦所以改名也今進不能建功退不能高譽又不肯失於放誕之行是不能與數子者並惟著書以成名耳 靈若氏賦所以狀其聲名之遠及說文引之並作靈漢書作靈古字通也說文巴蜀名山岸脅之旁著欲落者曰氏氏崩聲聞數百里而卑鄙又有賦曰秦謂陳版曰既然而此字作氏音承旨切或作既音丁禮切皆本說文義皆可通

薑塢先生云雄偉瑰麗後人於此不能復加恢奇矣

哀帝時丁傅董賢用事諸附離之者起家至二千石時雄芳草創太元有以自守泊如也人有嘲雄以元之尙白而雄解之號曰解嘲其辭曰客嘲揚子曰吾聞上世之士人綱人紀不生則已生必上尊人君下榮父母析人之珪儂人之爵儂人之符分人之祿紆青拖紫朱丹其轂今吾子幸得遭盛明之世處不諱之朝與羣賢同行歷金門上玉堂有日矣曾不能畫一奇出一策上說人主下談公卿目如耀星舌如電光一從一橫論者莫當顧默而作太元五千文枝葉扶蘇獨說數十餘萬言深者入黃泉高者出蒼天大者含元氣細者入無倫然而位不過侍郎擺纒給事黃門意者元得無尙白乎何爲官之拓落也揚子笑而應之曰客徒欲朱丹吾轂不知一跌將赤吾之族也往者周綱解結羣鹿爭逸離爲十二合爲六七四分五剖並爲戰國士無常君國無定臣得士者富失士者貧矯翼厲翮恣意所存故士或自盛以聚或鑿坏以遁是故鄒衍以頡頑而取世資孟軻雖連蹇猶爲萬乘師今大漢左東海右渠搜前番禺後陶塗東南一尉西北一侯徼以糾墨製以鑽鉄散以禮樂風以詩書曠以歲月

結以倚慮是以天下之士雷動雲合魚鱗雜襲咸營於八區家家自以爲稷契人人自以爲舉陶戴縱垂纓而談者皆擬於阿衡五尺童子羞比晏嬰與夷吾當途者升青雲失路者委溝渠日握權則爲卿相又失勢則爲匹夫譬若江湖之崖渤澥之島乘雁集不爲之多雙鳥飛不爲之少昔三仁去而殷墟二老歸而周熾子胥死而吳亡種蠶存而越霸五穀入而秦喜樂穀出而燕懼范雎以折摺而危穰侯蔡澤以噤吟而笑唐舉故當其有事也非蕭曹子房平勃樊霍則不能安當其無事也章句之徒相與坐而守之亦無所患故世亂則聖哲馳驅而不足世治則庸夫高枕而有餘夫上世之士或解縛而相或釋褐而傅或倚夷門而笑或橫江潭而漁或七十說而不遇或立談聞而封侯或枉千乘於陋巷或擁篲而先驅是以士頗得信其舌而奮其筆望隙蹈瑕而無所詘也當今縣令不請士郡守不迎師羣卿不揖客將相不俛眉言奇者見疑行殊者得辟是以欲談者卷舌而同聲欲步者擬足而投跡嚮使上世之士處乎世今策非甲科行非孝廉舉非方正獨可抗疏時道是非高得待詔下觸聞罷又安得青紫且吾聞之矣炎者滅隆者絕雷觀火爲盈爲實天收其聲地藏其熱高明之家鬼瞰其室攫擊者亡默默者存位極者高危自守者身全是故知元知默守道之極爰清爰靜游神之庭惟寂惟澗守德之宅世異事變人道不殊彼我易時未知何如今子乃以鴟梟而笑鳳皇執蠅艇而嘲龜龍不亦病乎子之笑我元之尙白吾亦笑子病甚不遇俞跗與扁鵲也悲夫客曰然則靡元無所成名乎范蔡以下何必元哉揚子曰范雎魏之亡命也折脇拉髓免於徽索脇肩踏背扶服入棗激叩萬乘之主介涇陽抵穰侯而代之當也蔡澤山東之匹夫也顛隨折頸涕唾流沫西掛彊秦之相揜其咽而亢其氣擁其背而奪其位時也天下已定金革已平都於洛陽嬰敬委輅脫輓掉三寸之舌建不拔之業舉中國徙之長安適也五帝垂典三王傳禮百世不易叔孫通起於枹鼓之間解甲投戈遂作君臣之儀得也呂刑靡敵秦法酷烈望漢權制而蕭何造律宜也故有造蕭何律於唐虞之世則諍矣有作叔孫通儀於夏殷之時則惑矣有建婁敬之策於成周之世則乖矣有談范蔡之說於金張許史

之間則狂矣夫蕭規曹隨雷侯畫策陳平出奇功若泰山響若砥礪雖其人之膽智哉亦會其時之可爲也故爲可爲於可爲之時則從爲不可爲於不可爲之時則凶若夫商生收功於章臺四皓采榮於南山公孫創業於金馬騾騎發跡於祁連司馬長卿竊貴於卓氏東方朔割名於細君僕誠不能與此數子並故默然獨守吾太元揚子雲解難

客難揚子曰凡著書者爲衆人之所好也美味期乎合口工聲調於比耳今吾子乃抗辭幽說闕意眇指獨馳騁於有亡之際而陶冶大鑪芻蕘羣生歷覽者茲年矣而殊不寤竄費精神於此而傾學者於彼譬畫者畫於無形絃者放於無聲殆不可乎揚子曰俞若夫閔言崇議幽微之途蓋難與覽者同也昔人有觀象於天視度於地察法於人者天麗且彌地普而深昔人之辭迺玉迺金彼豈好爲艱難哉勢不得已也獨不見夫翠虬絳螭之將登乎天必聳身於蒼梧之淵不階浮雲翼疾風虛舉而上升則不能楫膠葛騰九閔日月之經不千里則不能燭六合耀八紘秦山之高不離嶠則不能浮滄雲而散歛烝是以宓犧氏之作易也綿絡天地經以八卦文王附六爻孔子錯其象而彖其辭然後發天地之藏定萬物之基典謨之篇雅頌之聲不溫純深潤則不足以揚瀾烈而章緝熙蓋胥靡爲宰寂寞爲尸大味必淡大音必希大語叫叫大道低回是以聲之眇者不可同於衆人之耳形之美者不可混於世俗之目辭之衍者不可同於庸人之聽今夫絃者高張急徵迫趨逐者則坐者不期而附矣試爲之施咸池揄六莖發簫韶咏九成則莫有和也是故鍾期死伯牙絕絃鼓琴而不肯與衆鼓覆人亡則匠石斲斤而不敢妄斲師曠之調鐘竅知音者之在後也孔子作春秋幾君子之前睹也老聃有遺言貴知我者希此非其操歟

揚子雲反離騷

有周氏之蟬嫣兮或鼻祖於汾隅靈宗初謀伯僑兮流于末之揚矣淑周楚之豐烈兮超既離乎皇波因江潭而

澁記兮欽弔楚之湘纍惟天軌之不辟兮何純絜而離紛紛纍以其渙溷兮暗曇以其繽紛漢十世之陽朔兮招搖紀於周正正皇天之清則兮度后土之方貞圖纍承彼洪族兮又覽纍之昌辭帶詢矩而佩衡兮履機槍以爲綦纍初貯厥麗服兮何文肆而質繡資嫩娃之珍髻兮覽九戎而索賴鳳皇翔於蓬階兮豈駕鶴之能捷聘驛驅以曲躡兮馳騁遵蹇而齊足枳棘之榛榛兮緩鞿擬而不敢下靈修旣信椒蘭之暖佞兮吾纍忽焉而不蚤睹矜斐茄之綠衣兮被夫容之朱裳芳酷烈而莫聞兮固不如麝而幽之離房閨中容競淖約兮相感以麗佳知衆辨之嫉妒兮何必鬪纍之蛾眉謫神龍之淵潛兮埃塵雲而將舉亡春風之褻離兮孰焉知龍之所處懸吾纍之衆芬兮颺燻燻之芳苓遭季夏之凝霜兮慶天頽而喪榮橫江湖以南滂兮云走乎彼蒼吾馳江潭之汎溢兮將折衷乎重華舒中情之煩或兮恐重華之不纍與陵陽侯之素波兮豈吾纍之獨見許精瓊麗與秋菊兮將以延夫天年臨汨羅而自隕兮恐日薄於西山解扶桑之總轡兮縱令之遂奔馳鸞皇騰而不屬兮豈獨飛廉與雲師卷薜芷與若蕙兮臨湘淵而投之楸申椒與菌桂兮赴江湖而漏之費椒稱以要神兮又勤索彼瓊茅違靈氛而不從兮反淇身於江臬纍旣狃夫傳說兮奚不信而遂行徒恐鸚鵡之將鳴兮願先百草爲不芳初纍棄彼慮妃兮更思瑤臺之逸女羿雄鳩以作媒兮何百離而曾不壹耦乘雲蜺之綉旒兮望昆侖以樛流覽四荒而靡懷兮奚必云女彼高邱旣亡鸞車之幽藹兮焉駕八龍之委蛇臨江澗而掩涕兮何有九招與九歌夫聖哲之不遭兮因時命之所有雖增欵以於邑兮吾恐靈修之不纍改昔仲尼之去魯兮斐斐遲遲而周邁終回復於舊都兮何必湘淵與濤瀨潤漁父之備歡兮絜沐浴之振衣棄由聃之所珍兮躋彭咸之所遺

辭賦類八

班孟堅兩都賦○

蓋鳩先生云凡所舉典於建國之規皆得其要贖而不穢詳而有體卽班氏之史材也

或曰賦者古詩之流也昔成康沒而頌聲寢王澤竭而詩不作大漢初定日不暇給至於武宣之世乃崇禮官考文章內設金馬石渠之署外興樂府協律之事以典廢繼絕潤色鴻業是以衆庶說豫福應尤盛白麟赤雁芝房寶鼎之歌薦於郊廟神雀五鳳甘露黃龍之瑞以爲年紀故言語侍從之臣若司馬相如虞邱壽王東方朔枚臬王褒劉向之屬朝夕論思日月獻納而公卿大臣御史大夫兒寬太常孔臧大中大夫董仲舒按漢武帝前本有中官也中大大夫必中大夫之巨者故稱大也中大夫武帝後改爲光祿大夫其秩比二千石則董仲舒中大夫此是在官時其秩或中二千石或比二千石也其後大中大夫蓋不復內侍但國光祿勳其秩僅千石反小於光祿大夫矣此必宜昭以後之制百官表未詳言其升降但云秩千石則非公卿大臣而實生自大中大夫爲長沙傅亦何爲降躡乎此實非舊制據孟堅此序足知表之漏闕矣又仲舒傳但云爲中大夫不云爲大中大夫亦非是也宗正劉德太子太傅蕭望之等時時間作或以抒下情而通諷諭或以宣上德而盡忠孝雍容揄揚著於後嗣抑亦雅頌之亞也故孝成之世論而錄之蓋奏御者千有餘篇而後大漢之文章炳焉與三代同風且夫道有夷隆學有麤密因時而建德者不以遠近易則故臬陶歌虞奚斯頌魯同見采於孔氏列於詩書其義一也稽之上古則如彼考之漢室又如此斯事雖細然先臣之舊式國家之遺美不可缺也臣竊見海內清平朝廷無事京師修宮室浚城隍而起苑囿以備制度西土耆老咸懷怨思冀上之瞻顧而盛脩長安舊制有陋洛邑之議故臣作兩都賦以極衆人之所眩曜折以今之法度辭曰

有西都賓問於東都主人曰蓋聞皇漢之初經營也嘗有意乎都河洛矣輟而弗康實用西遷作我上都主人聞其故而覩其制乎主人曰未也願實據懷舊之蓄念發思古之幽情博我以皇道宏我以漢京賓曰唯唯漢之西都在於雍州實曰長安左據函谷二嶂之阻表以終南太華之山右界褒斜隴首之險帶以洪河涇渭之川衆流之隈沂涌其西華實之毛則九州之上腴焉防禦之阻則天地之隴區焉是故橫被六合三成帝畿周以龍興秦以虎視及至大漢受命而都之也仰悟東井之精俯協河圖之靈奉春建策留侯演成天人合應以發皇明乃眷西顧實惟作京於是晞秦嶺賊北阜挾澧灊據龍首圖皇基於億載度宏規而大起肇自高而終乎世增飾以崇

麗歷十二之延祚故窮泰而極修建金城之甌雉呀周池而成淵披三條之廣路立十二之通門內則街衢洞達
闔閭且千九市開場貨別隧分人不得顧車不得旋闔城溢郭旁流百廛紅塵四合烟雲相連於是旣庶且富娛
樂無疆都人士女殊異乎五方游士擬於公侯列肆侈於姬姜鄉曲豪舉游俠之雄節慕原嘗名亞春陵連交合
衆聘鷺乎其中若乃觀其四郊浮游近縣則南望杜霸北眺五陵名都對郭邑居相承英俊之域綬冕所興冠蓋
如雲七相五公與乎州郡之豪傑五都之貨殖三遷七遷充奉陵邑蓋以彊翰弱枝隆上都而觀萬國也封畿之
內厥土千里阜躍諸夏兼其所有其陽則崇山隱天幽林穹谷陸海珍藏藍田美玉商洛綠其隈鄠杜濱其足源
泉灌注陂池交屬竹林果園芳草甘木郊野之富號爲近蜀其陰則冠以九隴陪以甘泉乃有靈宮起乎其中秦
漢之所極觀澗雲之所頌歎於是乎存焉下有鄭白之沃衣食之源提封五萬疆場綺分溝塍刻鏤原隰龍麟決
渠降雨荷插成雲五穀垂穎桑麻鋪莖東郊則有通溝大漕潰滑洞河泛舟山東控引淮湖與海通波西郊則有
上囿禁苑林麓數澤陂池連乎屬漢繚以周牆四百餘里離宮別館三十六所神池靈沼往往而在其中乃有九
真之麟大宛之馬黃支之犀條枝之鳥踰崑崙越巨海殊方異類至於三萬里其宮室也體象乎天地經緯乎陰
陽據坤靈之正位放太紫之圓方樹中天之華關豐冠山之朱堂因瓊材而究奇抗應龍之虹梁列芬楹以布翼
荷棟桴而高驥雕玉嶺以居楹栽金壁以飾瓊發五色之渥彩光爛朗以景彰於是左城右平重軒三階閨房周
通門闔洞開列鐘處於中庭立金人於端闕仍增崖而衝闕臨峻路而啓扉徇以離宮別寢承以崇臺閒館煥若
列宿紫宮是環清涼宣溫神仙長年金華玉堂白虎麒麟區宇若茲不可殫論增盤崔嵬登降炤爛殊形詭制每
各異觀乘茵步輦惟所息宴後宮則有掖庭椒房后妃之室合歡增城安常虞寧葆若椒風披香羨越蘭林薰草
鷺鷥飛翔之列昭陽特盛隆於孝成屋不呈材牆不露形裏以藻繡絡以綸連隋矣明月錯落其間金釘銜璧是
爲列錢翡翠火齊流耀含英懸黎垂棘夜光在焉於是元埤釧砌玉階彤庭碾碾綵琳瑯青瑩珊瑚碧樹周阿

而生紅羅颯纒綺組繡粉精曜華燭俯仰如神後宮之號十有四位窈窕繁華更盛洪貴虞乎斯列者蒸以百數

左右庭中朝堂百寮之位蕭曹魏郗謀謨乎其上佐命則垂統輔翼則成化流大漢之愷悌蕩亡秦之毒螫故令

斯人揚樂和之聲辭按此用王制令王妻作中和樂職宣布一之歌功德著乎祖宗膏澤洽乎黎庶又有天祿

石渠典籍之府命夫惇誨故老名儒師傳講論乎六藝稽合乎同異又有承明金馬著作之庭大雅宏達於茲為

羣元元本本輝見洽開啓發篇章校理祕文周以鈞陳之位衛以嚴更之署總禮官之甲科羣百郡之廉孝辭按

符乃賦臣署儒林傳以博士弟子甲科為郎中故云總禮官之甲科也虎賁贅衣闈尹闈寺陸載百重各有典司周

其廉孝一途則若王吉京房俱以孝廉為郎是也郎選略盡於此二句

廡千列徹道綺錯輦路經營修除飛閣自未央生而連桂宮北彌明光而互長樂凌墜道而超西墀提建章而連

外屬設壁門之鳳闕上觚稜而棲金爵內則別風嶠曉眇麗巧而聳攏張千門而立萬戶順陰陽以開闔爾乃正

殿崔嵬層構厥高臨乎未央經馳盪而出馭娑洞粉詣以與天梁上反宇以蓋戴激日景而納光神明豐其特起

遂偃蹇而上躋軼雲雨於太半虹霓迴帶於芬楣雖輕迅與標狡猶愕眙而不能階攀井幹而未半目眴轉而意

迷捨櫺檻而卻倚若顛墜而復稽魂怳怳以失度巡迴塗而下低既懲懼於登望降周流以務復步甬道以縈紆

又杳嶺而不見陽排飛闕而上出若游目於天表似無依而洋洋前唐中而後太液覽滄海之湯湯揚波濤於碣

石渤神岳之巖巖濼瀛洲與方壺蓬萊起乎中央於是靈草冬榮神木叢生巖峻峭崿金石崢嶸抗仙掌以承露

濯雙立之金莖軼埃墜之混濁鮮顯氣之清英聘文成之不誕馳五利之所刑庶松喬之羣類時游從乎斯庭實

列仙之攸館非吾人之所嚮爾乃盛娛游之壯觀奮大武乎上囿因茲以威戎夸狄躍威靈而講武事命荊州使

起鳥詔梁野而驅獸毛羣內闈飛羽上覆接翼側足集禁林而屯聚水衡虞人修其營表種別羣分部曲有罽罃

綽連絃籠山絡野列卒周市星羅雲布於是乘鸞輿備法駕帥羣臣披飛廉入苑門遂繞鄠鄠歷上蘭六師發逐

百獸駭彈震震煥煥雷奔電激草木塗地山淵反覆踐躪其十二三乃拗怒而少息爾乃期門仗飛列刃鐵鑕要

跌追經鳥驚觸絲獸駭值鋒機不虛倚竝不再控矢不單殺中必疊雙龍麕紛紛相纏風毛雨血灑野蔽大平原赤勇士厲援狻失木豺狼懼竄爾乃移師趨險並蹈潛穢窮虎奔突狂兇觸獸許少施巧秦成力折倚標狻扼猛噉脫角挫匪徒搏獨殺挾師約控熊咆曳犀整頓象罷超洞壑越峻崖蹶嶄巖巨石頽松柏赴叢林摧草木無餘禽獸殄夷於是天子乃登屬王之館歷長楊之樹覽山川之體勢觀三軍之殺獲原野蕭條目極四裔禽相鎮壓獸相枕籍然後收禽會衆論功賜胙陳輕騎以行炮騰酒車以斟酌割鮮野食舉烽命醫饗賜畢勞逸齊大略鳴鑾容與徘徊集乎豫章之宇臨乎昆明之池左牽牛而右織女似雲漢之無涯茂樹蔭蔚芳草被隄蘭茝發色暝眊猗猗若摘錦與布繡燭燿乎其陂鳥則元鶴白鷺黃鸝鸚鵡鸕鶿鴈鵠鵠鳥鷺鷥雁朝發河海夕宿江漢沈浮往來雲集霧散於是後宮乘輅輅登龍舟張鳳蓋建華旗祛黼帷鏡清流靡微風澹浮權女謳鼓吹震聲激越營風天鳥羣翔魚窺淵招白鴈下雙鶴揄文竿出比目撫繡罽御燔繒方舟並鶖俛仰極樂遂乃風舉雲搖浮游博覽前乘秦嶺後越九巘東薄河華西涉岐雍宮館所歷百有餘區行所朝夕儲不改供禮上下而接山川究休佑之所用采游童之歡謠第從臣之嘉頌於斯之都都相望邑邑相屬國藉十世之基家承百年之業士食舊德之名氏農服先疇之畝兼按王嘉傳倉氏庫氏則倉庫東之後也又如淳漢書注律年二十三傳之疇官各從其父疇學之商循族世之所繫工用高宮之規矩粲乎隱隱各得其所若臣者徒觀述於舊墟聞之乎故老十分未得其一端故不能徧舉也

東都主人喟然而嘆曰痛乎風俗之移人也子實秦人矜夸館室保界河山信謙昭襄而知始皇矣烏觀大漢之云爲乎夫大漢之開元也奮布衣以登皇位由數期而創萬代蓋六籍所不能談前聖靡得而言焉當此之時攻有橫而當天討有逆而順民故婁敬度勢而獻其說蕭公權宜而拓其制時豈泰而安之哉計不得以已也吾子曾不是睹願曜後嗣之末造不亦暗乎今將語子以建武之治永平之事監於太清以變子之惑志往者王莽作逆漢祚中缺天人致誅六合相滅於時之亂生民幾亡鬼神混絕壑無完樞邪罔遺室原野厭人之肉川谷流人

之血秦項之灾猶不克半書契以來未之或紀故下人號而上訴上帝懷而降監乃致命乎聖皇於是聖皇乃握乾符開坤珍披皇圖稽帝文赫然發憤應若典雲靈擊昆陽憑怒雷震遂超大河跨北嶽立號高邑建都河洛紹百王之荒屯因造化之盪滌體元立制繼天而作系唐統接漢緒茂育羣生恢復疆宇動兼乎在昔事勤乎三五豈特方軌並跡紛綸后辟治近古之所務蹈一聖之險易云爾哉且夫建武之元天地革命四海之內更造夫婦肇有父子君臣初建人倫實始斯乃伏羲氏之所以基皇德也分州土立市朝作舟輿造器械斯乃軒轅氏之所以開帝功也龔行天罰應天順人斯乃湯武之所以昭王業也遷都改邑有殷宗中興之則焉卽土之中有周成隆平之制焉不階尺土一人之柄同符乎高祖克已復禮以奉終始允恭乎孝文憲章稽古封岱勒成儀炳乎世宗按六經而校德眇古昔而論功仁聖之事旣該而帝王之道備矣至於永平之際重熙而累洽盛三雍之上儀修袞龍之法服鋪鴻藻信景鑠揚世廟正予樂神人之相允洽羣臣之序旣肅乃動大輅遵皇衢省方巡狩窮覽萬國之有無考聲教之所被散皇明以燭幽然後增周舊修洛邑扇魏魏顯翼翼光漢京於諸夏總八方而爲之極是以皇城之內宮室光明闕庭神麗奢不可踰儉不能侈外則因原野以作苑壇流泉而爲沼發蘋藻以潛魚豐圃草以毓獸制同乎梁鄒誼合乎靈囿若乃順時節而蒐狩簡車徒以講武則必臨之以王制考之以風雅歷鷗虞覽駟鐵嘉車攻采吉日禮官整儀乘輿乃出於是發鯨魚鏗華鐘登玉輅乘時龍鳳蓋葦麗和鑾玲瓏天官景從寢威盛容山靈護野屬御方神雨師泛灑風伯清塵千乘雷起萬騎紛紜元戎竟野戈鋌雲羽旄埒霓旌旗拂天焱焱炎揚光飛文吐爛生風欲野歆山日月爲之奪明邱陵爲之搖震遂集乎中囿陳師按屯賦部曲列校隊勒三軍誓將帥然後舉烽伐鼓申令三驅輕車靈激驍騎電騫由基發射范氏施御豈不睨禽鸞不詭遇飛者未及翔走者未及去指顧儻忽獲車已實樂不極盤殺不盡物馬踈餘足士怒未溲先驅復路屬車按節於是薦三犧效五牲禮神祇懷百靈觀明堂臨辟雍揚緝熙宣皇風登靈臺考休徵俯仰乎乾坤參象乎聖躬目中

夏而布德瞰四裔而抗稷西邊河源東澹海潯北動幽崖南燿朱垠殊方別區界絕而不鄰不自孝武之所不征孝宣之所未臣莫不陸轡水慄奔走而來賓遂綏哀牢開永昌春王三朝會同漢京是日也天子受四海之圖籍膺萬國之貢珍內撫諸夏外綏百蠻爾乃盛禮興樂供帳置子雲龍之庭陳百寮而贊羣后究皇儀而展帝容於是庭實千品旨酒萬鍾列金疊班玉觴嘉珍御太牢饗爾乃食舉雍徹太師奏樂陳金石布絲竹鐘鼓鏗鉦管絃哇煜抗五聲極六律歌九功舞八佾韶武備泰古畢四夷間奏德廣所及僭佞兜離罔不具集萬樂備百禮暨皇歡泆羣臣醉降煙燼調元氣然後撞鐘告罷百寮遂退於是聖上觀萬方之歡娛又沐浴於齊澤懼其侈心之將萌而怠於東作乃申舊章下明詔令有司班憲度昭節儉示太素去後宮之麗飾損乘輿之服御抑工商之淫業興農桑之盛務遂令海內寒末而反本背僞而歸真女修織紉男務耕耘器用陶匏服尚素元恥纖靡而不服賤奇麗而弗珍捐金於山沈珠於淵於是百姓滌瑕盪穢而鏡至清形神寂寞耳目不營嗜欲之源滅靡恥之心生莫不優游而自得玉潤而金聲是以四海之內學校如林庠序盈門獻酬交錯俎豆莘莘下舞上歌蹈德詠仁登降飫宴之禮既畢因相與嗟嘆元德謙言宏說咸含和而吐氣頌曰盛哉乎斯世今論者但知誦虞夏之書誅殷周之詩講義文之易論孔氏之春秋罕能精古今之清濁究漢德之所由唯子頗識舊典以徒馳騁乎末流溫故知新已難而知德者鮮矣且夫僻界西戎險阻四塞修其防禦孰與處乎土中平夷洞達萬方輻湊秦嶺九嶷涇渭之川曷若四瀆五嶽帶河泝洛圖書之淵建章甘泉館御列仙孰與靈臺明堂統和天人太液昆明鳥獸之圃曷若辟雍海流道德之富游俠踰侈犯義侵禮孰與同履法度翼翼濟濟子徒習秦阿房之造天而不知京洛之有制誦函谷之可關而不知王者之無外主人之辭未終西都寶巖然失容逡降階慄然意下捧手欲辭主人曰復位今將授子五篇之詩賓既卒業乃稱曰美哉乎斯詩義正乎揚雄事實乎相如匪唯主人之好學蓋乃遭遇乎斯時小子狂簡不知所裁既聞正道請終身而誦之其辭曰

於昭明堂明堂孔陽聖祖宗祀穆穆煌煌上帝宴饗五位時序誰其配之世祖光武普天率土各以其職猗歟維
熙允懷多福

乃流辟雍辟雍湯湯聖皇洎止造舟爲梁嶧嶧國老乃父乃兄抑抑威儀孝友光明於赫太上示我漢行洪化唯
神永觀厥成

乃經靈臺靈臺既崇帝勤時登爰考休徵三光宣精五行布序習習祥風祈祈甘雨百穀粢粢庶草蕃廡屢豐
年於皇樂胥

嶽修貢兮川效珍吐金景兮漱浮雲寶鼎見兮色粉紘煥其炳兮被龍文登祖廟兮享聖神昭靈德兮彌億年
啓靈篇兮披瑞圖獲白雉兮效素烏嘉祥阜兮集皇都發皓羽兮奮翹英容潔朗兮於淳精彰皇德兮侔周成永
延長兮膺天慶

傅武仲舞賦

楚襄王既游雲夢使宋玉賦高唐之事將置酒宴飲謂宋玉曰寡人欲觴羣臣何以娛之玉曰臣聞歌以詠言舞
以盡意是以論其詩不如聽其聲聽其聲不如察其形激楚結風陽阿之舞材人之窮觀天下之至妙噫可以進
乎王曰其如鄭何玉曰小大殊用鄭雅異宜弛張之度聖哲所施是又樂記于戚之容雅美蹲踞之舞禮設三爵
之制頌有醉歸之歌夫咸池六英所又陳清廟協神人也鄭衛之樂所以娛密坐接歡欣也餘日怡蕩非以風民
也其何害哉王曰試爲寡人賦之玉曰唯唯夫何皎皎之閒夜兮明月爛以施光朱火晷其延起兮耀華屋而燦
洞房黼帳祛而結組兮鋪首炳以焜煌陳茵席而設坐兮溢金罍而列玉觴騰觴爵之斟酌兮漫既醉其樂康
頤和而怡懌兮幽情形而外揚文人不能懷其藻兮武毅不能隱其剛簡惰跳躑般紛擊兮淵塞沈蕩改恒常兮
於是鄭女出進二八徐侍妓服溼麗媠致態貌嫵妙以妖蟲兮紅顏暎其揚華眉連娟以增繞兮目流睇而橫

波珠翠的饒而招爐兮華袿飛翬而雜繡羅形影自整裝順微風揮若芳動朱層紆清陽亢音高歌爲樂之方
歌曰據予意以宏觀兮繹精靈之所束弛緊急之絃張兮慢末事之軌曲舒恢莫之廣度兮闊細體之苛縉嘉闢
睢之不淫兮哀蟋蟀之局促啓泰貞之否隔兮超遺物而度俗揚激徵鵬清角贊舞操奏均曲形態和神意協從
容得志不劫於是飄節鼓陳舒意自廣游心無垠遠思長想其始興也若俯若仰若來若往雍容惆悵不可爲象
其少進也若鞠若行若疎若傾兀動赴度指顧應聲羅衣從風長袂交橫駱駝飛散颯沓合并飄飄燕居拉搢鶴
鷺綽約閒靡機迅體輕姿絕倫之妙態變懸素之潔清修儀操以顯志兮獨馳思乎杳冥在山峨峨在水湯湯與
志遷化容不虛生明詩表指噴息激昂氣若浮雲志若秋霜觀者增嘆諸工莫當於是合場遞進案次而俟埒材
角妙夸客乃理軼態橫出現姿譎起眇般鼓則騰清眸吐哇咬則發皓齒搖齊行列經營切僂髻髻神動迴翔踈
時擊不致策蹈不頓趾翼爾愆往闈復轍已及至回身還人迫於急節浮騰累踴躡摩跌紆形赴遠灌似摧折
纖縠蛾飛紛森若絕超趨鳥集縱弛殛殛蛟蛇媿雲轉颺習體如游龍袞如素蜺黎收而拜曲度究畢遷延微
笑退復次列觀者稱麗莫不怡悅於是歡洽宴夜命遺諸客擾攘就駕僕夫正策車騎並狎籠嵒逼迫良駿逸足
搶捍凌越龍驤橫舉揚鏤飛沫馬材不同各相傾奪或有踰埃赴轍駭電滅蹠地遠羣圍跳獨絕或有宛足鬱
怒般桓不發後徃先至遂爲逐末或有矜容愛儀洋洋習習遲速承意控御緩急車音若雷騫驥相及駱漠而歸
雲散城邑天王燕胥樂而不泯娛神遺老永年之術優哉游哉聊以永日

辭賦類九

張平子二京賦○○○

竊按西京雄麗欲掩孟堅東京則氣不足舉其辭不若東都之簡當惟末章諷戒擊切處爲勝

有憑虛公子者心參體怙雅好博古學乎舊史氏是以多識前代之載言於安處先生曰夫人在陽時則舒在陰

時則慘此牽乎天者也。處沃土則逸，處瘠土則勞。此繫乎地者也。慘則勤於歡勞，則福於惠能違之者寡矣。小必有之大，亦宜然。故帝者因天地以致化兆民，承上教以成俗化俗之本，有與推移，何以覈諸秦據雍而疆周，卽豫而弱高祖都西而秦光武處東而約政之興衰常由此作。先生獨不見西京之事，歎請爲吾子陳之。漢氏初都在渭之陰，秦里其朔實爲咸陽。左有嶺函重險，桃林之塞，綴以二華巨靈，轟鳳高掌，遠蹕以流河曲，厥跡猶存。右有隴坻之隘，隔關華戎，岐梁汧雍，陳寶鳴雞在焉。於前則終南太一，隆嶺崔崒，隱鱗鱗律連岡，乎蟠冢抱杜含鄠，欲漚吐鏹，爰有藍田珍玉，是之自出。於後則高陵平原，據渭踞涇，澶漫靡迤，作鎮於近。其遠則有九曜甘泉，涸陰沍寒，日北至而含凍，此焉消暑，爾乃廣衍沃野，厥田上上，實爲地之奧區。神皋昔者大帝悅秦繆公而觀之，饜以鈞天，廣樂帝有醉焉，乃爲金策錫用此土而剪諸鵜首是時也。並爲盟國者有六，然而四海同宅，西秦豈不詭哉。自我高祖之始入也，五緯相汁以旅於東，井婁敬委，略幹非其議，天啓其心，人基其謀，及帝圖時，意亦有慮乎神祇，宜其可定以爲天色。豈伊不虔思於天，衛豈伊不懷歸於枌榆，天命不滔，疇敢以渝，於是量徑輪考，廣委經城，洳營郭郭取殊，載於八都，豈啓度於往，舊爾乃覽秦制，跨周法，狹百堵之側，陋增九筵之迫，脇正繁宮於未央，表曉關於闔闔，跋龍首以抗殿，狀鬼峨以岌嶮，互雄虹之長梁，結棼縠以相接，帶倒茄於藻井，披紅葩之狎獵，飾華棖與璧瑤，流景曜之鞞，睇雕楹玉砌，繡栢雲楣，三階重軒，鏤檻文槐，右平左城，青瑣丹墀，刊層平堂，設砌屋，隴坻，嶠嶠，胸機，鸞嶼，嶮巖，襄岸，夷塗，修路，峻險，重門，夔固，姦宄，是防，仰福帝居，陽曜陰職，洪鐘鈞猛，虓虓，鱗鱗，負筇，業而餘怒，乃奮翅而騰，驥朝堂，承東溫，調延北，西有玉臺，聯以昆德，嵯峨，嶢嶢，罔識所則，若夫長年神仙，宣室玉堂，麒麟朱雀，龍興含章，譬衆星之環極，叛赫戲以輝煌，正殿路寢。

按路寢謂長樂宮正殿其殿名大夏董仲舒傳用朝寢注引三輔舊事云漢置銅人長樂宮大殿殿前

辟大廈耽耽九戶開闢嘉木樹庭芳草如積高門有閔列坐金狄內有常侍謁者

常侍與謁者皆士人息夫躬傳有中常侍宋宏董賢傳有中常侍

侍王閔李善注闕闕官誤矣中常侍後漢之制耳謁者後漢選孝廉爲之前漢無定制其寺人之謁者則若高后奉祀中謁者張釋顯是也然漢製亦拜爲中謁者則士人爲常侍謁者並可加中字顧監謂加中字爲闕亦非也

命常御外有蘭臺金馬邁宿迭居次有天祿石渠校文之虛重以虎威章溝嚴更之署徹道外周千廬內附衛尉
八屯警夜巡畫植靈懸厭用戒不虞後宮則昭陽飛翔增成合譚蘭林披香鳳皇鸞翠窈窕之華麗嘆內顧之
所觀故其縮室次第采飾織綺裊以藻繡文以朱絲翡翠火齊絡以美玉流懸黎之夜光綴隨珠以爲燭金用玉
階彤庭輝輝珊瑚琳珉瑤彬珍物羅生煥若崑崙雖厥裁之不廣侈靡踰乎至尊於是鈞陳之外闔道穹隆
屬長樂與明光徑北通於桂宮命般爾之巧匠盡變態乎其中於是後宮不移樂不徙懸門衛供帳官以物辦恣
意所幸下輦成燕窮年忘歸猶弗能徧現異日新製所未見以上賦城內宮殿以下賦城外離宮
獨舉甘泉建章者以帝常居此也惟帝王之神麗
懼尊卑之不殊雖斯宇之既坦心猶憑而未據思比象於紫微恨阿房之不可廬願往昔之遺館獲林光於秦餘
處甘泉而爽塏乃隆崇而宏敷既新作於迎風增露寒與儲胥託喬基於山岡直帶寬以高居通天眇以疎時徑
百常而莖擢上辯華以交紛下刻隨其若削翔翬仰而弗逮况青鳥與黃雀伏檻檻而頻聽聞雷霆之相激栢梁
既災越巫陳方建章是經用厭火祥營宇之制事兼未央闕闕竦以造天若雙碣之相望鳳窳竄於靈樞咸邇風
而欲翔圖之內別風雌曉何工巧之瑰璋交綺豁以疏寮干雲邁而上達狀亭亭以岩岩神明明囑其特起井幹
疊而百增踔游極於浮柱結重欒以相承累層橫而遂躋望北辰而高興消雲埃於中宸集重陽之清激殿宛虹
之長鬢察雲師之所憑上飛闕而仰眺正觀瑤光與玉繩將乍往而未半怵悼慄而聳兢非都盧之輕趨孰能超
而究升馭裝胎盪濂累桔桮楸詣承光暎暎摩谿增枰重禁鐔鐔列列反宇業業飛檣轆轤流景內照引曜日月
天梁之宮實開高闕旗不脫局結網方斷樑幅輕容於一扉長廊廣廡連閣雲臺閉庭詭異門千戶萬重閭幽
闔轉相踰延望齊窳以徑廷眇不知其所返既乃珍壘塞產以極壯擗道遷倚以正東似閭風之迴坂橫西漚而
絕金墉城尉不弛柝而內外滑通前開唐中瀾望廣濶臨臨太液滄池漉沈漸臺立於中央赫眇眇以宏敞清淵
洋洋神山峨峨列瀛洲與方丈夾蓬萊而駢羅上林岑以鬪巖下嶽巖以嵩巖長風激於別隱起洪濤而揚波漫

石菌於重涯濯靈芝以朱柯海若游於元渚鯨魚失流而蹉跎於是采少君之端信庶燮大之貞固立修莖之仙
掌承雲表之清露屑瓊藥以朝餐必性命之可度美往昔之松喬要羨門乎天路想升龍於鼎湖豈時俗之足慕
若歷世而長存何遽營乎陵墓徒觀其城郭之制以下城則芟開三門參塗夷庭方軌十二街衢相經塵里端直

臺宇齊平北闕甲第當道直啓程巧致功期不地陵木衣錦錦土被朱紫武庫禁兵設在蘭綺匪石匪董疇能宅

此爾乃廓開九市通園帶開旗亭五重俯察百隧周制大胥今也惟尉璫貨方至鳥集麟萃覽者兼贏求者不賈

爾乃商賈百族裨販夫婦鬻良難苦蚩眩邊鄙何必昏於作勞邪贏優而足恃彼肆人之男女麗美奢乎許史若

夫翁伯濁質張里之家擊鐘鼎食連騎相過東京公侯壯何能加都邑游俠張趙之倫齊志無忌擬跡田文經死

重氣結黨連羣實蕃有徒其從如雲茂陵之原陽陵之朱籬悍憍豁如虎如狐匪眦囊芥屍僵路隅丞相欲以贖

子罪陽石汚而公孫誅若其五縣游屬辯論之士街談巷議彈射臧否剖析豪釐劈肌分理所好生毛羽所惡成

劍疇郊甸之內鄉邑殷賑五都貨殖既遷既引商旅聯榻隱隱展展冠帶交錯方輟接軫封畿千里統以京尹郡

國宮館以下補敘諸百四十五右極盤屋并卷鄧鄂左暨河華遂至虢土善注右扶風有虢國非是此當引地志安

上林禁苑誇谷彌阜東至鼎湖斜界細柳掩長楊而聯五柞繞黃山而款牛首繚垣綿聯四百餘里植物斯生動

物斯止衆鳥翩翻羣獸駘駘散似驚波聚似京峙伯益不能名隸首不能紀林麓之饒于何不有本則樅栝櫻楠

梓械楓楓嘉卉灌叢蔚若鄂林鬱叢菱葑葑橫爽穰穰吐葩鬪榮布葉垂陰草則葳蕤蒼菅薊薇蕨荔莞王薊齒臺戎

葵懷羊莽登蓬茸彌阜被岡篠蕩敷衍編町成篁山谷原隰夾滂無疆迺有昆明靈沼黑水元趾周以金堤樹以

柳杞豫章珍館揭焉中峙牽牛立其左織女處其右日月於是乎出入象扶桑與濛汜其中則有鼉鼉巨鼉鱣鯉

鱣鯢鮪鮓鮓修額短項大口折鼻詭類殊種鳥則鸕鶿鷓鴣鴛鴦鴻雁上春候來季秋就溫南翔衡陽北棲雁

門奮隼歸鳧沸卉駢旬衆形殊聲不可勝論於是孟冬作陰以下寒風蕭殺雨雪飄飄冰霜慘烈百卉具零剛過

田

搏擊爾乃振天維衍地絡蕩川瀆簸林薄鳥畢駭獸咸作草伏木棲寓居穴託起彼集此霍繹粉泊在彼靈囿之

中前後無有堪謬虞人掌焉為之營域焚萊平場柞木翦棘結置百里迤杜蹊塞野鹿鬣騶田區仄天子乃駕

雕軫六駿駭戴翠帽倚金鞍塔弁玉纓注弁馬冠也解按馬冠自名鏡耳左傳子玉自為遣光僮煇建元弋樹招

搖何義門改弋為戈云史記杓頭有兩星一內為矛招搖一外為盾天樓鳴鳶曳雲梢弧旌枉矢虹旂蜿旆華蓋承

辰天畢前驅千乘雷動萬騎龍趨屬車之適載獠獠獠匪惟玩好迺有祕書小說九百本自虞初從容之求實俟

實儲於是蚩尤秉越奮鬣被般禁禦不若以知神姦魑魅魍魎莫能逢旂兼按此六句謂旆頭陳虎旅於飛廉正壘壁平上蘭

結部曲整行伍燎京薪賊雷鼓縱獵徒赴長莽烈卒清候武士赫怒緹衣韎輪睚眦跋扈光炎燭天塵囂聲振海

浦河渭為之波盪吳嶽為之阨堵百禽懷遠駭瞿奔觸喪精亡魂失歸忘趨投輪關輻不逃自過飛旱浦削流鏑

擗操矢不虛舍鏖不苟躍當足見踴值輪被轢僣禽斃獸爛若磧礫但觀置羅之所羈結竿笈之所捏畢又蒞之

所掩捕徒搏之所據搃白日未及移晷已獮其什七八若夫游鷗高壘絕阮踰斥鴳兔聯獐陵摯超壑比諸東郭

莫之能獲乃有迅羽輕足尋景追括鳥不暇舉獸不得發青骸擊於鞬下韓盧噬於練末及其猛殺鑿鑿矚目高

眶威儼兕虎莫之敢仇乃使中黃之士育獲之儔朱鬣鬣髮植髮如竿袒裼戟手奎躡盤桓鼻赤象圈巨獮捷獠

猶批竄搜措根落突棘落梗林為之靡拉模殼為之摧殘輕銳便狡趨捷之徒赴洞穴探封狐陵重囓獵昆隄杪

木末獲獮獠超殊榛搆飛颺是時後宮嬖人昭儀之倫常亞於乘輿慕賈氏之如巢樂北風之同車盤於游畋其

樂只且於是鳥獸彈目觀窮遷延邪睨集乎長楊之宮息行夫展車馬收禽舉爵數課眾寡置互攝牲頌賜獲鹵

割鮮野饗犒勳賞功五軍六師千列百重酒車酌醴方駕授籟升舉燧既騰鳴鐘膳夫馳駘察貳廉空炙炮夥清

酷發皇恩潭洪德施徒御悅士忘罷巾車命駕廻旆右移以下相羊乎五柞之館旋憩乎昆明之池登豫章簡矧

紅蒲且發弋高鴻挂白鶴聯飛龍確不特絳往必加雙於是命舟牧為水嬉浮鷁首翳雲芝垂翟葆建羽旗齊棹

古文辭類纂 卷十四

女縱權歌發引和校鳴葭奏淮南度陽阿感河馮懷湘娥驚蠅蠅悍蛟蛇然後釣魴鱧鱖鯢鯨紫貝搏者龜搯

水豹鬪潛牛澤虞是濫何有春秋適溲溲搜川濱布九罭設罟罾擗鯢鱣珍水族蘊藕拔蜃蛤剝逞欲斂效獲

廢襲摠蓼泮浪乾池滌敷上無逸飛下無遺走獲胎拾卵蜺蛛盡取取樂今日遑恤我後既定且甯焉知傾地以下

陳百大駕幸乎平樂之館張甲乙而襲翠被攢珍寶之玩好紛瑰麗以參靡臨迴望之廣場程角觚之妙戲鳥獲

扛鼎都盧尋檜衝狹鬢濯胸突銛鋒跳丸劍之揮霍走上而相逢華嶽峨峨圓榘參差神木靈草朱實離離總

會仙倡戲豹舞獸白虎鼓瑟蒼龍吹箴女娥坐而長歌聲清暢而鱗蛇洪涯立而指麾被毛羽之襪履度曲未終

雲起雪飛初若飄颻後遂霏霏陸重開轉石成雷礪礪激而增響磅礫象乎天威巨獸百尋是爲蔓延神山崔

嶺欵從背見熊虎升而翠擢撥攷招而高援怪獸陸梁大雀跋跋白象行孕垂鼻犇海鱗變而成龍狀踠踠以

娼媼舍利麗化爲仙車驅駕四鹿芝蓋九葩蟾蜍與龜水人弄蛇奇幻倏忽易貌分形吞刀吐火雲霧杳冥畫

地成川流涓通涇東海黃公赤刀粵祝翼厭白虎卒不能救挾邪作蠱於是不售爾乃建戲車樹修旃僂僂材

上下翻翻突倒投而跟挂鬢殞絕而復聯百馬同轡躡足並馳擡末之技態不可彌鬻弓射乎西羌又願發乎鮮

卑於是衆變盡心醒醉以下燕盤樂極悵懷率陰戒期門微行要屈降尊就卑懷璽藏絳便旋閭闔周觀郊遂若

神詭之變化彰后皇之爲貴然後歷掖庭適驢縮衰色從嬋婉促中堂之隱坐羽鷹行而無算祕舞更奏妙材

騁伎妖豔豔夫夏姬美聲暢於虞氏始徐進而羸形似不任乎羅綺嚼清商而却轉增媚娟以趾豸粉縱體而迅

赴若驚鶴之羣罷振朱屣於盤樽奮長襖之颯颯要紹修態麗服服菁路藐流盼一顧傾城展季桑門誰能不營

列爵十四競媚取榮盛衰無常惟愛所丁衛后興於鬢髮飛燕寵於體輕爾乃逞志究欲窮身極娛鑿戒唐詩他

人是媼自君作故何禮之拘增昭儀於婕妤賢既公而有疾許趙氏以無上恩致董於有虞王閔爭於坐側漢載

安而不渝高祖創業繼體承基暫勞永逸無爲而治耽樂是從何慮何思多歷年所二百餘期徒以地沃野豐百

物殷早巖險周固襟帶易守得之者彊據之者久流長則難竭祗深則難朽故者秦肆情而髣烈彌茂鄙生乎三百之外傳聞於未聞之者曾髣髴其若夢未一隅之能觀此何與於股人屢遷前八而後五居相圯耿不常厥士盤庚作誥帥人以苦方今聖上同天號於帝皇掩四海而爲家富有之業莫我大也徒恨不能以靡靡爲國華獨儉嗇以齷齪忘蠅蟀之謂何豈欲之而不能將能之而不欲歟蒙竊惑焉願聞所以辨之之說也

安處先生於是似不能言者憮然有間乃莞爾而笑曰若客所謂末學膚受貴耳而賤目者也苟有胸而無心不能節之以禮宜其陋今而榮古矣由余以西戎孤臣而惺惺公於宮室如之何其以溫故知新研覈是非近於此惑也周姬之末不能厥政政用多僻始於宮鄰卒於金虎羸氏搏翼擇肉西邑是時也七雄並爭競相高以奢麗楚築章華於前趙建叢臺於後秦政利嗜長距終得擅場思專其侈以莫已若乃搆阿房起甘泉結雲閣冠南山征稅盡人力殫然後收以大半之賦威以參夷之刑其過民也若薙氏之芟草旣蘊崇之又行火焉懷燥黔首豈徒踰高天踳厚地而已哉乃救死於其頸毆以就役唯力是視百姓不能忍是用息肩於大漢而欣戴高祖高祖膺籙受圖順天行誅杖朱旗而建大號所推必亡所存必固掃項軍於垓下繯子嬰於軹塗因秦宮室據其府庫作洛之制我則未暇是以西匠營宮且甃阿房規摹踰盜不度不憾損之又損然尙過於周堂觀者狹而謂之陋帝已譏其泰而弗康且高既受命建家造我區夏矣文又躬自菲薄治致升平之德武有大啓土宇紀禪肅然之功宣重威以撫和戎狄呼韓來享咸用紀宗存主西漢本以高帝爲太祖文帝爲太宗武帝爲世宗及光武建武十九年又尊宣帝曰中宗故並日記宗存主嬰祀不輟銘勳彝器歷世彌光今捨純懿而論爽德以春秋所諱而爲美談宜無嫌於牲初故蔽善而揚惡祇吾子之不知言也必以肆奢爲賢則是黃帝合宮有虞總期固不如夏癸之瑤臺殿辛之瓊室也湯武誰革而用師哉盍亦覽東京之事以自瘡乎且夫天子有道守在海外守位以仁不恃險害苟民志之不諒何云巖險與襟帶秦負阻於二關卒開項而受沛彼偏據而規小豈如宅中而圖大昔先王之經邑也掩觀九隍靡地不營土圭測景不縮

不盈總風雨之所交然後以建王城審曲面勢泝洛背河左伊右瀍四阻九阿東門于旋盟津達其後大谷通其

前迴行道乎伊闕邪徑捷乎轅轅太室作鎮揭以燕耳底柱駸流鐔以大岷溫液湯泉黑丹石繡王鮪岫居能隨

三趾處妃倣館神用挺紀龍圖授義龜書畀似召伯相宅卜惟洛食周公初基其繡則直萇宏魏舒是廓是極經

途九軌城隅九雉度堂以筵度室以几京邑翼翼四方所視漢初弗之宅也故宗緒中圮巨猾間疊竊弄神啓歷

載三六偷安天位於時蒸民罔敢或貳其取威也重矣我世祖忿之乃龍飛白水鳳翔參墟授鉞四七共工是除

機槍旬始孽凶靡餘區宇又寧思和求中睿哲元覽都茲洛宮日止曰時昭明有融既光厥武仁洽道豐登岱勒

封與黃比崇逮至顯宗六合殷昌乃崇新德遂作德陽崇德殿在南宮見蔡邕傳注光武時本有故曰新德陽殿在西相去五十步殆是誤也啓南端之特闢立應門之將將昭仁惠於崇賢抗義聲於金商飛雲龍於春路屯神虎

於秋方建象魏之兩觀旌六典之舊章其內則含德章臺天祿宣明溫飭迎春壽安永寧飛閣神行莫我能形濯

龍芳林續漢志濯龍園名近北宮舊注謂池名按池園名濯龍然賦乃指園九谷八溪芙蓉覆水秋蘭被涯渚戲躍魚淵游龜蠃永安離宮續漢志永安北

宮東北別小修竹冬青陰池幽流元泉冽清囑鵲秋棲鶴鳴雉鳩屬黃闕闕嚶嚶於南則前殿雲臺甌駟安

福謬門曲樹邪阻城洫奇樹珍果鈎盾所職西登少華亭候修勅九龍之內實曰嘉德西南其戶匪雕匪刻我后

好約乃宴斯息於東則洪池洪池後漢書紀傳作鴻池清鏡以下皆洛陽城外潑水澹澹內阜川禽外豐葭菼獻豎與龜魚供螭龜

與菱夾其西則有平樂都場示遠之觀龍雀蟠蜿天馬半漢瑰異譎詭燦爛炳煥奢未及侈儉而不陋規遵王度

動中得趣於是觀禮禮舉儀具經始勿亟成之不日猶謂爲之者勞居之者逸慕唐虞之茅茨思夏后之卑室乃

營三宮三宮皆在平城門外平城門洛陽南門也布教頒常覆廟重屋八達九房規天矩地授時順鄉造舟清池惟水泱泱左制辟雍

右立靈臺因進距衰表賢簡能馮相親視祈禱禳災於是孟春元日羣后旁戾百僚師師於斯胥洎藩國奉聘要

荒來質具惟帝臣獻琛執贄當觀乎殿下者蓋數萬以二爾乃九賓重虬人列崇牙張鑼鼓設郎將司階虎戟交

鑲龍輅充庭雲旗拂霓夏正三朝庭燎哲哲撞洪鐘伐靈鼓旁震八鄙聾確隱旬若疾靈轉雷而激迅風也是時
稱警蹕已下彫聳於東廂飛按天子聳於東廂前者乃謂曉曉者則叔孫通傳曰冠通天佩玉璽紆皇組要干

將負斧屐次席紛純左右玉几穆穆而南面以聽矣然後百辟乃入司儀辨等尊卑以班璧羔皮帛之制既奠天

子乃以三揖之禮禮之穆穆焉皇皇焉濟濟焉將將焉信天下之壯觀也乃羨公侯卿士登自東除訪萬幾詢朝

政勤恤民隱而除其害人或不得其所若已納之於陣荷天下之重任匪怠皇以甯靜飛意作甯靜以發京倉散

禁財寶皇儉逮輿臺命膳夫以大饗饗餼浹平家陪春醴惟醇燔炙芬芬君臣歡康具醉薰蒸千品萬官已事而

踐勤履省懋乾乾清風協於元德淳化通於自然憲先靈以齊軌必三思以順愆招有道於側陋開敢諫之直言

聘邱園之耿潔旅束帛之毳毳上下通情式宴且盤及將祀天郊報地功祈福乎上元思所以爲度肅肅之儀盡

穆穆之禮殫然後以獻精誠奉禋祀日允矣天子也乃整法服正冕帶珩纁纁玉笋蒔會火龍黼黻藻緯盤風

結飛雲之袷輅樹翠羽之高蓋建辰旒之太常粉焱悠以容畜六元虬之奔奔齊騰驤而沛艾龍轡華轡金鈿鏤

錫方斿方斿薛注語不分明劉昭注輿服志引蔡邕獨斷云鐵斿數寸在馬轡後後有三孔插鬚尾其中又許慎說文

云乘與馬頭上斿斿插以鬚尾鐵鬚象角所以防纏鬚斿去之兼按合蔡許二說其制乃明而獨斷馬圖後之

後字蓋前字或上字之誤所云鬚尾鬚左靈鈞膺玉壤鑿聲噦噦和鈴鈇鈇重輪貳轉疏駁飛輪羽蓋葳蕤葩璫

以鐵爲其形耳賦內方字宜讀作助曲董順時服而設副咸龍旂而繁纓立戈逸曼農輿輅木屬車九九乘軒並轂瓊瑤重旂朱旄青屋奉引既畢先

輅乃發鸞旗皮軒通帛精飾雲罕九旂闔戟轆轤髻被繡虎夫戴鶡駼承華之蒲稍飛流蘇之騷殺總輕武於

後陳奏嚴鼓之嘈囂戎士介而揚揮戴金鉦而建黃鉞清道案列天行星陳肅肅習習隱隱轆轤未出乎城關

已迤乎郊矜盛夏之致美爰敬蒸於明神爾乃孤竹之管雲和之瑟雷鼓豐豐六變既畢冠華秉翟列舞八佾

元祀惟稱羣望咸秩屬燠燎之炎燭致高烟乎太一神歆馨而顧德祚靈主以元吉然後宗上帝於明堂推光武

以作配辨方位而正則五精帥而來摧尊赤氏之朱光四靈懋而允懷於是春秋改節四時迭代蒸蒸之心感物

增思躬追養於廟祧奉蒸嘗與禴祠物性辨省設其幅衡毛炮豚脯亦有和羹滌濯靜嘉禮儀孔明萬舞奕奕鐘鼓嗶嘯靈祖皇考來顧來饗神具醉止降福穰穰及至農祥晨正土膏脈起乘鑾輅而駕蒼龍介馭間以剡耜躬三推於天田修帝籍之千畝供禘郊之粢盛必致思乎勤已兆民勸於疆場感懋力以耘耔春日載陽合射辟雍設業設虞宮懸金鼗鼗鼓路轂樹羽幢幢於是備物物有其容伯夷起而相儀后夔坐而爲工張大疾制五正設三乏屏司旌并夾既設儲乎廣廷於是皇輿夙駕鑿於東階以須說文鑿運車也一消啓明掃朝霞登天光於扶桑天子乃撫玉輅時乘六龍發鯨魚鏗華鐘大丙弭節風后陪乘攝提運衡徐至於射宮禮事展樂物具王夏闋闕虞奏決拾既次彤弓斯發達餘萌於暮春昭誠心以遠喻進明德而崇業滌鬻饗之貪欲仁風行而外流誼方激而遐鷺日月會於龍雞恤民事之勞疚因休力以息勤致歡忻於春酒執鑿刀以袒割奉觴豆於國叟降至尊以訓恭送迎拜乎三壽敬慎威儀示民不偷我有嘉賓其樂愉愉聲教布濩益溢天區文德既昭武節是宣三農之隙曜威中原歲惟仲冬大閱西園虞人掌焉先期戒事悉率百禽鳩諸靈囿獸之所同是謂告備乃御小戎撫輕軒中改四牡既佶且閑戈矛若林牙旗纒紛迄於上林結徒爲營次和樹表司鐸授鉦坐作進退節以軍聲三令五申示戮斬牲陳師鞠旅教達禁成火烈具舉武士星敷鵝鵠魚麗箕張翼舒軌塵掩迹匪疾匪徐馭不詭遇射不翦毛升獻六禽時膳四膏鳥足未極輿徒不勞成禮三獸解罟放麟不窮樂以訓儉不殫物以昭仁慕天乙之弛咎因教祝以懷民儀姬伯之渭陽失熊羆而獲人澤浸昆蟲威振八寓好樂無荒允文允武薄狩于敷既環環焉岐陽之蒐又何足數爾乃卒歲大雉毆除羣癘方相秉鉞巫覡操蒞振子萬僮升首元製桃弧棘矢所發無臬飛礮雨散剛瘳必斃煌火馳而星流逐赤疫於四裔然後澆天池絕飛梁捐螭魃斬猖狂斬蝮蛇騰方良囚耕父於清冷溺女魃於神潢殘孽魑與罔象殄野仲而穢游光八靈爲之震懼况魃與畢方度朔作梗守以鬱壘神荼副焉對操索葦目察區陬司執遺鬼京室密清罔有不肆於是陰陽交和庶物時育卜征考祥終然允淑乘

輿巡乎介嶽勸稼穡於原陸同衡律而一軌量齊舒於寒煖省幽明以黜陟乃反旆而迴復望先帝之舊墟慨
長思而懷古俟閭風而西遐致恭祀於高祖既春游以發生啓諸螿於潛戶度秋豫以收成觀豐年之多稼嘉田
峻之匪懈勤致實於九扈左瞰陽谷右睨元圃眇天末以遠期萬世而大寧且歸來以釋勞膺多福以安慈總
集瑞命備致嘉祥園林氏之騶虞擾澤馬與騰黃鳴女牀之鸞鳥舞丹穴之鳳皇植華平於春圃豐朱草於中唐
惠風廣被澤汨幽荒北燹丁令南諧越箋西包大秦東過樂浪重舌之人九譯僉稽首而來王是故論其選邑易
京則同規乎啟盤改者卽儉則合美乎斯于登封降禪則齊德乎黃軒爲無爲事無事永有民以孔安遵節儉尙
素樸思仲尼之克已履老氏之常足將使心不亂其所在目不見其可欲賤犀象簡珠玉藏金於山抵璧於谷翡翠
不裂玳瑁不篋所貴惟賢所寶惟毅民去末而反本咸懷忠而抱慤於斯之時海內同悅曰吁漢帝之德俟其
禪而蒸芟莠爲難蒔也故曠世而不覩惟我后能殖之以至和平方將敷諸朝階然則道胡不懷化胡不柔聲與
風翔澤從雲游萬物我賴亦又何求德當天覆輝烈光燭狹三王之趨趨軼五帝之長驅躡二皇之遐武誰謂駕
遲而不能屬東京之懿未罄值余有犬馬之疾不能究其精詳故粗爲實言其梗槩如此若乃流遯忘反放心不
覺樂而忘節後離其戚一言幾於喪國我未之學也且夫翠瓶之智守不假器況纂帝業而輕天位瞻仰二祖厥
庸孔肆常翹翹以危懼若乘奔而無轡白龍魚服見困難且雖萬乘之無懼猶怵惕於一夫終日不離於輻重獨
微行其焉如夫人君者駐蹕塞耳車中不內顧珮以制容鑾以節塗行不變玉駕不亂步却走馬以冀車何惜騷
屬與飛兔方其用財取物常畏生類之殄也賦政任役常畏人力之盡也取之以道用之以時山無槎枿政不興
胎草木蕃廡鳥獸阜滋民忘其勞樂輸其時百姓同於餽衍上下共其雍熙洪恩素著民心固結執義主夫懷貞
卽此應首忿恚之恩命怨皇統之見替元謀設而陰行合二九而成誦登聖皇於天階章漢祚之有秩若此故
王業可樂焉今公子苟好則民以媮樂此應首忘民怨之爲仇也好殞物以窮寵忽下叛而生憂也夫水所以載

舟亦所以覆舟堅冰作於履霜尋木起於藥裁昧且不顯後世猶意況初制於甚泰服者焉能改裁故相如肚上
林之觀揚雄騁羽獵之辭雖系以頹牆填連亂以收置解罟卒無補於風規祇以昭其愆尤臣濟參以陵君忘經
國之長基故函谷擊柝於東西朝顛覆而莫持按西朝顛覆指王莽篡之事凡人心是所學體安所習飽肆不知其堯
阮其所以先入咸池不齊度於嚙咬而衆聽者或疑能不惑者其唯子野乎客既醉於大道飽於文義勸德畏戒
喜懼交爭固然若醒朝罷夕倦奪氣褫魄之爲者忘其所以爲談失其所以爲夸良久乃言曰鄙哉子乎習非而
遂迷也幸見指南於吾子若僕所聞華而不實先生之言信而有徵鄙夫寡識而今而後乃知大漢之德馨咸在
於此昔常恨三墳五典既泯仰不覩炎帝帝魁之美得聞先生之餘論則大庭氏何以尙茲走雖不敏庶斯達矣
張平子思元賦○

仰先哲之元訓兮雖彌高而弗違匪仁里其焉宅兮匪義跡其焉迫潛服膺以永靖兮綿日月而不衰伊中情之
信修兮慕古人之貞節竦余身而順止兮遵繩墨而不跌志搏搏以應懸兮誠心固其如結旌性行以製佩兮佩
衮光與瓊枝繡幽蘭之秋華兮又綴之以江蘼美襲積以醅烈兮允塵選而難虧既娉麗而鮮雙兮非是時之攸
珍賚余榮而莫見兮播余香而莫聞幽獨守此側陋兮敢怠逸而舍勤幸二八之選處兮嘉傳說之生殷尙前良
之遺風兮恫後辰而無及何孤行之莞莞兮子不辜而介立感鸞鷲之特栖兮悲淑人之希合彼無合其何傷兮
患衆僞之冒真目獲譏於羣弟兮啓金膝而後信覽蒸民之多僻兮畏立辟以危身曾煩毒以迷惑兮嗟孰可與
爲言已私湛憂而深懷兮思續紛而不理願竭力以守義兮雖貧窮而不改執雕虎而試象兮臨焦原而跟止庶
斯奉以周旋兮要既死而後已俗遷淪而事化兮泯規矩之圓方寶蕭艾於重笥兮謂蕞芷之不香斥西施而弗
御兮繫騶虞以服箱行頗僻而獲志兮循法度而離殃惟天地之無窮兮何遭遇之無常不抑操而苟容兮譬臨
河而無航欲巧笑以干媚兮非余心之所嘗襲溫恭之繡衣兮被禮義之繡裳辨貞亮以爲鑿兮雜伎藝以爲珩

高以

照錄 瑀琢兮瓊聲遠而彌長淹棲遲以恣欲兮囁靈忽其西藏恃已知而華予兮鴟鳩鳴而不芳冀一年之三秀

兮道白鬮之爲霜時齊壘而代序兮疇可與乎比仇容妒婦之難並兮想依韓以流亡恐漸冉而無成兮留則蔽

而不彰心猶豫而狐疑兮卽歧趾而臚情文君爲我端著兮利飛遞以保名歷衆山以周流兮翼迅風以揚聲二

女感於崇嶽兮或冰折而不管天蓋高而爲澤兮誰云路之不平勗自彊而不息兮蹈玉階之曉呼懼筮氏之長

短兮鑽東龜以觀禎遇九臬之介鳥兮徂素意之不逞游壘外而警天兮據冥醫而哀鳴鵬鷲競於貪婪兮我修

潔以益榮子有故於元鳥兮歸母氏而後寧占既言而無悔兮簡元辰而傲裝且余沐浴於清源兮以下晞余髮

於朝陽漱飛泉之瀝液兮咀石菌之流英翺鳥舉而魚躍兮將往走乎八荒過少皞之窮野兮問三邱乎句芒何

道眞之淳粹兮去穢累而影輕蓬萊而容與兮整雖拊而不傾留瀛洲而採芝兮聊且以乎長生憑歸雲而遐逝

兮夕余宿乎扶桑飲青岑之玉醴兮餐沆瀣以爲糧發昔夢於木末兮殺崑崙之高閭朝吾行於陽谷兮從伯禹

乎稽山嘉羣神之執玉兮疾防風之食言指長沙以邪徑兮存重華於南鄉以下哀二妃之未從兮翩躚處彼湘

濱流目眺夫衡阿兮覩有黎之圯墳痛火正之無懷兮託山陂以孤魂愁鬱鬱以慕遠兮越邛州而游遨躋日中

於昆吾兮憩淡火之所陶揚芒燠而絳天兮水泣汙而涌濤溫風翕其增熱兮怒鬱悒其難聊翫羈旅而無友兮

余安能乎留茲以下顧金天而嘆息兮吾欲往乎西嬉前祝融而使舉塵兮纏朱鳥以承旗躡建木於廣都兮據

若華而躑躅超軒轅於四海兮跨汪氏之龍魚聞此國之千歲兮曾焉足以娛余思九土之殊風兮從暮收而遂

徂歛神化而蟬蛻兮朋精粹而爲徒蹶白門而東馳兮云台行乎中野以下亂弱水之潺湲兮逗華陰之湍瀆號

馮夷俾清津兮權龍舟以瀆予會帝軒之未歸兮悵偷伴而延佇泗河林之藜藿兮俾關雎之戒女黃靈虜而訪

命兮樛天道其焉如曰近信而遠疑兮六鑄關而不書神遠味其難覆兮疇克諷而從諸牛哀病而成虎兮雖逢

昆其必噬髓令瘞而尸亡兮取蜀禪而引世死生錯其不齊兮雖司命其不啣寶號行於代路兮後膺祚而繁廡

王肆侈於漢庭兮卒銜血而絕結尉厲眉而郎潛兮逮三葉而遷武董弱冠而司袞兮設王隧而弗處夫吉凶之相形兮恒反側而靡所履屈天以悅牛兮豎亂叔而幽主文斷袪而忌伯兮闕謁賦而甯后通入闈於好惡兮豈昏惑而能剖囊摘讖而戒胡兮備諸外而發內或鰲賄而違車兮孕行產而爲對愼竈顯以言天兮占水火而妄訊梁叟患夫黎邱兮丁厥子而判刃親所暎而弗識兮矧幽冥之可信毋綿蠻以俸已兮思百憂以自疹彼天監之孔明兮用棄忱而祐仁湯蠲禮以禱祈兮蒙履襪以拯民景三慮以營國兮幾惑次於他辰魏穎亮以從治兮鬼亢回以斃秦咎繇邁而種德兮樹德懋於英六桑末寄夫根生兮卉旣凋而已育有無言而不酬兮又何往而不復盍遠迹以飛聲兮孰謂時之可蓄仰矯首以遙望兮魂傲惘而無備逼區中之隘陋兮以下將北度而宣游行積冰之磳磳兮清泉返而不流寒風淒其水至兮拂穹岫之騷騷元武縮於穀中兮騰蛇蜿而自糾魚矜鱗而并凌兮鳥登木而失條坐太陰之屏室兮慨含秋而增愁怨高陽之相寓兮倘顛頊而宅幽庸織路於四裔兮斯與彼其何瘳望寒門之絕垠兮縱余縲乎不用以下地迅焱瀟其朕我兮驚翩飄而不禁越谿壩之洞穴兮漂通川之礧礧經重陰乎寂寞兮懲填羊之深潛追荒忽於地底兮軼無形而上浮出石密之闊野兮不識蹊之所由以下居速燭龍令執炬兮過鍾山而中休瞰瑤谿之赤岸兮弔祖江之見劉聘王母於銀鬢兮羞玉芝以療穢戴勝愁其既歎兮又諫余之行選載太華之玉女兮召洛浦之虛妃咸姘麗以蠱媚兮增娉眼而蛾眉舒諺媮之纖腰兮披韞錯之桂微雖朱脣而微笑兮顏的礫以遺光獻環現與琛縞兮申厥好以元黃色豔而賂美兮志浩蕩而不嘉雙林悲於不納兮並詠詩而清歌歌曰天地烟煴百卉含葩鳴鶴交頸雉鳩相和虞子懷春精魂回移如何淑明忘我實多將荅賦而不暇兮爰整駕而亟行瞻崑崙之飄飄兮臨滎河之洋洋伏靈龜以負坻兮巨螭龍之飛梁登閭風之層城兮搆不死而爲牀屑瑤藥以爲糗兮聽白水以爲漿抨巫咸使占夢兮乃貞吉之元符滋令德於正中兮含嘉秀以爲敷旣垂顛而頤本兮亦要思乎故居安和靜而隨時兮姑純懿之所慮戒庶僚以夙會兮

會供職而並遊豐隆軒其震靈兮

以下登天

列缺陸其照夜雲師黶以交集兮凍雨沛其灑塗轆調輿而樹葩兮擾應

龍以服輅百神森其備從兮屯駘羅而星布振余袂而就車兮修劍揭以低昂冠岳雷其映蓋兮佩繚纏以輝煌

僕夫儼其正策兮八乘騰而超驪氛旆溶以天旋兮螭旌飄以飛颺撫輪輅而還睨兮心勺灑其若湯羨上慕之

赫戲兮何迷故而不忘左青瑯之捷芝兮青素威以司鉞前長離使拂羽兮後委水衡乎元冥屬箕伯以函風兮

淇澳潔而爲清曳雲旗之離離兮鳴玉鸞之警警涉清霄而升遐兮浮蟻蝶而上征紛翼翼以徐戾兮猗回回其

揚靈叫帝閭使闢扉兮覲天皇於瓊宮聆廣樂之九奏兮展洩洩以彤彤考治亂於律均兮意建始而思終惟般

逸之無斃兮體樂性而哀來素女撫絃而餘音兮太容吟曰念哉既防溢而靖志兮迨我暇以翱翔出紫宮之肅

肅兮集太微之闕闕命王良掌策驅兮踰高閣之將建罔車之慕慕兮獵青林之芒芒鸞威狐之拔刺兮射鱗

鱗之封狼觀壁壘於北落兮伐河鼓之磅礴乘天潢之汎汎兮浮雲漢之湯湯倚招搖攝提以低回劉流兮察二

紀五緯之綱繆過皇偃塞天矯婉以連卷兮雜沓叢頓廐以方驥餼汨懸淚沛以罔象兮爛漫靡靡視以迭邊凌

驚雷之硫溢兮弄狂電之滂濈踰雁鴻於宕冥兮貫倒景而高厲靡盬盬其無涯兮乃今窺乎天外據開陽而頽

眠兮臨魚鄉之諳諳悲離居之勞心兮情悄悄而思歸魂眷眷而屢顧兮馬倚轡而徘徊雖游娛以愉樂兮豈愁

慕之可懷出閭闔兮降天途乘焱忽兮馳虛無雲菲菲兮繞余輪風眇眇兮震余旗續連翩兮紛暗曖條眩眩兮

反常閭收疇昔之逸豫兮卷淫放之遐心修初服之娑娑兮長余佩之參參文章奐以粲爛兮美紛紜以從風御

六藝之珍駕兮游道德之平林結典籍而爲雪兮敲儒墨而爲禽玩陰陽之變化兮詠雅頌之徵音嘉曾氏之歸

耕兮慕歷阪之嶽峯恭夙夜而不貳兮因始終之所服夕惕若厲以省譽兮懼余身之未勅苟中情之端直兮莫

吾知而不應默無爲以凝志兮與仁義乎逍遙不出戶而知天下兮何必歷遠以劬勞系曰天長地久歲不留俟

河之清祗懷憂願得遠度以自娛上下無常窮六區超踰騰躍絕世俗飄飄神舉遑所欲天不可階僊夫稀柏舟

古文辭類纂 卷十四

悄悄香不飛松喬高時執能離結精遠游使心攜迴志竭來從元謀獲我所求夫何思

辭賦類十

王子山魯靈光殿賦○○○

魯靈光殿者蓋景帝程姬之子恭王餘之所立也初恭王始都下國好治宮室遂因魯僖基兆而營焉遭漢中微盜賊奔突自西京未央建章之殿皆見墜壞而靈光巋然獨存意者豈非神明憑依支持以保漢室者也然其規矩制度上應星宿亦所以永安也予客自南鄙觀藝於魯視斯而喟曰嗟乎詩人之興感物而作故奚斯頌傳歌其路寢而功績存乎辭德音昭乎聲物以賦顯事以頌宣匪賦匪頌將何述焉遂作賦曰粵若稽古帝漢祖宗潛哲欽明殷五代之純熙紹伊唐之炎精荷天衢以元亨廓宇宙而作京敷皇極以創業協神道而太甯於是百姓昭明九族敦序乃命孝孫俾侯于魯錫介珪以作瑞宅附庸而開宇乃立靈光之祕殿配紫微而爲輔承明堂於少陽昭列顯於奎之分野瞻彼靈光之爲殿也則嵯峨峩峩崑崙崑嶸岵岵可畏乎其駭人也迢嶢侖儻豐麗博敞洞穆轉乎其無垠也邈希世而特出光瑤譎而鴻紛屹山峙以紆鬱隆岵岵乎青雲鬱塊以嶒嶒澗澗而龍鱗汨礫礫以璀璨赫燁燁而燭坤狀若積石之鏘鏘又似乎帝室之威神崇墉闔連以嶺屬朱闕巖巖而雙立高門擬於闔闔方二軌而並入於是乎乃歷夫秦階以造其堂俯仰顧眄東西周章彤彩之飾徒何爲乎滌滌沂沂流離爛熳皓壁皜皜以月照丹柱欽絕而電燦霞霞震震若陰若陽濯漭漭亂燦燦煌煌陰夏以中處靈寔寔以崢嶸鴻鴻煒煒以燭闔闔蕭蕭而清冷動瀛瀛以成響殷雷應其若驚耳嘈嘈以失聽目矍矍而喪精駢密石與琅玕齊玉璫與璧英遂排金扉而北入宵藹藹而曉曉旋室嫵媠以窈窕洞房叫窶而幽邃西廂陶踏以閑宴東序重深而奧祕屹鏗暎以勿罔屑厭駑以懿導魂悚悚其驚斯心惴惴而發悸於是詳察其棟宇觀其結構規矩應天上憲考陬俯僂雲起嶽峯離樓三間四表八維九隅萬楹盡倚岳何相扶浮柱昭嶸以星懸漂嶸嶸而枝柱

飛。染。假。器。以。虹。指。揭。蓬。蓬。而。騰。湊。層。樓。礪。地。以。及。我。曲。析。要。紹。而。環。句。芝。栴。撒。羅。以。戲。蒼。枝。穿。枝。柯。而。斜。披。傍。天。
蟠。以。橫。出。互。駢。糾。而。搏。負。下。崩。蔚。以。瑾。錯。上。崎。嶇。而。重。注。捷。獵。鱗。集。支。離。分。赴。縱。橫。駱。驛。各。有。所。趣。爾。乃。懸。搜。結。
闕。天。窻。綺。疏。圓。淵。方。井。反。植。荷。渠。發。秀。吐。榮。齒。香。披。敷。綠。房。紫。葍。窈。窕。垂。珠。雲。素。藻。悅。韻。桐。雕。鏤。飛。禽。走。獸。因。木。
生。姿。奔。虎。攫。擊。以。梁。倚。仡。奮。聲。而。軒。鬣。虬。龍。騰。以。竇。鱗。領。若。動。而。蹙。蹙。朱。鳥。舒。翼。以。峙。衝。騰。地。蟻。蚪。而。繞。樓。白。
鹿。子。解。於。構。墟。蟠。蜿。宛。轉。而。承。相。狡。兔。踰。伏。於。柝。側。發。琴。檜。而。相。追。元。熊。蟄。蛟。以。齧。蘇。那。負。載。而。踴。躍。齊。首。目。
以。眩。眙。徒。脈。脈。以。狖。狖。胡。人。遙。集。於。上。檀。儼。雅。隱。而。相。對。伶。歎。聽。以。鵬。吹。顛。頹。類。而。睨。睨。狀。若。悲。愁。於。危。虛。慘。曠。
豈。而。含。悴。神。僊。岳。岳。於。棟。閭。玉。女。窺。窻。而。下。視。忽。矚。眇。以。嚳。像。若。鬼。神。之。髮。髣。圖。畫。天。地。品。類。羣。生。雜。物。奇。怪。山。
神。海。靈。寫。載。其。狀。託。之。丹。青。千。變。萬。化。事。各。緣。形。隨。色。象。類。曲。得。其。情。上。紀。開。闢。遂。古。之。初。五。龍。比。翼。入。皇。九。頭。
伏。義。麟。身。女。媧。蛇。軀。鴻。荒。樸。略。厥。狀。睢。盱。煥。炳。可。觀。黃。帝。唐。虞。軒。冕。以。庸。衣。裳。有。殊。下。及。三。后。淫。妃。亂。主。忠。臣。孝。
子。烈。士。貞。女。賢。愚。成。敗。靡。不。載。敘。惡。以。誠。世。善。以。示。後。於是乎連閣承宮馳道周環陽榭外望高樓飛觀長塗升。
降。軒。檻。受。延。漸。臺。臨。池。層。曲。九。成。屹。然。特。立。的。爾。殊。形。高。徑。華。蓋。仰。看。天。庭。飛。陛。揭。孽。絳。雲。上。征。中。坐。垂。景。類。視。
流星。千。門。相。似。萬。戶。如。一。巖。突。洞。出。逶。迤。詰。屈。周。行。數。里。仰。不。見。日。何。宏。麗。之。靡。靡。咨。用。力。之。妙。勤。非。夫。通。神。之。
俊。才。誰。能。克。成。乎。此。勳。據。坤。靈。之。寶。勢。承。蒼。昊。之。純。殷。包。陰。陽。之。變。化。含。元。氣。之。烟。煴。元。醴。騰。涌。於。陰。溝。甘。露。被。
宇。而。下。臻。朱。桂。黜。終。於。南。北。蘭。芝。阿。那。於。東。西。祥。風。翕。習。以。應。灑。激。芳。香。而。常。芬。神。靈。扶。其。棟。宇。歷。千。載。而。彌。堅。
永安。甍。以。社。福。長。與。大。漢。而。久。存。實。至。尊。之。所。御。保。延。壽。而。宜。子。孫。苟。可。貴。其。若。斯。孰。亦。有。云。而。不。珍。亂。日。形。形。
靈。宮。錦。輝。穹。崇。紛。厲。鴻。兮。崗。芳。嶺。巖。岑。豈。審。巖。巖。駢。龍。挺。兮。連。爭。偃。塞。崑。崙。崑。崙。傍。頤。歌。兮。歎。歎。幽。蕩。雲。覆。蕩。蕩。洞。
杳。冥。兮。憑。翠。紫。蔚。璣。璣。瓊。瑤。含。光。晷。兮。窮。奇。極。妙。棟。宇。已。來。未。之。有。兮。神。之。營。之。瑞。我。漢。室。水。不。朽。兮。

王仲宣登樓賦○

登茲樓以四望兮聊暇日以銷憂覽斯宇之所處兮實顯敞而寡仇挾清漳之通浦兮倚曲沮之長洲背墳衍之
廣陸兮臨臬隰之沃流北彌陶牧西接昭邱華實蔽野黍稷盈囷雖信美而非吾土兮曾何足以少留遭紛濁而
遷逝兮漫論紀以迄今情眷眷而懷歸兮孰憂思之可任憑軒轅以遙望兮向北風而開襟平原遠而極目兮蔽
荆山之高岑路逶迤而修迥兮川既濶而濟深悲舊鄉之乖隔兮涕橫墜而弗禁昔仲尼之在陳兮有歸與之嘆
音鍾儀幽而楚奏兮莊鳥顯而越吟人情同於懷土兮豈窮達而異心惟日月之逾邁兮俟河清其未極冀王道
之一平兮假高衢而騁力懼匏瓜之徒懸兮畏井渫之莫食步趨遲以徙倚兮白日忽其將匿風蕭瑟而並興兮
天慘慘而無色獸狂顧以求羣兮鳥將鳴而舉翼原野闕其無人兮征夫行而未息心悽愴以感發兮意惻怛而
憎惻循階除而降兮氣交憤於胸臆夜參半而不寐兮悵盤桓以反側

張茂先鷓鴣賦

鷓鴣小鳥也生於蒿萊之間長於藩籬之下翔集尋常之內而生生之理足矣色淺體陋不爲人用形微處卑物
莫之害繁茲族類乘居匹游翩翩然有以自樂也彼鷓鴣鷓鴣孔雀翡翠或陵赤霄之際或託絕垠之外輪舉足
以冲天背距足以自衛然皆負矰繳羽毛入貢何者有用於人也夫言有淺而可以託深類有微而可以喻大
故賦之云爾何造化之多端兮播羣形於萬類惟鷓鴣之微禽兮亦攝生而受氣育爾爾之陋體兮無元黃以自
貴毛弗施於器用兮肉不登乎俎味鷹鷂過猶俄翼兮尙何懼於罾罽鷓鴣是焉游集飛不飄颻翔不翕習
其居易容其求易給巢林不過一枝每食不過數粒棲無所滯游無所盤匪陋荆棘匪榮葭蘭動翼而逸投足而
安委命順理與物無患伊茲禽之無知兮何處身之似智不懷寶以賈書兮不飾表以招累靜守約而不矜動因
循以簡易任自然以爲資無誘慕於世僞雖隴介其背距鷓鴣軼於雲際鷓鴣竄於幽險孔翠生乎遺裔彼晨鷓
與歸雁又矯翼而增逝咸美羽而豐肌故無罪而皆斃徒銜蘆以避繳終爲戮於此世香鷹鷂而受縶鷓鴣惠而

入籠屈猛志以服養塊幽繫於九重變聲音以順旨思摧融而爲屏懸鍾岱之林野慕龍抵之高松雖蒙幸於今日未若疇昔之從容海鳥鷗鷗避風而至條枝巨雀踰嶺自致提挈萬里飄飄逼畏夫惟體大妨物而形壞足羸也陰陽陶蒸萬品一區巨細外錯種繁類殊鯨鯢集於蚊睫大鵬彌乎天隅將以上方不足而下比有餘普天壤以遐觀吾又安知小大之所如

潘安仁秋興賦○

晉十有四年余春秋三十有二始見二毛以太尉掾兼虎賁中郎將寓直於散騎之省高閣連雲陽景早曜珥蟬冕而襲執綺之士此焉游處僕野人也偃息不過茅屋茂林之下談話不過農夫田父之客攝官承乏獲廁朝列夙興晏寢匪違底甯猶池魚籠鳥有江湖山藪之思於是染翰操紙慨然而賦于時秋也故以秋興名篇其辭曰四運忽其代序兮萬物紛以迴薄覽花蔞之時育兮察盛衰之所託感冬索而春敷兮嗟夏茂而秋落雖末士之榮悴兮伊人情之美惡善乎宋玉之言曰悲哉秋之爲氣也蕭瑟兮草木搖落而變衰慄慄兮若在遠行登山臨水送將歸夫送歸懷慕徒之戀兮遠行有羈旅之憤臨川感流以嘆逝兮登山懷遠而悼近彼四感之疚心兮遭一塗而難忍嗟秋日之可哀兮諒無愁而不盡野有歸燕隰有翔軍游氛朝興綺葉夕殞於是乃屏輕羅釋織綺藉莞翹御衿衣庭樹槭以灑落兮勁風戾而吹帷蟬嘒嘒以寒吟兮雁飄颻而南飛天晃朗以彌高兮日悠揚而浸微何微陽之短晷覺涼夜之方永月朦朧以含光兮露淒清以凝冷熠燿繁於階闔兮蟋蟀鳴乎軒屏聽離鴻之晨吟兮望流火之餘景宵耿介而不寐兮獨民轉乎華省悟時歲之道盡兮慨俛首而自省斑鬢影以承弁兮素髮颯以垂領仰羣俊之逸軌兮攀雲漢以游騁登春臺之熙熙兮珥金貂之炯炯苟趣舍之殊途兮庸詎識其躁靜聞至人之休風兮齊天地於一指彼知安而忘危兮固出生而入死行投趾於客跡兮殆不踐而獲底闕側足以及泉兮雖猴狻而不履編祀骨於宗祧兮思反身於綠水且斂衽以歸來兮忽投絃以高厲耕東臯之沃

壤兮輪黍稷之餘。稅泉涌湍於石間兮。菊揚芳乎崖。溢澤秋水之涓涓兮。玩游鱗之激激。逍遙乎山川之阿。放曠乎人間之世。優哉游哉聊以卒歲。潘安仁笙賦○

河汾之寶有曲沃之懸。匏焉鄒魯之珍。有汶陽之孤篔簹焉。若乃絲蔓粉敷之麗。浸潤靈液之滋。隅隈夷險之勢。禽鳥翔集之椽。固衆作者之所詳。余可得而略之也。徒觀其制器也。則審洪纖而短長。則生絳裁熟簧。設宮分羽。經徵列商。泄之反謚。厭焉乃揚。管攢羅而表列。音要妙而含清。各守一以司應。統大魁以爲笙。基黃鐘以舉韻。笙簞鳳以擢形。寫皇翼以插羽。摹鸞音以厲聲。如鳥斯企。翻翹歧歧。明珠在味。若銜若垂。修楫內辟。餘簫外透。駢田獵。擺鯉參差。於是乃有始。泰終約前。榮後倅激。憤於今賤。永懷乎故。貴衆滿堂。而飲酒獨向隅。而掩淚援鳴笙。而將吹。先嘔噓以理氣。初雍容以安暇。中佛鬱以悌。悃終鬼。蛾以蹇。謬又颯。運而繁。沸罔孟浪。以惆悵。若欲絕而復肆。擲檄糴以奔邀。似將放而中匱。愀愀惻淡。虺韓煜燿。汎淫汜豔。雲燄岌岌。或案衍夷靡。或疎勇剽急。或既往不返。或已出復入。徘徊布漉。渙衍葦襲。舞既蹈而中輟。節將撫而不及。樂聲發而盡室。歡悲音奏而列坐。泣擗纖翻。以震幽簧。越上箏而通下管。應吹噏以往來。隨抑揚以虛滿。勃懽慨以悽亮。顧躊躇以舒緩。張張女之哀。彈流廣陵之名。散詠園桃之天天。歌崑下之翼翼。歎曰。蜚下翼翼。朱實離離。宛其死矣。化爲枯枝。人生不能行樂。死何以虛設。爲爾乃引飛龍鳴。鴈雞雙鴻翔。白鶴飛子喬。輕舉明君懷。歸荆王。唱其長吟。楚妃嘆而增悲。夫其悽辰辛酸。嚶嚶關關。若離鴻之鳴子也。含嘲啾諧。雍雍啾啾。若羣雛之從母也。郁捋劫悟。泓宏融裔。哇咬嘈啻。豈何察惠訣。厲悄切又何馨。折若夫時陽初暖。臨川送離。酒酣徒擾。樂闋日移。疏客始闌。主人微疲。弛絃籥籥。徵填屏篋。爾乃促中筵。攜友生解嚴顏。攝幽情披黃苞。以授甘傾。縹窵以酌。韶光伎儼。其階列雙鳳。嘈以和鳴。晉野悚而投琴。况齊瑟與秦箏。新聲變曲。奇韻橫逸。繁縵秋鼓。網羅鍾律。爛熠燿以放豔。蓬勃以氣出。秋風詠於燕路。天光重乎

朝日大不踰宮細不過羽唱發章夏導揚韶武協和陳宋混一齊楚邇不逼而遠無攜聲成文而節有敘彼政有
失得而化以韻薄樂所以移風於善亦所以易俗於惡故絲竹之器未改而桑濮之流已作惟簧也能研羣聲之
清惟笙也能總衆清之林術無所措其邪鄭無所容其淫非天下之和樂不易之德音其孰能與於此乎

潘安仁射雉賦 ○

涉青林以游覽兮樂羽族之羣飛聿采毛之英麗兮有五色之名翬厲耿介之專心兮參雄豔之姁姿巡邱陵以
經略兮書墳衍而分畿於是青陽告謝朱明肇授靡木不滋無草不茂初窳蔚其曜新陳柯楫以改舊天決決以
垂雲泉涓涓而吐溜麥漸漸以擢芒雉鸞鸞而朝雉呀箱籠以揭驕睨驕媒之變態奮勁散以角搓睜俾目以矜
眯翼綺翼而輕擣灼繡頸而袞背鬱軒翥以餘怒畏長鳴以效能爾乃擊場扞醫停僮蕙翠絳柏參差文翻麟次
蕭森繁茂婉轉輕利哀料辰以徹鑿表厭蹠以密緻恐吾游之晏起慮原禽之罕至甘疲心於企想分倦目以寓
視何調翰之喬桀選疇類而殊才候扇舉而清叫野聞聲而應媒寒微害以長眺已踉蹌而徐來攜朱冠之絕赫
敷藻翰之陪鰓首葍綠素身拖補綸青鞞落靡丹臆蘭絳或蹶或啄時行時止斑尾揚翹雙角特起良游呢嘍引
之規裏應叱愕立擢身竦峙捧黃團以密殼屬剛挂以潛擬倒禽紛以迸落機聲振而未已山警悍害森迅已甚
越壑凌岑飛鳴薄虞擊牙低嶽心平望雷毛體摧落霍若碎錦逸羣之僞擅場挾兩櫟雌妒異條來忽往息上風
之聲切畏日映之儼朗屏發布而累息徒心煩而伎篋伊義鳥之應敵揪摧地以厲響彼聆音而徑進忽交距以
接壤形盈窻以美發紛首頽而臆仰或乃崇填夷靡農不易堆穉菽叢糝蒼葦葦鳴雄振羽依於其冢捫降邱
以馳敵雖形隱而草動瞻挺稊之傾掉意滌躍以振踊嗽出苗以入場愈情駭而神悚望聚合而擊晶雉朕肩而
旋踵佩余志之精銳擬青顛而點項亦有目不步體邪眺勿剔靡聞而驚無見自鷺周環迴復繚繞盤辟戾鬚旋
把縈隨所歷彳亍中輟馥焉中鎬前刺重膺傍截疊翻若夫多疑少決膽劣心猶內無固守出不交戰來若處子

去如激電。闕齒。薊葉。螟歷乍見。於是算分銖。商遠。運揆懸刀。騁絕伎。如轆如軒。不高不埤。當味值胸。裂膝破背。夷險殊地。馴蟲異。變戾不暇。食夕不告。勸昔賈氏之如臯。始解顏於一箭。醜夫爲之改貌。慙妻爲之釋怨。彼游田之致獲。咸乘危以馳騫。何斯藝之安逸。嗟禽從其已豫。清道而行。擇地而住。尾飾鑣而在。服肉登俎而永御。豈唯臯隸此焉。君舉若乃。耽盤流遁。放心不移。忘其身恤。司其雄雌。樂而無節。端操或虧。此則老氏之所誠。而君子之所不爲。

劉伯倫酒德頌。○

宥大人先生以天地爲一朝。萬期爲須臾。日月爲扇。八荒爲庭。衝行無轍。迹居無室。廡幕天席。地縱意所如。止則操卮執觚。動則挈榼提壺。唯酒是務。焉知其餘。有貴介公子。搢紳處士。聞吾風聲。議其所以。乃奮袂攘衿。怒目切齒。陳說禮法。是非鋒起。先生於是方捧豐承。槽銜杯漱。醪奮髯。踞枕。麴藉糟。無思慮。其樂陶兀。然而醉豁爾而醒。靜聽不聞雷。霆之聲。熟視不覩泰山之形。不覺寒暑之切肌。利欲之感情。俯觀萬物。擾擾焉如江漢之載浮萍。一豪侍側焉如螺贏之與螟蛉。

陶淵明歸去來辭。○

歸去來兮。田園將蕪。胡不歸。既自以心爲形役。奚惆悵而獨悲。悟已往之不諫。知來者之可追。實迷途其未遠。覺今是而昨非。舟搖搖以輕颺。風飄飄而吹衣。問征夫以前路。恨晨光之熹微。乃瞻衡宇。載欣載奔。僮僕懼迎。稚子候門。三徑就荒。松菊猶存。攜幼入室。有酒盈樽。引壺觴以自酌。眄庭柯以怡顏。倚南窗以寄傲。審容膝之易安。園日涉以成趣。門雖設而常關。策扶老以流憩。時矯首而遐觀。雲無心以出岫。鳥倦飛而知還。景翳翳以將入。撫孤松而盤桓。歸去來兮。請息交以絕遊。世與我而相遺。復駕言兮。焉求悅親戚之情。話樂琴書以消憂。農人告余以春。及將有事於西疇。或命巾車。或棹孤舟。既窈窕以尋壑。亦崎嶇而經邱。木欣欣以向榮。泉涓涓而始流。羨萬物

之得時感吾生之行休已矣乎寓形宇內復幾時曷不委心任去留胡爲遑遑欲何之富貴非吾願帝鄉不可期
懷良辰以孤往或植杖而耘籽登東皋以舒嘯臨清流而賦詩聊乘化以歸盡樂夫天命復奚疑

鮑明遠蕪城賦○○○

驅邁蒼涼之氣驚心動魄之詞皆賦家之絕境也

灑池平原南馳蒼梧漲海北走紫塞雁門控以漕渠軸以崑岡重江複關之陬四會五達之莊當昔全盛之時車
挂轉人駕肩摩閉撲地歌吹沸天葦貨鹽田鎡利銅山才力雄富士馬精妍故能參泰法伏周令劉崇墟剡潛道
圖修世以休命是以板築雉堞之殷井幹烽櫓之勤格高五嶽袤廣三墳醉若斷岸嘉似長雲製磁石以禦衝糊
頽壤以飛文觀碁局之固護將萬祀而一君出入三代五百餘載竟瓜剖而豆分澤葵依井荒葛冒塗羅虺蝮
階闕鬱馮木魅山鬼野鼠城狐風啤雨嘯昏見晨趨飢鷹厲吻寒鷄嚇雛伏窟藏虎乳血餐膚崩榛塞路峰嶸古
墟白楊早落寒草前衰稜稜霜氣藪藪風威孤蓬自振驚砂坐飛溜莽杳而無際霰薄粉其相依通池既已夷峻
隅又已頽直視千里外惟見起黃埃凝思寂聽心傷已摧若夫藻扃黼帳歌堂舞閣之基璇淵碧樹戈林鈞渚之
館吳蔡齊秦之聲魚龍爵馬之玩皆薰歇燼滅光沈響絕東都妙姬南國麗人蕙心執質玉貌絳脣莫不埋魂幽
石委骨窮塵豈意同壘之愉樂離宮之苦辛哉天道如何吞恨者多抽琴命操爲蕪城之歌歌曰邊風急兮城上
寒井徑滅兮邱隴殘千齡兮萬代共盡兮何言

辭賦類十一

韓退之訟風伯○

維茲之旱兮其誰之由我知其端兮風伯是尤山升雲兮澤上氣雷鞭車兮電搖幟雨澆澆兮將欲墜風伯怒兮
雲不得止鳴鳥之仁兮念此下民闕其光兮不闕其神嗟風伯兮其將謂何我於爾兮豈有其他求其時兮修祀

事羊甚肥兮酒甚旨食足飽兮飲足醉風伯之怒兮誰使雲屏兮吹使鷓之氣將交兮吹使離之樂之使氣不得化寒之使雲不得施嗟爾風伯欲逃其罪其又何辭上天孔明兮有紀有綱今我上訟兮其罪誰當天誅加兮不可悔風伯雖死兮人誰爾傷

韓退之進學解○○○

國子先生晨入太學招諸生立館下誨之曰業精於勤荒於嬉行成於思毀於隨方今聖賢相逢治具畢張拔去兇邪登崇峻良占小善者率以錄名一藝者無不庸爬羅剔抉刮垢磨光蓋有幸而獲選孰云多而不揚諸生業患不能精無患有司之不明行患不能成無患有司之不公言未既有笑於列者曰先生欺余哉弟子事先生於茲有年矣先生口不絕吟於六藝之文手不停披於百家之編記事者必提其要纂言者必鉤其元貪多務得細大不捐焚膏油以繼晷兀兀以窮年先生之業可謂勤矣舐排異端攘斥佛老補苴罅漏張皇幽眇尋鑿緒之茫。茫。獨。獨。搜。而。遠。紹。障。百。川。而。東。之。迴。狂。瀾。於。既。倒。先。生。之。於。儒。可。謂。有。勞。矣。沈。浸。醲。郁。含。英。咀。華。作。爲。文。章。其。書。滿。家。上。規。姚。姒。渾。渾。無。涯。周。誥。殷。盤。倍。屈。聲。牙。春。秋。謹。嚴。左。氏。浮。誇。易。奇。而。法。詩。正。而。葩。下。逮。莊。騷。太。史。所。錄。子。雲。相。如。同。工。異。曲。先。生。之。於。文。可。謂。闔。其。中。而。肆。其。外。矣。少。始。知。學。勇。於。政。爲。長。通。於。方。左。右。具。宜。先。生。之。於。爲。人。可。謂。成。矣。然。而。公。不。見。信。於。人。私。不。見。助。於。友。跋。前。躓。後。動。輒。得。咎。暫。爲。御。史。遂。竄。南。夷。三。年。博。士。冗。不。見。治。命。與。仇。謀。取。敗。幾。時。冬。煖。而。兒。號。寒。年。豐。而。妻。啼。飢。頭。童。齒。豁。竟。死。何。裨。不。知。慮。此。而。反。教。人。爲。先。生。曰。吁。子。來。前。夫。大。木。爲。杗。細。木。爲。桷。櫛。栴。樛。僂。闌。屠。榘。各。得。其。宜。施。以。成。室。者。匠。氏。之。工。也。玉。札。丹。砂。赤。箭。青。芝。牛。溲。馬。勃。敗。鼓。之。皮。俱。收。並。蓄。待。用。無。遺。者。醫。師。之。良。也。登。明。選。公。雜。進。巧。拙。紆。餘。爲。妍。卓。犖。爲。傑。被。短。量。長。惟。器。是。適。者。宰。相。之。方。也。昔。者。孟。軻。好。辯。孔。道。以。明。轍。環。天。下。卒。老。於。行。苟。卿。守。正。大。論。是。宏。逃。讒。於。楚。廢。死。蘭。陵。是。一。儒。者。吐。辭。爲。經。舉。足。爲。法。絕。類。離。倫。優。入。聖。域。其。過。於。世。何。如。也。今。先。生。學。雖。勤。而。不。繇。其。統。言。雖。多。而。不。要。其。

中文雖奇而不濟於用行雖修而不顯於衆猶且月費俸錢歲糜廩粟子不知耕婦不知織乘馬從徒安坐而食
踵常途之促促窺陳編以盜竊然而聖主不加誅宰臣不見斥非其幸歟動而得謗名亦隨之投匭置散乃分之
宜若夫商財賄之有亡計班賞之崇卑忘已量之所稱指前人之瑕疵是所謂詰匠氏之不以杙爲楹而警醫師
以昌陽引年欲進其豨苓也

韓退之送窮文

元和六年正月乙丑晦主人使奴星結柳作車縛草爲船載糗輿糗牛繫輓下引帆上檣三掛窮鬼而告之曰聞
子行有日矣鄙人不敢問所塗竊具船與車備載糗糧日吉時良利行四方子飯一孟子啜一觴攜朋舉儔去故
就新駕塵曠風與電爭先子無底滯之尤我有資送之恩子等有意於行乎屏息潛聽如聞音聲若嘯若啼若歎
嚶嚶毛髮盡豎竦肩縮頸疑有而無久乃可明若有言者曰吾與子居四十年餘子在孩提吾不子愚子學子耕
求官與名惟子是從不變於初門神戶靈我叱我呵包羞詭隨志不在他子遷南荒熱爍濕蒸我非其鄉百鬼欺
陵太學四年朝齋暮鹽惟我保汝人皆汝嫌自初及終未始背汝心無異謀口絕行語於何聽聞云我當去是必
夫子信讒有間於子也我鬼非人安用車船鼻黷馨香糗糧可捐單獨一身誰爲朋儔子苟備知可數已不子能
盡言可謂聖知情狀既露敢不迴避主人應之曰子以吾爲眞不知也耶子之朋儔非六非四在十去五滿七除
二各有主張私立名字捩手覆羹轉喉觸諱凡所以使吾面目可憎語言無味者皆子之志也其名曰智窮婦婦
亢亢惡圓喜方羞爲好欺不忍害傷其次名曰學窮傲數與名摘抉查微高挹翠言執神之機又其次曰文窮不
專一能怪怪奇奇不可時施祇以自嬉又其次曰命窮影與形殊面醜心妍利居衆後責在人先又其次曰交窮
磨肌憂骨吐出心肝企足以待賓我饑寒凡此五鬼爲吾五患飢我寒我與詆造訕能使我迷人莫能問朝悔其
行暮已復然蠅營狗苟驅去復還言未畢五鬼相與張眼吐舌跳踉偃仆抵掌頓脚失笑相顧徐謂主人曰子知

我名凡我所爲。驅我令去。小黠大癡。人生一世。其久幾何。吾立子名。百世不磨。小人君子。其心不同。惟乘於時。乃與天通。播持瓊瑤。易一羊皮。飫於肥甘。慕彼糠糜。天下知子。誰過於余。雖遭斥逐。不忍子疏。謂余不信。請質詩書。主人於是垂頭喪氣。上手稱謝。燒車與船。延之上座。

韓退之釋言。

元和六年六月十日。愈自江陵。法曹詔拜國子博士。始進見。今相國鄭公。公賜之坐。且曰。吾見子某詩。吾時在翰林。職親而地禁。不敢相聞。今爲我寫子詩書爲一通。以來愈再拜謝。退錄詩書若干篇。擇日時以獻於後之數月。有來謂愈者曰。子獻相國詩書乎。曰然。曰有爲譏於相國之座者。曰韓愈曰。相國徵余文。余不敢置。相國豈知我哉。子其慎之。愈應之曰。愈爲御史。得罪德宗。朝同遷於南者凡三人。獨愈爲先。收用相國之賜大矣。百官之進見相國者。或立語以退。而愈辱賜坐語相國之禮過矣。四海九州之人。自百官以下。欲以其業。徹相國左右者。多矣。皆憚而莫之敢獨。愈辱先索相國之知至矣。賜之大禮之過知之至。是三者於敵以下受之宜。以何報況在天子之宰乎。人莫不自知。凡適於用之謂才。堪其事之謂力。愈於二者。雖日勉焉。而不迫東帶。執笏立。士大夫之行不見斥以不肖幸矣。其何敢敖於言乎。夫敖雖凶德。必有恃而敢行。愈之族親鮮少。無攀聯之勢於今。不善交人。無相先相死之友於朝。無宿資蓄貨以鈞聲勢。弱於才而腐於力。不能奔走乘轎。抵蟻以要權利。夫何恃而敖若夫狂惑喪心之人。蹈河而入火。妄言而罵詈者。則有之矣。而愈人知其無是疾也。雖有譏者。百人相國將不信之矣。愈何懼而慎歟。既累月。又有來謂愈曰。有讒子於翰林舍人李公與裴公者。子其慎歟。愈曰。二公者。吾君朝夕訪焉。以爲政於天下。而階太平之治。居則與天子爲心。脅出則與天子爲股肱。四海九州之人。自百官以下。其驍不願忠而望賜。愈也不狂不愚。不蹈河而入火。病風而妄罵。不當有如讒者之說也。雖有譏者百人。二公將不信之矣。愈何懼而慎。既以語應。客夜歸。私自尤曰。咄。市有虎。而曾參殺人。讒者之效也。詩曰。取彼讒人。投畀豺虎。豺虎

不食投畀有北有北不受投畀有昊傷於讒疾而甚之之辭也又曰亂之初生僇始既涵亂之又生君子信讒始疑而終信之之謂也孔子曰遠佞人夫佞人不能遠則有時而信之矣今我恃直而不戒禍其至哉徐又自解之曰市有虎聽者庸也曾參殺人以愛惑聽也巷伯之傷亂世是逢也今三賢方與天子謀所以施政於天下而階太平之治聽聽而視明公正而敦大夫聰明則聽視不惑公正則不邇讒邪敦大則有以容而思彼讒人者孰敢進而爲讒哉雖進而爲之亦莫之聽矣我何懼而慎既累月上命李公相客謂愈曰子前被言於一相今李公又相子其危哉愈曰前之謗我於宰相者翰林不知也後之謗我於翰林者宰相不知也今二公合處而會言若及愈必曰韓愈亦人耳彼敦宰相又敦翰林其將何求必不然吾乃今知免矣既而讒言果不行

蘇子瞻前赤壁賦○○○

壬戌之秋七月既望蘇子與客汎舟游於赤壁之下清風徐來水波不興舉酒屬客誦明月之詩歌窈窕之章少焉月出於東山之上徘徊於斗牛之間白露橫江水光接天躡一葦之所如凌萬頃之茫然浩浩乎如馮虛御風而不知其所止飄飄乎如遺世獨立羽化而登僊於是飲酒樂甚扣舷而歌之歌曰桂棹兮蘭槳擊空明兮泝流光渺渺兮予懷望美人兮天一方客有吹洞簫者倚歌而和之其聲嗚嗚然如怨如慕如泣如訴餘音嫋嫋不絕如縷舞幽壑之潛蛟泣孤舟之嫠婦蘇子愀然正襟危坐而問客曰何爲其然也客曰月明星稀烏鵲南飛此非曹孟德之詩乎西望夏口東望武昌山川相繆鬱乎蒼蒼此非孟德之困於周郎者乎方其破荊州下江陵順流而東也舳艫千里旌旗蔽空醞酒臨江橫槊賦詩固一世之雄也而今安在哉况吾與子漁樵於江渚之上侶魚蝦而友麋鹿駕一葉之扁舟舉匏樽以相屬寄蜉蝣於天地渺滄海之一粟哀吾生之須臾羨長江之無窮挾飛僊以遨游抱明月而長終知不可乎驟得託遺響於悲風蘇子曰客亦知夫水與月乎逝者如斯而未嘗往也盈虛者如彼而卒莫消長也蓋將自其變者而觀之則天地曾不能以一瞬自其不變者而觀之則物與我皆無盡

也。而。又。何。美。乎。且。夫。天。地。之。間。物。各。有。主。苟。非。吾。之。所。有。雖。一。豪。而。莫。取。唯。江。上。之。清。風。與。山。間。之。明。月。耳。得。之。而。爲。聲。目。遇。之。而。成。色。取。之。無。禁。用。之。不。竭。是。造。物。者。之。無。盡。藏。也。而。吾。與。子。之。所。共。適。客。喜。而。笑。洗。盞。更。酌。肴。核。既。盡。杯。盤。狼。籍。相。與。枕。藉。乎。舟。中。不。知。東。方。之。既。白。

蘇子瞻後赤壁賦

是歲十月之望步自雪堂將歸於臨臯二客從予過黃泥之坂霜露既降木葉盡脫人影在地仰見明月顧而樂之行歌相答已而嘆曰有客無酒有酒無肴月白風清如此良夜何客曰今者薄暮舉網得魚巨口細鱗狀如松江之鱸顧安所得酒乎歸而謀諸婦婦曰我有斗酒藏之久矣以待子不時之需於是攜酒與魚復游於赤壁之下江流有聲斷岸千尺山高月小水落石出曾日月之幾何而江山不可復識矣予乃攝衣而上履巉巖披蒙茸踞虎豹登虬龍攀栖鵲之危巢俯馮夷之幽宮蓋二客不能從焉劃然長嘯草木震動山鳴谷應風起水湧予亦愴然而悲肅然而恐凜乎其不可留也反而登舟放乎中流聽其所止而休焉時夜將半四顧寂寥適有孤鶴橫江東來翅如車輪元裳緇衣戛然長鳴掠予舟而西也須臾客去予亦就睡夢一道士羽衣躡躡過臨臯之下揖予而言曰赤壁之游樂乎問其姓名俛而不荅嗚呼噫嘻我知之矣曠昔之夜飛鳴而過我者非子也邪道士顧笑予亦驚悟開戶視之不見其處

哀祭類一

屈原九歌

吉日兮辰良，穆將愉兮上皇。撫長劍兮玉珥，璆鏘鳴兮琳琅。瑤席兮玉璫，盍將把兮瓊芳。蕙肴蒸兮蘭藉，奠桂酒兮椒漿。揚枹兮拊鼓，疏緩節兮安歌。陳竽瑟兮浩倡，靈偃蹇兮嫷服。芳菲菲兮滿堂，五音紛兮繁會。君欣欣兮樂康。

東皇太一

浴蘭湯兮沐芳華，采衣兮若英。靈連蟾兮既留，爛昭兮未央。蹇將儻兮壽宮，與日月兮齊光。龍駕兮帝服，聊翱游兮周章。靈皇皇兮既降，猋遺舉兮雲中。覽冀州兮有餘，橫四海兮焉窮。思夫君兮太息，極勞心兮憊憊。

雲中君

君不行兮夷猶，蹇誰留兮中洲。美要眇兮宜修，沛吾乘兮桂舟。令沅湘兮無波，使江水兮安流。望夫君兮歸來，吹參差兮誰思。駕飛龍兮北征，邇吾道兮洞庭。薜荔拍兮蕙綢，承沓橈兮蘭旌。望滂陽兮極浦，橫大江兮揚靈。揚靈兮未極，女嬃媛兮爲余太息。橫涕兮潺湲，隱思君兮悱惻。桂棹兮蘭楫，斲冰兮積雪。采薜荔兮水中，搴芙蓉兮木末。心不同兮媒勞，恩不甚兮輕絕。石瀨兮淺淺，飛龍兮翩翩。交不忠兮怨長，期不信兮告余以不閒。朝騁騫兮江皋，夕弭節兮北渚。鳥次兮屋上，水周兮堂下。捐余玦兮江中，遺余珮兮澧浦。采芳洲兮杜若，將以遺兮下女。時不可兮再得，聊逍遙兮容與。

湘君

帝子降兮北渚，目眇眇兮愁予。嫺嫺兮秋風，洞庭波兮木葉下。登白蘋兮騁望，與佳期兮夕張。鳥萃兮蘋中，嚶何爲兮水上。沅有芷兮澧有蘭，思公子兮未敢言。慌惚兮遠望，觀流水兮潺湲。藥何爲兮庭中，蛟何爲兮水裔。朝馳

余馬兮江皋夕濟兮西澗聞佳人兮召予將騰駕兮借近築室兮水中葺之兮以荷蓋葦壁兮紫壇播芳椒兮成
堂桂棟兮蘭檢辛夷楣兮葍房罔薛荔兮爲帷擗蕙櫺兮旣張白土兮爲鎮疏石蘭兮爲芳芷葺兮荷屋療之兮
杜蘅合百草兮實庭建芳馨兮庶門九疑續兮並迎靈之來兮如雲捐余袂兮江中遺余褱兮澧浦塞汀洲兮杜
若將以遺兮遠者時不可兮驟得聊逍遙兮容與

湘夫人○○○

廣開兮天門紛吾乘兮元雲令飄風兮先驅使溼雨兮溼塵君迴翔兮以下躡空桑兮徙女紛總總兮九洲何壽
夭兮在予高飛兮安翔乘清氣兮御陰陽吾與君兮齊速導帝之兮九坑靈衣兮被被玉佩兮陸離壹陰兮壹陽
衆莫知兮余所爲折疏麻兮瑤華將以遺兮離居老冉冉兮旣極不淺近兮愈疏乘龍兮輾轉高馳兮冲天結桂
枝兮廷於光愈思兮愁人愁人兮奈何願若今兮無虧固人命兮有當孰離合兮可爲

大司命○

秋蘭兮蘼蕪羅生兮堂下綠葉兮素華芳菲菲兮襲予夫人兮自有美子荃何以兮愁苦秋蘭兮青青綠葉兮紫
莖滿堂兮美人忽獨與予兮目成入不言兮出不辭乘迴風兮載雲旗悲莫悲兮生別離樂莫樂兮新相知荷衣
兮蕙帶儵而來兮忽而逝夕宿兮帝郊君誰須兮雲之際與女游兮九河衝飈起兮水揚波與女沐兮咸池晞女
髮兮陽之阿望美人兮未來臨風悅兮浩歌孔蓋兮翠旌登九天兮撫彗星竦長劍兮擁幼艾荃獨宜兮爲民正
少司命○○○

瞰將出兮東方照吾檻兮扶桑撫余馬兮安驅夜皎皎兮旣明駕龍轉兮乘雷載雲旗兮委蛇長太息兮將上心
低徊兮願懷羌聲色兮娛人觀者憐兮忘歸短瑟兮交鼓蕭鐘兮瑤謠鳴鶴兮吹竽思靈保兮賢姱翺飛兮翠
展詩兮會舞應律兮合節靈之來兮蔽日青雲衣兮白霓裳舉長矢兮射天狼操余弧兮反淪降授北斗兮酌桂

漿撰余轡兮高駝翔杳冥冥兮以東行

東君○○

與女游兮九河衝風起兮橫波乘水車兮荷蓋駕雨龍兮驕螭登崑崙兮四望心飛揚兮浩蕩日將暮兮悵忘歸
惟極浦兮寤懷魚鱗屋兮龍堂紫貝闕兮朱宮靈何爲兮水中乘白霓兮逐文魚與女游兮河之清流漸粉兮將
來下子交手兮東行送美人兮南浦波滔滔兮來迎魚鱗鄰兮腰子

河伯○

若有人兮山之阿被薜荔兮帶女蘿既舍涕兮又宜笑子慕子兮善窈窕乘赤豹兮從文狸辛夷車兮結桂旗被
石蘭兮帶杜蘅折芳馨兮遺所思余虛幽篁兮終不見天路險難兮獨後來獨立兮山之上雲容容兮而在下
杳冥冥兮羌晝晦東風飄兮神靈雨留靈修兮憺忘歸歲既晏兮孰華予采三秀兮於山間石磊磊兮葛蔓蔓憑
公子兮悵忘歸君思我兮不得閒山中人兮芳杜若飲石泉兮蔭松柏君思我兮然疑作雷填填兮雨冥冥憑
嗷兮挾夜鳴風颯颯兮木蕭蕭思公子兮往離憂

山鬼○○○

賈生弔屈原賦

恭承嘉惠兮埃罪長沙側聞屈原兮自湛汨羅造託湘流兮散弔先生遭世罔極兮迺隕厥身烏虜哀哉兮逢時
不祥鸞鳳伏竄兮鷓鴣翱翔闔茸顯兮讒諛得志賢聖逆屯兮方正倒植謂隨夷兮謂跖蹠廉莫邪爲鈍兮
鉛刀爲銛于嗟默默生之亡故兮幹棄周鼎而寶康瓠兮臆駕罷牛驂蹇馱兮臆垂兩耳服鹽車兮章父履屨漸
不可久兮嗟苦先生獨離此咎兮許曰已矣國其莫吾知兮子獨壹鬱其誰語鳳縹緲其高逝兮夫固自引而遠
去襲九洲之神龍兮湧淵潛以自珍倘螭鱗以隱處兮夫豈從蝦與蚌螾所貴聖之神德兮遠濁世而自臧使麒

麟可係而羈兮豈云異夫犬羊般紛紛其離此野兮亦夫子之故也歷九州而相其君兮何必懷此都也鳳皇翔於千仞兮覽德輝而下之見細德之險微兮遙增擊而去之彼尋常之汗漬兮豈容吞舟之魚橫江湖之鱣鯨兮固將制於螻蟻

漢武帝悼李夫人賦

美連娟以修嫫兮命權絕而不長飾新宮以延貯兮混不歸乎故鄉慘鬱鬱其蕪穢兮隱處幽而懷傷釋輿馬於山椒兮奄修夜之不陽秋氣憊以淒淚兮桂枝落而銷亡神榮榮以遙思兮精浮游而出彊託沈陰以墮久兮惜蕃華之未央念窮極之不遺兮惟幼眇之相羊函莖扶以俟風兮芳雜襲以彌章的容與以猗靡兮縹飄姚乎愈莊燕淫衍而撫楹兮連流視而娥揚既激感而心逐兮包紅顏而弗明驢接押以離別兮宵寤夢之芒芒忽遷化而不反兮魄放逸以飛揚何靈魂之紛紛兮哀喪回以躊躇執路日以遠兮遂荒忽而辭去超兮西征脣兮不見淒滄斂菀寂兮無音思若流波但兮在心亂曰佳俠函光隕朱榮兮嫉妒闢茸將安程兮方時隆盛年天傷兮弟子增歎滄汰悵兮悲愁於邑嗟不可止兮嚮不虛應亦云已兮雄妍太息嘆稚子兮慟慄不言倚所持兮仁者不誓兮約親兮既往不來申以信兮去彼昭昭就冥冥兮既下新宮不復故庭兮嗚呼哀哉想魂靈兮

哀祭類二

韓退之祭田橫墓文

此是公少作故猶取屈子成句

貞元十一年九月愈如東京道出田橫墓下感橫義高能得士因取酒以祭爲文而弔之其辭曰事有曠百世而相感者余不自知其何心非今世之所稀孰爲使余歔歔而不可禁余既博觀乎天下曷有庶幾乎夫子之所爲死者不復生嗟余去此其從誰當秦氏之敗亂得一士而可王何五百人之擾擾而不能脫夫子於劍鉞抑所寶

之非賢亦天命之有常昔閩里之多士孔聖亦云其違違苟余行之不迷雖顛沛其何傷自古死者非一夫子至今有耿光跪陳辭而薦酒魂髣髴而來享

韓退之潮州祭神文○

潮州刺史韓愈謹以清酌暇脩之奠祈於大湖神之靈曰稻既稔矣而雨不得熟以穫也蠶起且眠矣而雨不得老以簇也歲且盡矣稻不可以復種而蠶不可以復育也農夫桑婦將無以應賦稅繼衣食也非神之不愛人刺史失所職也百姓何辜使至極也神聰明而端一聽不可濫以惑也刺史不仁可坐以辜惟彼無辜惠以福也劉雲陰卷月日也幸身有衣口得食給神役也充上之須脫刑辟也選牲爲酒以報靈德也吹擊管鼓侑香淨也拜廷跪坐如法式也不信當治疾殃殛也神其尚鑒

韓退之祭河南張員外文○○○

茅鹿門云公之奇崛戰鬪鬼神虛令人神眩 蓋鳩先生云淒麗處獨以健傑出之層見疊出而筆力堅潔他人無此也

貞元十九君爲御史余以無能同詔並時君德渾剛標高揭己有不吾如唾猶泥滓余憊而狂年未三紀乘氣加人無挾自恃彼婉孌者寬憚吾曹側肩帖耳有舌如刀我落陽山以尹旆深君飄臨武林之牢歲斃寒兇雪虐風饑顛於馬下我酒君眺夜息南山同臥一席守隸防夫舡頂交拓洞庭漫汗粘天無壁風濤相歷中作霹靂追程盲進飄船箭激南上湘水屈氏所沈二妃行迷淚澀染林山哀浦思鳥獸叫音余唱君和百篇在吟君止於縣我又南踰把釵相飲後期有無期宿界上一又相語自別幾時遽變寒暑枕欹眠加余以股僕來告言虎八麻處無敢驚逐以我驅去君云是物不駿於乘虎取而往來寅其微我預在此與君俱膺猛獸果信惡禱而憑余出嶺中君埃州下借椽江陵非余望者柳山奇變其水清寫泊沙倚石有還無捨衡陽放酒熊咆虎嘯不存令章罰

鸞。蜻。毛。委。舟。湘。流。往。觀。南。嶽。雲。壁。潭。潭。穹。林。攸。攢。避。風。太。湖。七。日。鹿。角。鉤。登。大。帖。怒。頰。豕。狗。鬪。盤。炙。酒。羣。奴。餘。啄。
走。官。階。下。首。下。尻。高。下。馬。伏。塗。從。事。是。遭。予。徵。博。士。君。以。使。已。相。見。京。師。過。願。之。始。分。教。東。生。君。掾。雍。首。兩。都。相。
望。於。別。何。有。解。手。背。面。遂。十。一。年。君。出。我。入。如。相。避。然。生。闕。死。休。吞。不。復。宣。刑。官。屬。郎。引。章。許。奪。權。臣。不。愛。南。昌。
是。韓。明。條。謹。獄。氓。獠。戶。敢。用。遷。遭。浦。爲。人。受。瘞。還。家。東。都。起。令。河。南。屈。拜。後。生。憤。所。不。堪。屢。以。正。免。身。伸。事。蹇。竟。
死。不。升。執。勸。爲。善。丞。相。南。討。余。辱。司。馬。譏。兵。大。梁。走。出。洛。下。哭。不。憑。棺。奠。不。親。塋。不。撫。其。子。葬。不。送。野。望。君。傷。懷。
有。限。如。鴻。銘。君。之。績。納。石。壤。中。爰。及。祖。考。紀。德。事。功。外。著。後。世。鬼。神。與。通。君。其。奚。憾。不。余。鑒。衷。嗚。呼。哀。哉。尙。鑒。
韓。退。之。祭。柳。子。厚。文。○

嗟嗟子厚而至於然邪自古莫不然我又何嗟人之生世如夢一覺其間利害竟亦何校當其夢時有樂有悲及其
既覺豈足追惟凡物之生不願爲材。犧。尊。青。黃。乃。木。之。災。子。之。中。棄。天。脫。帶。羈。玉。佩。瓊。瑤。大。放。厥。辭。富。貴。無。能。磨。
滅。誰。紀。子。之。自。著。表。表。愈。偉。不。善。爲。斷。血。指。汗。顏。巧。匠。劬。親。縮。手。袖。閉。子。之。文。章。而。不。用。世。乃。令。吾。徒。掌。帝。之。制。
子。之。視。人。自。以。無。前。一。斥。不。復。羣。飛。刺。天。嗟嗟子厚今也則亡臨絕之音一何琅琅徧告諸友以寄厥子不鄙謂
余亦託以死凡今之交觀勢厚薄余豈可保能承子託非我知子子實命我猶有鬼神寧敢遺墮念子永歸無復
來期設祭棺前矢心以辭嗚呼哀哉尙鑒

韓退之祭侯主簿文○

維年月日吏部侍郎韓愈謹遣男殿中省進馬信致祭於亡友故國子主簿侯君之靈嗚呼惟子文學今誰過之
子於道義困不捨遺我狎我愛人莫與夷自始及今二紀於茲我或爲文筆俾子持唱我和我問我以疑我釣我
游莫不我隨我寢我休莫爾之私朋友昆弟情敬異施惟我於子無適不宜棄我而死嗟我之衰相好滿目少年
之時日月云亡今其有誰誰不富貴而子爲羈我無利權雖怨曷爲子之方葬我方齋祠哭送不可誰知我悲嗚

呼哀哉尙饗

韓退之祭薛助教文。

維元和四年歲次己丑後三月二十一日景寅朝散郎守國子博士韓愈太學助教侯繼謹以清酌之奠祭於亡友國子助教薛君之靈嗚呼吾徒學而不見施設祿又不足以活身天於此時奪其友人同官太學自得相因奈何永違祗隔數晨笑語爲別慟哭來門藏棺蔽帷欲見無緣皎皎眉目在人目前酌以告誠庶幾有神嗚呼哀哉尙饗

韓退之祭處部張員外文。

維年月日愈等謹以清酌庶羞之奠敬祭於亡友張十三員外之靈嗚呼往在貞元俱從賓薦司我明試時維邦彥各以文售幸皆少年羣游旅宿其歡甚焉出言無尤有獲同喜他年諸人莫有能比儻忽遽今二十餘歲存皆衰白半亦辭世外繼公事內迫家私中宵與嘆無復昔時如何今者又失夫子懿德柔聲永絕心耳慮親之墓終喪乃歸陽瘖避職妻子不知分司憲臺風紀由振遂遷司處以播華問不能老壽孰究其因託嗣于宗天維不仁酒食備設靈其降止論德敘情以視諸誅尙饗

韓退之祭穆員外文。

於乎建中之初余居於嵩攜扶北奔避盜來攻晨及洛師相遇一時顧我如故眷然顧之子有令聞我來自山子之峻明我鈍而頑道既云異誰從知我我思其厚不知其可于後八年君從杜侯我時在洛亦應其招留守無事多君子僚罔有疑忌維其嬉游草生之春鳥鳴之朝我曾在手君揚其鑿君居於室我既來卽或以嘯歌或以優側誨余以義復我以誠終日以語無非德聲主人信讒有感其下殺人無罪誣以成過入救不從反以爲禍赫赫有聞王命三司察我於獄相從係縲曲生何樂直死何悲上懷主人內閱其私進退之難君處之宜既釋於囚我

來徐州道之悠悠思君爲憂我如京師君居父喪哭泣而拜言詞不通我歸自西君反吉服晤言無他往復其言不日而違重我心劓自後聞君母喪是丁痛毒之懷六年以并執云孝子而殞厥靈今我之至入門失聲酒肉在前君胡不餐登君之堂不與我言嗚呼死矣何日來還

韓退之祭房君文○

維某年月日愈謹遣舊吏臬甫悅以酒肉之饋展祭於五官蜀客之樞前嗚呼君乃至於此吾復何言若有鬼神吾未死無以妻子爲念嗚呼君其能聞吾此言否尙饒

韓退之獨孤申叔哀辭○

衆萬之生誰非天邪明昭昏蒙誰使然邪行何爲而怒居何故而憐邪胡喜厚其所可薄而恆不足於賢邪將下民之好惡與彼蒼懸邪抑蒼茫無端而暫寓其間邪死者無知吾爲子慟而已矣如有知也子其自知之矣濯濯其英睚眦其光如聞其聲如見其容嗚呼遠矣何日而忘

韓退之歐陽生哀辭○

歐陽詹世居閩越自詹已上皆爲閩越官至州佐縣令者累累有焉閩越地肥行有山泉禽魚之樂雖有長材秀民通文書吏事與上國同者未嘗肯出仕今上初故宰相常袞爲福建諸州觀察使治其地袞以文辭進有名於時又作大官臨池其民鄉縣小民有能誦書作文辭者袞親與之爲客主之禮觀游宴饗必召與之時未幾皆化翕然詹於時獨秀出袞加敬愛諸生皆推服閩越之人舉進士繇詹始建中貞元間余就食江南未接人事往往聞詹名問巷間詹之稱於江南也久貞元三年余始至京師舉進士聞詹名尤甚八年春遂與詹文辭同考試登第始相識自後詹歸閩中余或在京師他處不見詹久者惟詹歸閩中時爲然其他時與詹離率不厭歲移時則必合合必兩忘其所趨久然後去故余與詹相知爲深詹事父母盡孝道仁於妻子於朋友義以誠氣臨以方容

貌巖巖然其燕私善譔以和其文章切深喜往復善自道讀其書知其於慈孝最隆也十五年冬余以徐州從事朝正於京師詹爲國子監四門助教將率其徒伏闕下舉余爲博士會監有獄不果上觀其心有益於余將忘其身之賤而爲之也嗚呼詹今其死矣詹閩越人也父母老矣捨朝夕之養以來京師其心將以有得於是而歸爲父母榮也雖其父母之心亦皆然詹在側雖無離憂其志不樂也詹在京師雖有離憂其志樂也若詹者所謂以志養志者歟詹雖未得位其名聲流於人人其德行信於朋友雖詹與其父母皆可無憾也詹之事業文章李翱旣爲之傳故作哀辭以舒餘哀以傳於後以遺其父母而解其悲哀以卒詹志云

求仕與友兮遠違其鄉父母之命兮子奉以行友則旣獲兮祿實不豐以志爲養兮何有牛羊事實旣修兮名譽又光父母忻兮常若在旁命雖云短兮其存者長終要必死兮願不永傷友朋親視兮藥物甚良飲食孔時兮所欲無妨壽命不齊兮人道之常在側與遠兮非有不同山川阻深兮魂魄流行祀祭則及兮勿謂不通哭泣無益兮抑哀自彊推生知死兮以慰孝誠嗚呼哀哉兮是亦難忘

李習之祭吏部韓侍郎文○

嗚呼孔氏云遠揚朱恣行孟軻拒之乃壞於成戎風混華異學魁橫兄嘗辯之孔道益明建武以還文卑質喪氣萎體敗剝剝不讓僵花鬪葉顛倒相上及兄之爲思勳鬼神擡去其華得其本根開合性駭驅滯湧雲包劉越巖並武同殷六經之風絕而復新學者有歸大變於文兄之仕官罔辭於艱疏奏輒斥去而復還升黜不改正言嗚聞貞元十二兄在汴州我游自徐始得兄交視我無能待予以友講文析道爲益之厚二十九年不知其久兄以疾休我病臥室三來視我笑言窮日何荒不耕會之以一人心樂生皆惡言凶兄之在病則齊其終順化以盡靡憾於中別我千萬意如不窮臨喪大號決裂肝胸老聃言壽死而不忘兄名之垂星斗之光我謬兄行下於太常聲殫天地誰云不長喪車來東我刺蘆江君命有嚴不見兄喪遣使奠俾百酸攪腸音容若在曷日而忘嗚呼哀

哉尙饗

哀祭類三

歐陽永叔祭竇政范公文。

嗚呼公乎學古居今持方入員巨軻之艱其道則然公曰彼惡謂公好許公曰彼善謂公樹朋公所勇爲謂公躁進公有退讓謂公近名讒人之言其何可聽先事而斥羣議衆排有事而思讎仇謂材毀不吾傷譽不吾喜進退有儀夷行險止嗚呼公乎舉世之善誰非公徒讓入豈多公志不舒善不勝惡豈其然乎成難毀易理又然歟嗚呼公乎欲壞其椽先摧桷椽傾巢破殼披折榜枝害一損百人誰不權誰爲黨論是不仁哉嗚呼公乎易名諡行君子之榮生也何毀歿也何稱好死惡生殆非人情豈其生有所嫉而死無所爭自公云亡謗不待辨愈久愈明由今所見始屈終伸公其無恨寫懷平生寓此薄奠

歐陽永叔祭尹師魯文。

嗟乎師魯辯足以窮萬物而不能當一獄吏志可以狹四海而無所措其一身窮山之崖野水之濱猿猴之窟麋鹿之羣_爲不容於其間兮遂卽萬鬼而爲鄰嗟乎師魯世之惡子之多未必若愛子者之衆而其窮而至此兮得非命在乎天而不在乎人方其奔顛斥逐困死艱屯舉世皆寃而語言未嘗以自及以窮至死而妻子不見其悲忻用舍進退屈伸語默夫何能然乃學之力至其握手爲訣隱几待終顏色不變笑言從容死生之間旣已能通於性命憂患之至宜其不累於心胸自子云逝善人宜哀子能自達予又何悲惟其師友之益平生之交情之難忘言不可究嗟乎師魯自古有死皆歸無物惟聖與賢雖埋不沒尤於文章焯若星日子之所爲後世師法雖嗣子尚幼未足以付予而世人藏之庶可無於墜失子於衆人最愛子文寓辭千里甫此一樽奠以慰子聞乎不聞歐陽永叔祭石曼卿文。

嗚呼曼卿生而爲英死而爲靈其同乎萬物生死而復歸於無物者暫聚之形不與萬物共盡而卓然其不朽者後世之名此自古聖賢莫不有然而著在簡冊者昭如日星嗚呼曼卿吾不見子久矣猶能髣髴子之平生其軒昂磊落突兀崢嶸而藏埋於地下者意其不化爲朽壤而爲金玉之精不然生長松之千尺產靈芝而九莖奈何荒煙野草荆棘縱橫風淒露下走燐飛螢但見牧童樵叟歌吟而上下與夫鷲禽駭獸悲鳴躑躅而啾嚶今固如此更千秋而萬歲兮安知其不穴藏狐貉與麋鹿此自古聖賢亦皆然兮獨不見夫纍纍兮曠野與荒城嗚呼曼卿盛衰之理吾固知其如此而感念瞻昔悲涼悽愴不覺臨風而隕涕者有愧夫太上之忘情

歐陽永叔祭蘇子美文○

哀哀子美命止斯邪小人之幸君子之嗟子之心胸蟠屈龍蛇風雲變化雨雹交加忽然揮斧霹靂轟車人有遭之心驚膽落震仆如麻須臾霽止而四顧百里山川草木開發萌芽子於文章雄豪放肆有如此者吁可怪邪嗟乎世人知此而已貪悅其外不窺其內欲知子心窮達之際金石雖堅尚可破壞子於窮達始終仁義惟人不知乃窮至此蘊而不見遂以沒地獨留文章照耀後世嗟世之愚掩抑毀傷譬如磨鑑不滅愈光一世之短萬世之長其間得失不待較量哀哀子美來舉子腹

歐陽永叔祭梅聖俞文○

昔始見子伊川之上余仕方初子年亦壯讀書飲酒握手相歡談辨鋒出賢豪滿前謂言仕宦所至皆然但當行樂何以憂患子去河南余貶山峽三十年間乖離會合晚被選擢濫官朝廷薦子學舍吟哦六經余才過分可愧非榮子雖窮厄日有聲名余猶而剛中遭多難氣血先耗髮鬢早變子心寬易在險如夷年實加我其顏不衰謂子仁人自宜多壽余嘗膏火煎熬豈久事今反此理固難知況於富貴又可必期念昔河南同時一輩零落之餘惟予子在子又去我余存無幾凡今之游皆莫余先紀行琢辭子宜余責送終郵孤則有衆力惟聲與淚獨出余

蘇子瞻祭歐陽文忠公文。

嗚呼哀哉公之生於世六十有六年民有父母國有著龜斯文有傳學者有師君子有所恃而不恐小人有所畏而不爲譬如大川喬嶽不見其運動而功利之及於物者蓋不可以數計而周知今公之沒也赤子無所仰堯朝廷無所稽疑斯文化爲異端而學者至於用夷君子以爲無爲爲善而小人沛然自以爲得時譬如深淵大澤龍亡而虎逝則變怪雜出舞鱗鯉而號狐狸昔其未用也天下以爲病而其既用也則又以爲遲及其釋位而去也莫不冀其復用至其請老而歸也莫不惆悵失望而猶庶幾於萬一者幸公之未衰孰謂公無復有意於斯世也奄一去而莫子追豈厭世溷濁潔身而逝乎將民之無祿而天莫之遺昔我先君懷寶遺世非公則莫能致而不肖無牀因緣出入受教於門下者十有六年於茲聞公之喪義當匍匐往弔而懷祿不去愧古人以忸怩賦詞千里以寓一哀而已矣蓋上以爲天下慟而下以哭其私

蘇子瞻祭柳子玉文。

猗歎子玉兩國之秀甚敏而文聲發自幼從橫武庫炳蔚文園獨以詩鳴天錫雄味元輕白俗郊寒島瘦嘹然一吟衆作卓陋凡今卿相伊昔朋舊平視青雲可到甯驥執云坎壈白髮垂脰才高絕俗性疏來詆謫居窮山遂侶猩狖夜衾不絮朝甑絕餽慨然懷歸投棄纓綬潛山之麓往事神后道味自飴世芬莫顯凡世所欲有避無就謂當乘除併畀之壽云何不淑命也誰咎頃在錢唐惠然我觀相從半歲日飲醇酎朝游南屏暮宿靈鷲雪窗飢坐清園閒奏沙河夜歸霜月如畫綸巾鶴氅驚笑吳婦會合之難如次組繡翻然失去覆水何救維子耆老名德俱茂嗟我後來匪友惟媾子有令子將大子後頽然二孫則謂我舅念子永歸涕如懸霽歌此奠詩一樽往侑蘇子由代三省祭司馬丞相文。

嗚呼元豐末命震驚四方號令所從帷幄是望公來自西會哭於廷搢紳咨嗟復見老成太任在位成王在左曰予惛惛誰卹予禍白髮蒼顏三世之臣不留相予孰左右民公出於道民聚而呼皆曰予父歸與歸與公畏莫當過反洛師授之宛邱實將用之公之來思爰然特立身如槁木心如金石時當宅憂蒸默不言一二卿士代天幹旋事勢如絲衆比如櫛治亂之幾間不容髮公身當之所恃惟誠吾民苟安吾君則甯以順得天以信得人組去太甚復其本原白叟黃童織婦耕夫庶幾休焉日月以須公乘安輿入見廷和裕民之言之死靡它將享合宮百辟咸事公病於家臥不時起明日當齋公訃暮聞天以雨泣都人酸辛禮成不賀人識君意龍衮蟬冠遂以牲饗公之初來民執弓矛逮公永歸既耕且耰公雖云亡其志則存國有成法朝有正人持而守之有進毋隕匪以報公維以報君天子聖明神母萬年民不告勤公志則然死者復生信我此言嗚呼哀哉尙饗

王介甫祭范穎州文

○○豐塢先生云虛不敢瀕瀕當作嘯亂穴字疑當作穴瀕治也帶疑瀕字是言虛之不敢近邊也

嗚呼我公一世之師由初迄終名節無疵明肅之盛身危志殖瑤華失位又隨以斥治功亟聞尹帝之都閉姦興良稚子歌呼赫赫之家萬首俯趨獨繩其私以走江湖士爭雷公蹈厲不憚有危其辭謁與俱出風俗之衰駭正怡邪塞塞我初人以疑嗟力行不回慕者興起儒先曾曾以節相侈公之在貶愈勇爲忠稽前引古誼不營躬外更三州施有餘澤如灑河江以灌尋尺宿賊自解不以刑加猾盜涵仁終老無邪譴藝絃歌慕來千里溝川障澤田桑有喜戎孽孺狂敢觸我疆鑄印刻符公屏一方取將於伍後常多顯收士至佐維邦之彥聲之所加虜不敢瀕以其餘威走敵完鄰昔也始至瘡痍滿道藥之養之內外完好既其無爲飲酒笑歌百城宴眠吏士委蛇上嘉曰材以副樞密稽首辭讓至於六七遂參宰相釐我典常扶賢贊傑亂穴除死官更於朝士變於鄉百治具修偷墮勉強彼闕不遂歸侍帝側卒屏於外身屯道塞謂宜耆老尙有以爲神乎孰忍使至於斯蓋公之才猶不盡試肆其經綸功孰與計自公之貴廡庫逾空利其色辭傲許以容化於婦妾不靡珠玉翼翼公子美編惡粟閔死憐

窮惟是之奢孤女以嫁男成厥家孰堙於深孰饒乎厚其傳其詳以法永久碩人今亡那國之憂矧鄙不肖辱公知尤承凶萬里不往而雷涕洟馳辭以贊膠蓋

王介甫祭歐陽文忠公文○

夫事有人力之可致猶不可期况乎天理之溟溟又安可得而推惟公生有聞於當時死有傳於後世苟能如此足矣而亦又何悲如公器質之深厚智識之高遠而輔學術之精微故充於文章見於議論豪健俊偉怪巧瑰琦其積於中者浩如江河之停蓄其發於外者爛如日星之光輝其清音幽韻淒如飄風急雨之驟至其雄辭閎辨快如輕車駿馬之奔馳世之學者無問乎譁與不譁而讀其文則其人可知嗚呼自公仕宦四十年上下徃復感世路之崎嶇雖屯遭困躓竄斥流離而終不可掩者以其公議之是非既壓復起遂顯於世果敢之氣剛正之節至晚而不衰方仁宗皇帝臨朝之末年願念後事謂如公者可寄以社稷之安危及夫發謀決策從容指顧立定大計謂千載而一時功名成就不居而去其出處進退又庶乎英魄靈氣不隨異物腐敗而長在乎箕山之側與潁水之湄然天下之無賢不肖且猶爲涕泣而歎歎而况朝士大夫昔游從又予心之所嚮慕而瞻依嗚呼盛衰興廢之理自古如此而臨風相望不能忘情者念公之不可復見而其誰與歸

王介甫祭丁元珍學士文○

我初閉門屈首詩書一出涉世茫無所知授挈覆護免於阨危雖培浸灌使有華滋微吾元珍我始弗殖如何棄我隕命一昔以忠以恕以信以仁至於白首困厄窮屯又從躋之使以躓死豈伊人尤天實爲此有幾彼石可誌於邱雖不屬我我其徂求請著君德銘之九幽以馳我哀不在膠蓋

王介甫祭王回深甫文○

嗟嗟深甫眞棄我而先乎孰謂深甫之壯以死而吾可以長年乎雖吾昔日執子之手歸言子之所爲實受命於

吾母曰此人乃與爲友吾母知子過於子初終子成德多吾不如嗚呼天乎既喪吾母又奪吾友雖不卽死吾何能久搏胸一慟心摧志朽泣涕爲文以薦食酒嗟嗟深甫子尙知否

王介甫祭高師雄主簿文

茅順甫云奇崛之文

我始寄此與君往還於時康定慶歷之間愛我勤我急我所難日月一世疾於跳丸南北幾時相見悲歡去歲憂除追尋陳迹淮水之上治城之側握手笑語有如一昔屈指數日待君歸船安知彌年乃見哭庭維君家行可謂修飭如其智能亦豈多得垂老一命終於遠域豈惟故人所爲嘆息撫棺一奠以告心惻

王介甫祭曾博士易占文○

嗚呼公以罪廢實以不幸卒困以天亦惟其命與才違人實知之名之不幸知者爲誰公之閭里宗親黨友知公之名於世無有嗚呼公初公志如何孰云不諧而厄孔多地大天穹有時而毀星日脫敗山傾谷圯人居其間萬物一偏固有窮通世數之然至其天壽尙可憂喜要之百年一蜩一死方其生時窮若囚拘其死以歸混合空虛以生易死死者不祈惟其不見生者之悲公今有子能隆公後惟彼生者可無甚悼嗟理則然其情難忘哭泣聽辭往侑奠觴○

王介甫祭李省副文○

嗚呼君謂死者必先氣索而神零孰謂君氣足以薄雲漢兮神昭晰乎日星而忽隕背乎不能保百年之康甯惟君別我往祀太一笑言從容愈於平日既至卽事升降孔秩歸鞍在塗不返其室訃聞士夫環視太息矧我於君情何可極具茲醪羞以告哀惻

王介甫祭周幾道文○

初我見君皆童而賦意氣豪悍崩山決澤弱冠相視隱憂困窮貌則侔年心類如翁俛仰悲歡超然一世皓髮齋
誠分當先契孰知君子赴我稱孤發封涕洟舉屋驚呼行與世乖惟君繼繼弔禍問疾書猶在眼序銘於石以報
德音設辭雖編義不愧心君實愛我祭其如歎

王介甫祭東向原道文○

嗚呼東君其信然邪奚仇友朋奚怨室家堂堂去之我始疑嗟惟昔見君田子之自我欲疾走哭諸田氏吾靡不
赴田疾不知今乃獨哭誰同我悲始君求仕士莫敢匹洪洪其聲碩碩其實霜落之林豪鷹雋鷗萬鳥避逃直摩
蒼天躡焉僅仕后愈以困洗藏儲塞動輒失分如羈駿馬以駕柴車側身墮首與塞同芻命又不祥不能中壽百
不一出孰知其有能知君者世孰予多學則同游仕則同科出作揚官君實其鄉傾心倒肝迹斥形忘君於壽食
我飲鄧水豈無此朋念不去彼既來自東乃臨君喪閔閔陰宮梗野榛荒東門之行不幾日月孰云於今萬世之
別嗟屯怨窮閔命不長世人皆然君子則亡予其何言君尙有知具此酒食以陳我悲

王介甫祭張安國檢正文○

嗚呼善之不必福其已久矣豈今於君始悼嘆其如此自君喪陰知必顧予怪久不至豈其病歟今也君弟哭而
來赴天不姑釋一士以爲予助何生之艱而死之遽君始從我與吾兒游言動視聽正而不偷樂於飢寒惟道之
謀既椽司法議爭讞失中書大理再爲君屈遂升宰屬能撓強擗辨正獄訟又常精出豈君刑名爲獨窮深直諒
明清靡所不任人逃莫知乃惻我心君仁至矣勇施而忘已君孝至矣孺慕以至死能人所難可謂君子嗚呼吾
兒逝矣君又隨之我留在世其與幾時酒食之哀侑以言辭

方靈臯宣左人哀辭

左人與予生同郡長而客游同方性還離合踰二十年而爲汎交已丑庚寅間予類至淮上左人授徒邗江道邗

數與語始異之其家在龍山吾邑山水奇勝處也每語予居此之樂而自恨近六十猶栖栖於四方予久寓金陵亦倦游思還故里遂以辛卯正月至其家左山右湖學壤如沐醫連信宿相期匝歲定居於此而是冬十月以南山集牽連被逮時左人適在金陵急予難與二三骨肉兄弟之友相後先在諸君子不爲異而予固未敢以望於左人壬辰夏予繫刑部左人忽入視問何以來則他無所爲將歸謂予曰吾附人舟車不自由以天之遺子無恙尋當歸吾終待子龍山之陽矣及予邀寬法出獄隸漢軍欲附書報左人而鄉人來言左人死矣時康熙五十二年也龍山地偏而俗酒居者多壽者左人父及伯叔父皆八九十左人貌魁然其神凝然人皆曰當得大年雖左人亦自謂然而竟至於此子與左人相識幾三十年而不相知相知踰年而予及於難又踰年而左人死雖欲與之異地相望而久困窮亦不可得此恨有終極邪辭曰嗟子精爽之炯然兮今已陰爲野土閉兩心之所期兮永相望於終古川原信美而可樂兮生如避而死歸解人世之糾纏兮得甘寢其何悲

方靈臬武季子哀辭

康熙丙申夏聞武君商平之喪哭而爲墓表將以歸其孤冬十月孤泆至京師曰家散矣父母大父母諸兄七喪喪以葬爲是以來叩所學則經書能背誦矣授徒某家冬春間數至假唐宋諸家古文自繕寫首夏予出塞返役而泆死已浹日矣始商平有子三人予皆見其孩提以及成人長子洛爲邑諸生卒年二十有四次子某年二十有一將受室而卒泆其季也憶泆五六歲時予過商平常借羣兒喧聒左右少長抱書從其父往來予家及至京師則幹軀偉然予方欲迪之學行以嗣其宗而遽以羈死有子始二歲商平生故家而窶艱迫阨視細民有甚焉又父母皆篤老煩急家事凌雜米鹽無幾微軚生瑕釁然卒能約身隱情以盡其恩而不愆於義予每嘆其行之難也而旣羸其躬復札其後嗣嗚呼世將絕而後乃繁昌者於古有之矣其果能然也邪泆卒於丁酉十月十日年二十有一歲葬京師郭東江甯義塚予志歸其喪事有待先以鳴予哀其辭曰嗟爾生兮震愆罹百憂兮連厄

蹇孤游兮局窄命支離兮爲鬼客天屬盡兮榮光地下兮相從江之干兮淮之泝醫先靈兮日延企魂朝發兮暮可投異生還兮路阻修孺子號兮在室水呵護兮無失

劉才甫祭史秉中文

嗚呼我居帝里閨寂寡聊徐氏之自得與子交匪我畏我諉我道義六藝之元奇章逸字旣我讀書似子之慮於子焉飯歡然有餘或提一觴遠適墟墓長松之陰慘愴相顧問我與子胡爲其然我不自知子亦不言凡今之朋利名是賴惟我與子不營其外我乖於世動輒有尤惟與子處如疾斯瘳如何今日子又我棄獨行榮蕘低顏失氣自子云沒寡妻去帷幃幃二老於何其依子之奇窮匪我能救哭泣陳詞惟心之疚

劉才甫祭吳文肅公文

嗚呼我初見公公在內閣暗髮朱顏笑言磊落追念平生朋好游從款款晚遇石友之功爾我信宿取酒斟酌親布衾稠權其厚薄我生蓋寡得此於人而況公德齒爵皆尊公年七十稱觴命坐落落羣賢其中有我我謂公健百歲可望相見無幾遽哭於堂嗚呼人之生世遽然一夢惟其令名一世傳頌死而不死夫又何悲爲知已痛哭泣陳辭

劉才甫祭舅氏文

維年月日劉氏甥大樞謹以清酌庶羞之奠致祭於舅氏楊君稱棠先生之靈嗚呼舅氏以君之毅然直方長者而天乃絕其嗣續使鬻鬻之孤魄依於月山之址樞不肖未嘗學問然君獨顧之而喜謂能光劉氏之業者其在斯人吾未老耄庶幾猶及見之矣嗚呼孰知君之忽焉以歿而不肖之零落無狀今猶若此尙鑒